

THE DOCTRINES AND DISCIPLINE

OF THE

METHODIST EPISCOPAL CHURCH, SOUTH,

WVHVLV MEROTEST EPESKOPVL MEKUSVPKV-CUKO

EM

MVHAKV MOMEN SEEMFVYATKV OCAKAT.

1898.

BUREAU OF  
AMERICAN ETHNOLOGY.

11520

1902

EDITED BY JOHN J. TIGERT, D. D., LL. D.

CANE C. TIKVT ETETAKUECVTET OS.

MRS. A. E. W. ROBERTSON, TRANSLATOR.

A. E. W. R. TOHTVLECIV.

PM  
991  
Z71M59  
1899  
SOA

NASHVILLE, TENN.

TENESE EKVNTVCKV, NASFEL TVLOFV.  
PUBLISHING HOUSE OF THE M. E. CHURCH, SOUTH.  
M. E. MEKUSVPKV-CUKO EN NAKCOKV HAHICKV CUKO.  
BOARD OF MISSIONS KICETV EN HAYAKET OS.  
BARBEE & SMITH, AGENTS.  
PAPE SMET TEPAKAT VFASTVLKE.


1899.



Lang.













PM  
991  
Z71459  
1899  
SOA

# THE DOCTRINES AND DISCIPLINE

OF THE

METHODIST EPISCOPAL CHURCH, SOUTH.

WVHVLV MEROTEST EPESKOPVL MEKUSVPKV-CUKO

EM

MVHAKV MOMEN SEEMFVYATKV OCAKAT.

1898.

BUREAU OF  
WESTERN CYRILLIC  
LIBRARY  
11520

EDITED BY JOHN J. TIGERT, D. D., LL. D.

CANE C. TIKVT ETETAKUECVTET OS.

*Miss W. Robertson*  
MRS. A. E. W. ROBERTSON, TRANSLATOR.

A. E. W. R. TOHTVLECICV.

NASHVILLE, TENN.  
TENESE EKVNTVCKV, NASFEL TVLOFV.  
PUBLISHING HOUSE OF THE M. E. CHURCH, SOUTH  
WVHVLV M. E. MEKUSVPKV-CUKO EN NAKCOKV HAHICKV CUKO.  
BOARD OF MISSIONS KICETV EN HAYAKET OS.  
BARBEE & SMITH, AGENTS.  
PAPE SMET TEPAKAT VFASTVLKE.  
1899.

PM991

Z71M4

**SVTEFEKET MEKUSVPKV MVHAKV OHFVCCV HANOUAT.**

**MEKUSVPKV MVHAKV OPUNVKV HEYV NAKCOKV**  
ofv ocat Mekusvpkv Mvhakv pum Mekusvpkv-  
cuko oh huerat opunvkv setehopayvyvtet omit,  
“Vhake fvccvt os,” maket ohkerkuecuyet os.

**CANE C. TIKVT,**

*Cokv Etetakuecvt.*

Nasfel tvlofv, Kvco-hvse 1, 1898.

(ii)

## ACKNOWLEDGMENT.

---

WITH the appearing of my name as translator it is but just that I should acknowledge, with thanks, the help of many Indian friends with whom the Muskokee is the native language. Mrs. F. B. Severs, having given more time to this help than any other one, I would mention with special thanks.

To Presiding Elder J. S. Lamar the Creeks and Seminoles are greatly indebted for procuring and paying Mr. Johnson Tiger as interpreter for my final review of the work, and to Mr. Tiger for what he gave by his low charges.

A. E. W. ROBERTSON.

---

## VKVSVMKV.

---

ESTE Cate vn hessvlke sulken hiyomat vkvsamvyet os, heyv cokvn tohtvlecicyof, vkvsamuset vm vnicakekv. Mrs. F. B. Severs mahkvu vm vnicat okety sulken oh yvmahkuecvtet ok, Este Catet tayen vkvsvmkvre tayet os, vkvsamvyat etvpomen.

Hvtvm Erkenkv Nvkaftecv, J. S. Lamar yvtekv emet heckuecvte tepakan heren vkvsvmkv-rés, Nvkaftecv em feken, mv yvtekv, Johnson Tiger feketv cotkuse omên vpohemvt ok. Mvt, espoken mvhericyof, heren vm vnicemvts.

A. E. W. R.



## WAHVLV MEROTEST EPESKOPVL MEKUSVPKV- CUKO VTEHKVLKE TOYATSKAT,

NAKE momecvraneje tvlkusat, momen es epu 'fvcket momeceje tetayat pu homvn wakket os, komēt, heyv pum Mekusvpkv-cuko em mvhakv seemfvyatkv esyomat, Teseplen kihocat, Nake vfvstetv heret os, komēt, ce homvn vykeceyet os. Ohrolope sulke etehoyvnen, estet vfvstakat eskerraken, mvn oh hahoyvtet os.

Hëyv nakcokv cotkat Ohkalv vtekat en cuko ofv ocen hecetvn pu yaces; momen nake hiyomen epu 'kerricepuecat heyvt os; mekusapvlke mekusvpkvcuko Lomvn Karolek Mekusvpkv-cuko kihocat tokvkekan vtehke yvmv ekvnnv fullat omvlkvranset mekusvpkv-cuko em mvhakv heyv nakcokv ofv ocakat vkvsvmvket os: momen mv mvhakv omvlkvn vkvsvmvkekat svset o estomis, vpvlvvn vkvsvmvket os.

Ohkalvlke toyeyat nanvke mekusvpkv ohfvcev mvhayeyat hvmkusen, monkat Teseplen mekusvpkv-cuko ohfvcev es pum fvyatkv oceyat ofv nake hvmkuis kerratskekaren komēkot, omvlkvn ohonayet, vketecet, kerret, ce feke take ofvn eenakuecatskvren pu yacet os.

Enhvteceskvn Cokv-Rakkon eenakuecet, svhokkolan cokv mekusvpkv-cuko vtehkatskat em

mvhakv, momen seemfvyatkv ocakan eenakuecv-  
ranatsket os.

Neren nettvu, tvlemen tvleme tokon cen lopic-  
kvn vtotket, cem etecakketvlke, cem mekusvp-  
kv-cuko vhecicvlke ece 'nokecakuseyat,

JOHN C. KEENER,	CANE S. KENV,
ALPHEUS W. WILSON,	ALFEVS W. WELSVN,
JOHN C. GRANBERY,	CANE S. KLANPELE,
ROBERT K. HARGROVE,	LAPVT K. HAKLOF,
WILLIAM W. DUNCAN,	WELYVM W. TVNKVN,
CHARLES B. GALLOWAY,	CALE P. KALOWE,
EUGENE R. HENDRIX,	YUCĒN R. HENTLEKS,
JOSEPH S. KEY,	COSE S. KE,
OSCAR P. FITZGERALD,	ASKV P. FETSCELVLT,
WARREN A. CANDLER,	WALEN A. KANTLV,
HENRY C. MORRISON.	HENLE C. MALESVN.

# NANVKE VTEHKAT.

## SETENTVCKE I.

MEKUSVPKV MVHAKV MOMEN SEEMFVYATKV OHKALVLKE OMVLKV VRVHECAKAT.

TEK. 1. Mekusvpkv Mvhakv.....	1-25
TEK. 2. Seemfvyatkv Ohkalvlke Omvlkv Vrvhecakat.....	26-31

## SETENTVCKE II.

KANFELVNS OCAKAT.

TEK. 1. Cenelvi Kanfelvns.....	32
TEK. 2. Anyuvl Kanfelvns.....	44-66
TEK. 3. Testlekt Kanfelvns.....	67-75
TEK. 4. Kwatvle Kanfelvns.....	76-86
TEK. 5. Mekusvpkv-cuko en Kanfelvns..	87-93

## SETENTVCKE III.

ERKENVKVLKE MEKUSNPKV-CUKO EM WIKETV  
ESYOMAT.

TEK. 3. Krkenvkv Nvkaftecvlke.....	108-118
TEK. 4. Erkenvkvike Svket, Stesvn mon- kat Mesvn Vhecicakat.....	119-138
TEK. 5. Erkenvkvike Ohvketeckv vrah- kv Ascehueckv.....	139-141
TEK. 6. Erkenvkvike Erkenvkv en Hue- retv Esfvcken Ascehueckv.....	142-145

TEK. 7.	Tekvn Tvlemvlke.....	146-151
TEK. 8.	Eltv Tvlemvlke.....	152-157
TEK. 11.	Erkenvkv Fekhonnvlke.....	164-172
TEK. 13.	Vcahnvlke.....	177-182
TEK. 14.	Vkerrickv Vpohvlke.....	183-186
TEK. 15.	Stuvtvke.....	187-194
TEK. 17.	Ohhecvlke.....	197-204

## SETENTVCKE IV.

## MEKUSVPKV-CUKO VTEHKVLKE.

TEK. 1.	Este Mekusvpkv-cuko Ohvpyvetv	205-207
TEK. 2.	Mekusvpkv-cuko en Hopuetake.	208-212

## SETENTVCKE V.

ESKETV ESTE HACECE TAYAT EENHVLVTKV	213-215
-------------------------------------	---------

## SETENTVCKE VI.

## NANVKE MEKUSVPKV ESTEFEKE OFV ES

## OHVTVLAHOYE TAYAT.

TEK. 1.	Mekusvpkv Nvkvtetv.....	216-226
TEK. 2.	Mekusvpvrane Nvkvtetv .....	227, 228
TEK. 3.	Vnokeckv Hompetv .....	229, 230
TEK. 4.	Vkerrickv Vpohe Nvkvtetv.....	231-236
TEK. 5.	Nettvcano Cokv-heckv .....	237-240
TEK. 6.	Epwvr Etohkvketv.....	248-257

## SETENTVCKE VII.

## TESEPLEN ESFVSTETV.

TEK. 2.	Erkenvkv Tvleme em Fvcceckv.	263-278
TEK. 3.	Erkenvkv Ohvketeckv vrahkv Aceyihocvte em Fvcceckv.....	279



TEK. 4. Erkenvkv Fekhonnv em Fvceckv.....	280-289
TEK. 5. Mekusvkv-cuko Vpikv em Fvceckv.....	290-301

SETENTVCKE VIII.

OHHUEHKETV.

TEK. 2. Erkenvkv Fekhonnv Kanfelvns Ohhuehkat.....	307-311
TEK. 3. Ohkalv Mekusapv Kanfelvns Ohhuehkat.....	312-315

SETENTVCKE IX.

ESTEMWIKETV COKV ESKERKV EST EM ESHOYAT  
MOMEN EM FULECIHOCAT.

TEK. 1. Estemwiketv Cokv Eskerkv Eltv Tvlemvlke momen Tekvn Tvlemvlke Emvkhoyat.....	316, 317
TEK. 2. Estemwiketv Cokv Eskerkv Eltv Fekhonnvlke momen Tekvn Fekhonnvlke Emvkhoyat.....	318, 319

SETENTVCKE X.

ERKENVKVLKE ESEMFEEKETV.

TEK. 1. Svket monkat Stesvn em Erkenvkv Esemfeketv.....	320-323
TEK. 2. Erkenvkv Nvkaftecvlke Esemfeketv.....	324

SETENTVCKE XII.

COKV-KERRETV.....	405-414
-------------------	---------

## SETENTVCKE XIII.

NAKCOKV HAHICKV CUKO ENHOMAHTV.. 417, 418

## SETENTVCKE XIV.

MEKUSVPKV-CUKO MOMEN PUM MEKUSVPKV-CUKO  
ENAKE OCAKAT.

TEK. 1. Mekusvpkv-cuko Hayetv..... 443-445

TEK. 2. Erkenvkvke e Hutetake Hayetv 446, 447

## SETENTVCKE XV.

LETYUVL KIHOCAT.

TEK. 1. Pucase en Hompetv Vfvstetv... 467

TEK. 2. Hopuetakuce Paptiskv..... 468

TEK. 3. Ohrolope Sulecakat Paptiskv... 469

TEK. 4. Este Mekusvpkv-cuko Eseyickv 470

TEK. 5. Este Tehvlytepueckv Opunvkv. 471

TEK. 6. Este Pvsatkvte Hopeletv Vfvstetv..... 472

TEK. 9. Tekvn em Wiketv Hayetv..... 475

TEK. 10. Eltv em Wiketv Hayetv..... 476

## TESEPLEN COKV VHORKVSKE.

I. Este Cate em Mesvnele Kanfelvns em  
Vfulotke Vhopakv..... 492

II. "Course of Study" kicetv..... 525-529

IV. Pesvpylke em Etohkvlketv em Fvc-  
ceekv..... 531V. Ekvnv em Afvcketv Opunvyece Opun-  
vkv-Cvpkueckv..... 608-615

# MVHAKV TESEPLEN ESYOMAT.

## SETENTVCKE I.

MEKUSVPKV MVHAKV MOMEN SEEMFVYATKV PUM MEKUSVPKV-CUKO VTEHKVLKE OMVLKV VRVHECAKAT.

### TEKVPVKE I.

MEKUSVPKV MVHAKV.

#### I. *Tlenete Vcakat Ohvkvsvmkv Opunvyeckv.*

(Tleneten opunyeceyof, heyvñ okeyet os. Hesaketvmese hymkusat este tutcenet vtehkes; monkv Hvmke tutcenicat okeyat Tleneten okeyet os. Tutcene hymket oman okeyet os.)

¶ 1. Hesaketvmese wenake, mehenwat hymkuset os, enhvteceskv meyuksv tis sekot, ena momet enalvce tis ocekot, en yekce, en hoporrenkv, en heretv esyomat cakkuecēsko tayat, meyuksv-sekon; nanvke omvlkv, heckat heckekat esyomat hayvte, momet vcayecvt. Momet heyv Hesaketvmese hymkusat tutcenet etetehket os, Erke, Eppuce, Puyvfekev Herateu, momet em

munkv, en yekce momen eyuksvseko likvte, likvranateu, heyv tutcenat momvlkuset os.

II. *Opunvkv, Hesaketvmese E'ppuce, Este-hunvnwv mahhe hakvte Opunvyeckv.*

¶ 2. Hesaketvmese E'ppuce, Erke Hesaketvmese em Opunvkv omat, Hesaketvmese mehenwe, meyuksv-seko likat, em munkv Erke em munkvt omen, Fvcenv ohmerkvt en hopuetakhute ofvn este em munkvn enaken hayvtes; momat em munkv hokkole temvpokakat, Hesaketvmese em munkv momen este em munkv, wena-kekv hvnken vtehket etelvcevk et omvtes, tekvpvkvranvte sekot, mvt Klist hvnku-sat omet, Hesaketvmese mahhet, momet este-hunvnwv mahhat liket os. Momet este-hunvnwvt omet, mehenwvn estemer-rihocvtes; etohweklepkvn svrahket, elvtes, momen e'nan herihocvtes. Erke vnaorkeyvten es pum mahlvvtecievranet heyvn momecvtes, momet Erke ehomvn elehockv hakvret, naorketv enhvteceskv, mv aossat este omvkv en heckvte tvlkekon, momis naorketv estomis vrahkvn momecvtes.

III. *Klist Elkv Aenkwwpketv.*

¶ 3. Mehenwvt os, Klist pvsatkvte aenkvpvken kvwapkvtes, momet e'nan hvtvm vpikvtes. Mv ena kvwapkvttet estena temvpoke nanvke ocat omvlkvn ocvttet os, momen mvn vpiket, Klist hvlwen vkwapkvtes, momet mvn like munket nettv espoken este omvlkvn ohfvcecvranet rvlkvres.

IV. *Puyvfekev Vcakat.*

¶ 4. Puyvfekev Vcakat Erke Eppuce tepake etenhvmkusat em munkv momvlkuset os, en rakkety em vrakkety momvlkuses; emet Hesaketvmese mahhe meyuksv-seko likat omet.

V. *Nakcokv Vcakat Vhesaketv Heckueckv Esfvcken Este Mvhaye tetayat.*

¶ 5. Cokv Vcakat, (Cokv-Rakko kicety,) vhesaketvn heckueceyvren nanvke momecvraneyat omvlkvn pu mvhayet os; momat naket o estomis mv ofv hechoyekat, momet mv ofv fvccehoceko tayat, este estomis vkvsvmven em 'pohoheko taves, momen mvn vkvsvmekon omat, estet hesahoke taves, komhoyeko taves. Cokv Vcakat

hocefkat vkerricēn omat, cokv lopucke mv vtehkat, Hesaketvmese em opunvkv tes, komet, mekusapvlke omvkvvt heren kerrakvte tvikusen vkerriceyet os. Heyvn tohkvlhoyof, Testament Vculat momen Testament Mucvsat hocefhoyvtes.

*Mv cokv lopucke Hesaketvmese em opunvkv vtehkat en hocefhokv heyvt omakes.*

Ceneses,

Eksotvs,

Lefetekvs,

Nvmpvs, (Vhonkvtkv kicetv,)

Tutelanome,

Caswe,

Cvces, (Fvcecevlke kicetv,)

Lure,

Cokv Samyvl Coyvte Enhvteceskv,

Cokv Samyvl Coyvte Svhokkolat,

Mekkvike Ohonkv Enhvteceskv,

Mekkvike Ohonkv Svhokkolat,

Klanekles Enhvteceskv,

Klanekles Svhokkolat,

Eslv,

Nehemiv,

Estv,

Cop,  
Cokv Esvkvsvmkv, (Sams kicetv,)  
Plafvps,  
Ekleseastes, (Erkenvkv kicetv,)  
Salomv en Yvhiketv,  
Esivs,  
Cvlemiv,  
Lementesens,  
Esekevl,  
Tanvle,  
Hosev,  
Coel,  
Emvse,  
Opetiv,  
Convse,  
Mikv,  
Nehvme,  
Hepakvk,  
Sefeniv,  
Hakei,  
Sekeliv,  
Maleki.

Heyv cokv lopucke Esivs hoccfkan es vlicece Maleki espoyen owalvlket coyakvtes, momen Esivs, Cvlemiv, Esekevl, Tanvle esostat owalv rvkrakat hoccfhoyet os,

momen palen hokkolohkake vhoskat owalv lopuckat hocefhoyet os.

Cokv lopucke Testament Muevsat vtehat, Hesaketvmese em opuvnkv tes, komhoyat, omvlkvt mv tes, komeyet os.

### VI. *Testement Vculat.*

¶ 6. Testament Vculat Testament Muevsat vnrypekot os; Testament Vculat Muevsat tepakat este emvhayat heyvt os; este omvlkvn, Klist eteropotten, vhesaketvn heckuecvkvre em etektvnet os, momen mv Klist Hesaketvmeset omet, momet estet omēt, Hesaketvmese momen este etenherkepucev hvmkusat liket os. Monkv estet, Mekusapv vculvke tate setemfvccetv lvpkusen esohfvckvkvranať tvlkusen vkvsvmvke tates, makaken omat, em ypohicvraneťkot os. Vhakov Mose etehoyvne Cusvlke emvte mekusvpkv vtotketv enke 'svfvstetv tvlkuse ohfvccv ocakat hiyomat mekusapvlke vfvstvkekan taves, momen vhakov Cusvlke em etvlwv tvlkusen seemfvyatkvn emvte yvmv ekvny etvlwv etv sasat, Mvn es e em fvyatatskvres, Hesaketvmeset makekot os. Mome estomis



Vhaky Palat, momen vhaky myn vlvakat emekusapy estomis enkvpykvrane kot os.

VII. *Naorketv Holwvyeckv Enhvteceskv Aatat.*

¶ 7. Naorketv Holwvyeckv Enhvteceskv Aatat Atvme naorkvte vevkvyetv tvlkuse tokot os, estet Pelecvlke hocefkakat, Mv tes, makaket o estomis. Ehvperkv myn makaket os. Mv naorketv heyv tes; pu'ckvlke enhvteceskv naorkakan vpakusen em munkv omvlkvt vhopvnye hakvtes, momen en honvpse omvlkvt mata em munkv vhopvnykat a en heckakvtes, momen mv eteropotten este omvlkvt pu'ckvlke enhvteceskv naorkvkeko emunkof oca kvte enkvpyket hopvyen vpeyet os, momet eme em munkv mahusat omecicen naorketv em vlose munkvt os.

VIII. *Kometv Pucassekat.*

¶ 8. Atvme latkvte vtekat este en hue retv hiyomet os; eme en yekce em munkv ocat, monkat em vtotketv etehoyvnen Hesaketvmese ohfulketv e emetetakueceko taves, Hesaketvmesen oh huehket, oh vkvsvmvret: monkv vtotketv herake, est en

lopice, momen Hesaketvmesen es afvceci-  
 cvke tayat momeceyvre yekcetvn ocēkos,  
 Hesaketvmese en heromkv Klist etehoyvne  
 ocat kometv herat oceyvren pum etetakueh-  
 cet, momet mv kometv herat pun hecikof,  
 ep ofvn vtotkekon omat.

IX. *Este Fvce Ome Hueretv.*

¶ 9. Pu Pucase momet Hesayecv Cesvs  
 Klist heretv orat eteropotte, vkvsvmkv  
 etehoyvne tvlkusen, momen pum vtotketv,  
 monkat heretv oriceyat etehoyvne tokon,  
 Hesaketvmeset fvcecvkes pu komet os: mon-  
 kv, Vkvsvmkv etehoyvne tvlkusen fvc-  
 cvke omet svpakleyet os, maket estemv-  
 hayat mvhakov pun lopice mahe, mahlvpyt-  
 ketv es fvcket os.

X. *Vtotketv Herakat.*

¶ 10. Vtotketv herakat vkvsvmkv em  
 ettet omet, este facev en hueretv est' en  
 heckvte renyupv ocakat, pun naorketvn  
 pu'nkvpvyeciceko tayes, momet Hesaketv-  
 mese em ohfvceckv honnat kvwapeye ta-  
 yen pu hayeko tayes: mome estomis Klist  
 ofv Hesaketvmese ehomv here, momet  
 afvceci-cvket os. Vkvsvmkv mehenwe mo-

met here epu nekeyicat asossvket os; momat eto em ette es kerhoyat etvpomen mv vtotketvt vkvsvmkv este ofv here vtotkat kerkucevket os.

XI. *Vtotketv estet momecvkvre tetaye senhoyvnen este estomet momece taye haks?*

¶ 11. Hesaketvmeset em vhakv etero-potten, Momecvkes, pu kicvte senhoyvnen vtotketv herakat momeceye taves, maket, estit estemvhayen omat, ekvsvmet, Hesaketvmesen vnrvpn hueret, mvhayet os. Hiyomet omekv, estit mvn makakat, Nannvke momecvraneyvte tvlkusen momecēkot, mv senhoyvnen momecēs, maket e ohkerkuecaket os. Momis Klist kerkusen opunayet, hvmmaket vhakv pu'mvtet os: Nake ce kicvkvte omvlkvn momehcatskof, Vtotkvlke lopicvkeko toyēs; nake momecvraneyvten momecēs, makvkvtevs, pu kicet os. (Luk 17:10.)

XII. *Fvuce ome Hueretv Renyupv Naorketv.*

¶ 12. Hesaketvmeset este estomen naorkvte seko omēn evpayen omat, momen

mv erhoyanat mv estet momehcvrs komet naorken omat, Mv naorketv vtekat Puyv-fekev Vcakat vnaorketvt omen, enkvpvkeko tayes, komhoyvranekot os. Monkv estet mekusapv mehenwe hakvte eryupvn naorken omat, Em vkerrickvn eticet, fulkeko tayes, estit makvranekot os; Puyv-fekev Vcakat pun hecike erhoyanat, heromkv pun heckvten enkvpaket, naorketvn vkvplatkeye wites, momet, Hesaketvmese en heromkv etehoyvnen, ahueret, pum fulletvn mvhericeye tetayes. Monkv, Yvmv ekvnnv hesahokeye vtekat svnvcomvn naorkeko tayes, makaken omat, monkat, Este svnvcomv heckvtet naorketvn vkvplatken omat, e feke es nokkicuset rafulecet o estomis, en naorketvn enkvpvkeko tayes, makaken omat, fvceekon opunahoyes, kometvt os.

### XIII. *Mekusvpkv-Cuko.*

¶ 13. Klist em Mekusvpkv-cuko hec kat heyvt omes. Mekusapvlke heromakat em etohkvkvt omes; momen mv em etenrvwn Hesaketvmese em opunvkv fvccvn erkenvkhojen, mekusvpkv-cuko en

nakvfvstetv vcacakat Klist mellvten, pu mvhayvte vevkvyen, momet nanvke vevk-  
vpeyvraneyat tvlkusen es vfvshoten omat,  
heyvt mvt omes.

#### XIV. *Pvketole Kihocat.*

¶ 14. Mvhakv Lomvn Karolek Meku-  
svpkv-cuko ofvn hahoyvte hiyomvke ocet  
os. Est em puyvfekev estomis yvmv ekv-  
nvn wikan vpaken liketv etv holwakan,  
Pvketole hocefakan, ayet os, makaket  
omes. Hvtvm Cesvs e'cke vhake, este  
herake pvsatkvte vhakvke esyoman vrak-  
kuecet mekusvphoyvranet os, makaket  
omes. Hvtvm este herake pvsatkvte e  
fune, em vevvke momen mv omvke esyo-  
mat vrakkuehocvranet os, makaket os.  
Momen ohvtvlakat, Este pvsatkvte hvlwe-  
tvlofv vpokat ohhuehhoket emekusvpho-  
yvranet os, makaket os. Heyv mvhakv,  
nake ehvperke est' em vkerrickv ofv ho-  
cackvtet, holwvke mahet os. Mvhakv  
heyv omat hvmkusis Nakcokv Rakko ofvn  
heckeko tayas, mvn oh hahoye tetayat,  
momis Hesaketvmese em opunvkvv vnr-  
pet os.

XV. *Mekusvpkv nvkvftetv em etenrvvv  
Opunvkv kerhoyat es Opunvyetv.*

¶ 15. Mekusvpkv nvkvftetv ofv opunvkv kerkekon es emekusvpetv, monkat es erkenvketvt, momet mekusvpkv-cuko em vfvstetv vcaakat erkenvkvv vfastof, punvkv kerhoyekat es opunayen omat, mvt Hesaketvmese em opunvkv momet mekusvpkv-cuko vpastelvlket hayakvte es em vpeyetv vnrpet omat kerkuset os.

XVI. *Mekusvpkv-cuko en Nakvfvstetv  
Vcaakat.*

¶ 16. Nakvfvstetv vcaakat mekusa-pvlke nake e ohkerkuecakat eskerkv tvlkuse tokot omakes, momis heyv min kerkuccaket os: heromkv pun heckvte, momen Hesaketvmeset nak es pun lopicvre komat eskerkvv omakes. Heyv nake vcaakat eteropotten Hesaketvmeset heckekon ep ofvn vtotket os; momet mv tvlkekot os: eme ohkvsvmkv oceyat ep ofv herc vtotken pun hayat tvlkekot, momis yekci-cet os.

Klist pu Pucase em opunvkv-herv ofvn

nakvfvstetv vcacvke hokkolen mellvtet os, Paptiskv Pucase en Hompetv eshokkolat.

Heyv nake vcacakat ohheckv monkat esfulletvn Klist mellekatet os, momis 'sevnicet vfasteyvren. Momen heyv nakvfvstetv vcacakat Pucase vcvkayv mehenwvket naket omakat kerretv oren en heckakat tvlkusen heren lopicet emvnievket os. Momis mv este mome taye oricekot cawen omat, ohfvececkv e en heckuecaket os, vpastel Pal makvte etvpomen. (Cokv Kvlenrvlke ohtotvte I, 11:27.)

### XVII. *Paptiskv.*

¶ 17. Paptiskv eohkerkuecetv eskerkv̄t omet, mekusapvlke este vpvltake emvrahrvket omat eskerkueckv, mv eteropotte mekusapvlke este paptiskvkekat emvrahrvket omat eskerhohoyat omes. Momis heyvt omvlkek's; svnvcomv hecketv, hecketv mucvsat, eskerkv̄t omes. Hopuetakuce paptiskvkvre mekusvpkv-cuko ofvn ocvrane munkvt omes.

### XVIII. *Pucase en Hompetv.*

¶ 18. Pucase en Hompetv vnokeckv





XIX. *Tvklke Pvrko-opuswv Eshokkolat.*

¶ 19. Erkenkvke tvkuset pvrko-opuswv eskvkvranet os, estit makvranekot os. Pucase en Hompety etekvprke hokolvn, Klist mellvte vevkvyen, estemetuecekot mekusapvlke omvlkv emvkhoyvranet os.

XX. *Oplesvn Hvmkuse Klist, Etohweklep-kvn Svtarket, Espoyvte.*

¶ 20. Hesaketvmeset pun naorkety vrahkv pu 'stemerricvranvte tvkuset omvtes, estit epu 'yoposket estemerkekaten omat, momen heyv ohfvcev pu Hesayecv epu 'yoposke huervtet oplesvn hakvtes. Pun holwvyeckv vrahkv fvceckvn esfvcecet E'rken mahlvvteciat oplesvn haket os. Momet este omvlkv vrahkv pu Hesayecvt, eme mahusat oplesvn hakvret E'rken em e wkvtes. Momet, Hesaketvmeset, "Estempuyvfekev naorkat, mvt elvres," makvtet ok, epu 'yoposke elvre tvlkusat oplesvn Hesaketvmese em ohfvceckvn esfvcece tayat omvtes. Monkv Klist heyv oplesvn hakvtet omat ymv ekvnv este en naorkety omvlkv Hesaketv-

mese es emahlvptecickv es em etetayes. Naorketv este omvlkv es heckvkvte, monkat naorketv momecakat omvlkv vrahkvn Klist etohweklepkvn svtarke elvtet oplesvn tetayet omes. Pvlke es neskv temvpoke, ohfvceckv esfvcece tetayat omes, momen este en naorketv vrahkv ohfvceckv ohwetenkv enkvpyecice tayat etv sekot omes.

Monkv estit, Plestvlket oplesvn Hesaketvmesen tewolen 'sem vpeyat este-wenahokat, monkat pvsatkvtan emvnicvke tayes, makakat, nak onvkuce Hesaketvmese vnrvpe, momet este semvkerretv nak holvveke oh vlvkuece tayan mvhayaket os.

### XXI. *Erkenvkv Hokte Epaye tayat.*

¶ 21. Hesaketvmeset em vhakv eteropotten erkenvkvken em punayet, Estofvn hokten epahyvkos, maket, temfvccatskvrer, monkat, Hokten epayatskeko tayes, kievkekot os; monkv mekusapvlke etvt hokte epayetv em etektvkat etvpomen, erkenvkvket, Momvre heret os, komet, momet mekusvpkv ohfvcev emvnice tayat

os, komaken omat, epayetv em etektvnkvet os.

XXII. *Mekusvpkv-cuko em Vhakuce momet Nakvfstetv ocakat.*

¶ 22. Mekusvpkv-cuko em vhakuce momet nakvfstetv ocakat mekusapvlke omvlkvt matan vfvstvkvres kievkhoeyeko tayes; momis mekusapvlke em etohkvlketv hvmet nake e en hayakof, mv etohkvlketv vtekkakat omvlkvt vfvstvkvranet os.

(Mekusapvlke em etohkvlketv Este Hvtke em punvkv ofvn Tenamenesvn hocetket os, Ohkalvlke em etohkvlketvt Tenamenesvn hvmet os.)

Tenamenesvn em vhakuce momen nakvfstetv ocakat mvrahrve hakvtet os, momen, Hesaketvmese em vhakv vnrופן estet naken momcevkeko vtekat, mvrahrkuecvkvre em etektvntet os. Ekvnv rakrvke ymv ekvnv vfulotakat temvrahrvet omes, momen este mvn vpokat temvrahrvet on, 'sem vpeyetvu temvrahrvet omes. Momen oketvt hoyane munken nanvke sulket mvrahrve haket os. Monkv heyv omvlkvn vkerricet, mekusapvlke em etoh-

kvkety ocakat es em vpeyetyv mvrakhue-  
cyke tayes, Hesaketvmese em opunvkv es-  
vhopakvñ oh hecake munken omat.

Momis estet eme em vkerrickv tvlkusen  
omet, vkvsvmet, momet mehevrs komet  
mekusvpkv etohkvkety eme vpikat em  
vhakucen heket kacen omat, hecken vse-  
hohvranet os, em etohkvkety vpvltaket  
momecat omēn momecetyv penkvlvkven.  
Este estomet em mekusvpkv-cuko em vha-  
kuce Hesaketvmese em opunvkv vnrpv-  
keko, mekusvpkv-cuko este em wiketvt  
hahihcet, herakes, komakvten kacen omat,  
em etohkvkety 'sem vpeyetyv momen em  
mellkvte vnrvpen aret, mekusapvlke vkv-  
svmkv ofv yekevkekat em vkerrickv taken  
vrvttcet omekv.

Mekusapvlke em etohkvkety vtekat em  
vhakuce momen nakseemfvvatkvñ mellet,  
monkat mvrakhuecet, monkat sumecicyke  
tayes, nanvke momecakat omvlkv meku-  
svpkv-cuko here etohtvretv svrahkvñ mo-  
mecvkvren.

XXIII. *Wvcenv ofv Este Mvrvke Sehokat.*

¶ 23. Wvcenv Mekko, Wvcenv en Nv-

kvftetv, Ekvvwarke em Mekkvke, en Cuko-vtehkvlke esyomat Wvcenv em fvyatvlket omakes, Wvcenvt este em wiketv hahicvtet omekv. Wvcenv Vhakov em Pvtakvt ot, Ekvvwarke em Vhakov em Pvtakov yekcetv vrahvkv yekcetv 'sen kerkuecat vevkvyen Wvcenv Etlwv tvsekvyvt wiketv hahicvtet omekv, Wvcenv Etlwv em fvyatvlket omakes. Momen Wvcenv Etlwv, Yunitet Stets hocfket, etenhvmkuset omat, etlwv hvvkuse haket os; momet eme mahusat en yekce ofvn hueret, etlwv etv em elecvn sehokvranēkot os.\*

#### XXIV. *Mekusapvlke en Nakockv.*

##### ¶ 24. Mekusapvlke en nakockv estomis

\* Yvmv ekvny etlwvvlke en nakvfvstetv ohfvcevt on omat, heyvt pum vkvsvmkvt os. Mekusapvlke, momen erkenvkvlke mahkvvu, ekvny vpokan yekcetv hvlwe mahat em elecvn svpvklyranet os; momet nak herat tvlkusen este es em fvyvtetvn momece vtekat, estome estomis este etvt mata em vpohicetvn vkvsvmepuecetvn komvkvranet os; monkv pum erkenvkvlke mekusapvlke esyomat pum fvyatvlke em elecvn svpaklekot, Tleporv em fvyatvlke elecvn svpaklen omat, mv em vpohicvlke herkv em vlostvke, vhakov vcaeyevket fullvres, komeyat, mvn en nene hecayet os.

tvleme tokot os, epucasetv, monkat, Cv-  
nake tes, makvke taye ohfvecvt on omat;  
este lakset, ekvsamet, Mvt tvlemet os, ma-  
kakak svset o estomis. Mome estomis este  
vtekat nanvke ocat asossen este estemerra-  
kan heromkvn emvkvrant os, emvke ta-  
yat vevkvyen.

XXV. *Emekusapv Enke-kvwvpkv eteropot-  
te em Opunvkv.*

¶ 25. Pu Pucase Cesvs Klist, em vpas-  
tel Cems tepakat Hesaketvmesen ehvper-  
kvn hocefet opunayetvn mekusapvlken em  
vsehvket omat kerkuecēt o estomis, Klist  
em mekusvpkvt este-hunvvnwvt enken kv-  
wapet opunayvren em vsehekot os, fvece-  
cvt maken omat, momen vkvsvmkv vno-  
keckv tepakat vrahkvn momecen omat.  
Momis Cokv-rakkot pu mvhayat vevkvye,  
fvecctv, ohfvececkv mehenwv esyomat  
ofvn momecvranet os.

---

## TEKVPVKE II.

SEEMFVYATKV OHKALVLKE EM ETOHKVLKE-  
TV OMVLKV VRVHECAKAT.

¶ 26. Ohrolope 1739 esyukpokvranof,

este cenvpake, monkat palet, Lvntvn tvlo-  
fvn fullet, Mestv Wesley en yicvtes. Na-  
orketv e feketake esnokkicuse omet, mo-  
met pvlke-neskv eyace mahet es hihhoket  
en yicvtes. Cvpvkketv vlvkvranať e'kv-  
take onvpvn vtarke munken hecakat es-  
tohmet emvnttecvke tayat em onayvren,  
momet vpaket mekusapet oketvn yvmah-  
kuecvren em 'pohakvtes. Monkv heyv  
vtotketv rakkat ohvtvlaken em etektvkv-  
ren komet, omvlkvť nvkafte tayan nettvn  
mellvtes, Rvste nettvt mvt omen; momen  
mv vtekat nettvcakuce omvlkvň mv nettv  
yafkan omvlkvť etohvtelokvtes. Heyv  
este em vñonkvťkvť nettv omvlkvň ohv-  
tvlaket ayekv, omvlkvň omahvn emvcah-  
nytes, hvmkevlke, Nake em punayare en-  
kusvpke mahes, komat vevkvyen, momen  
estofis vrahrvkv enkusvpketv vevkvyen  
emekusapvntot vwahvtes.

¶ 27. Heyv etohkvľketv enhvteceskvň  
*Eulopvn*, momof *Wvcenv Ekvvnv* etohkvľ-  
ketv YUNITET SOSIETE hocefke hakvtet os.

Etohkvľketv heyv omat hiyomet os;  
“*este mekusvpkv mehenven ocvke este sem-  
momakat, momet mekusvpkv fvcce en yek-*

*cen hopoyakat, tohkvcken emekusapet, opunvkv mvcahnetyv vpohicet, momet vnokeckv ofvn etehēcivkvret, eme mahusat em vhesaketv esfvcke vtotketv etemvnicvke tayat etohkvkakat” omes.*

¶ 28. Este heyv Sosite vpvketv eyacēn omat, em vhakvt nak hvmkusen em ’pohet os—“cypvkketyv vlvkvrānat en letketv momet holwvyeckv enkvpvken hesakvre eyackvn.” Momis heyv eyackvt estempuyvfeckv ofvn heren vfekhonnen omat, em ette eteropotten heckvres. Monkv este estomet heyv Sosite ofv huere vtekat, vhesaketv eyace munken kerkuēēvret, nanvke vketēēvrānat ocvket omes. Hiyomvket os.

Enhvteceskvn, este nak em vhopānat, monkat nake nokkice tayat momecekot, nak holwvke naorkvlke momecākat estomis e enkvpicvrānet os.

Mv naorketyv hiyomvket os.

Hesaketvmese e hocefkv ehvperkv es opunayetyv;

Nak wiyyet, nak neset, monkat vtotketv estomis nettv etvn momehocat Nettvcaikon momecet, mv nettv vhopvnetv;



Hackv, monkat, momvrane tvlkusat tokon omat, nak este hacece tayat esketv;

*Etepoyetv, etehvnkv, tvhiketv, etecak-  
kat etecakkvte vnrופן vhakv sohayetv;*  
holwakan holwakat vyoposke este em pv-  
lecetv; nak neset monkat wiyyof *opunvkv  
essulecetv;*

*Nakneskv naken sohfehokvranvten omat,  
fehokeko munken nesen omat;*

*Naksohfeketv vhakv etektvnecat senhoyv-  
nen est em 'pohet naken est em palet, mon-  
kat momēn vhuericen omat;*

Etemopunvyeckv *vnokeckv vpvkekat,*  
monkat *est en lopicvkeko tayat es opunv-  
yetv, est em wiketv momet erkenvkvke  
vnrופן holwvke opunvyececv mahvkvu;*

Nanvke este em momecvre komat tokon  
em momecetv;

Nake Hesaketvmese es vrakvve tokot  
omat kerret, mvn momecetv: hiyomakat,

*Cvtokunaplane monkat vccvke vcake sv-  
retv;*

*Esafvcketv Pucase Cevs e hocefkv ofv  
estet'seafvcecciceko tayat es afvcketv;*

*Yvhiketv monkat nakcokv Hesaketvmese  
kerretv momet vnokeckv tepakat ohfvccv*

est emvnicvkeko tayat *yvhiketv*, momet mv *nakcokv ohonayetv*;

Enhorkv monkat nake enkusvpkekat 'seafvceecicetv;

Yvmv ekvvnv nak sulecetv;

Pvlken fekvye taves, komeko est em pvlctv, monkat, fekvrane kot omof, neskv-cuko ofv, Cem fekares, maket, nanvke cv-wetv.

¶ 29. Hvtvm svhokkolat hiyomen: heyv Sosiete ocakat vtehke fekhonnakat omvlkvt vhesaketvn eyacvket omat heyv nanvken momecakat eskerkuecvkvrane munkvt os.

Estome estomis em etektvnkof, este nake en lopievre momecetv; en yekce vevk-vyen nake here momece tayat omvlkvn, ume taye oren, este omvlkv em momecetv;

Enhvteceskv, nanvke est e'na en lopievke taye, ume tayat Hesaketvmeset emvte vevkvyen elawakat hompvkuecet, enatvlkvkvranusan vceecet, enokhokat momen cuko-yekcv vtehkvlken erhecet momet em vnicetv;

Svhokkolan mv mvhkv ehvperke, "*Pu feketaket momeceyvre vkvsvmakuset omekon*

*omat*, nak estenlopickvn momecvranēkot os," makat, ohsvpaklet, ele elecvn hayet, este em puyvfekcvtaken en lopicet, etohkvlketv estomis este etem oceyat, mv este omvlkvn naorketvn em vsehet, monkat here emvcahnetv.

Hvtvm estet vhesaketvn eyacakat hiyomen eskerkuecvkvrant os—vkvsvmkv en cuko-vtehkvlke, monkat mv hahakvren es hihkakak, mv mahvkvu en lopicvket, mv mahvkvu pum vtotketv es em palet, mvn eten neset, momet nakvfvstetv ofvn etemvnicetv; momen heyv momecvkvre ome-cice mahat, yvmv ekvnyv este enaken encaket, *mv tolkusen* vnokecaket os.

Momet, umvke tayat vcvkvyen *nak yv-mahkkuecekot hueret*, *vfekcakh* vtotkakak eskerkuecvkvres, Opunvkv-herv holwvkes, estimvt makvkekaren.

Hvtvm etemvrkv ehomv ocan momis komet pefatket, *e em ehvperkuecet*, *nettv vrahkvn em etohweklepkvn kvwapet*, momet Klist vrahkv vlesketv ocan kvwapet, nak holwvke momet nake vpvlvthoyvte ome svpvkletv vkvsamet, momet estet Pucase vrahkv *nak holwvke mvrahrkv omvlkvn*

*laksuket kievkve* en nene hecet, vhesaketvn eyacvket omat kerkuecvkvrant os.

¶ 30. Heyv Sosiete ofv ohvtvlake vpeyetvn eyacakat vhesaketvn eyacvket omat hiyomvken momecet eskerkuecvkvren em etohkvlketvt komaket os.

Svtutcenan, nanvke Hesaketvmeset mekusapvlken em mellvte omvlkvn hecet, vfvstvkvres.

Mellvte heyvt omakes;

Hesaketvmese emekusvpkv nvkvftetv;

Em opunvkv kerkueckv, estit Nakcokv-rakkon ohonayet, monkat ohhvyvyicet on omat;

Pucase en Hompetv;

Cuko hvnke vtehkvlke etohkvlkat em mekusvpkv, momet entvlkuse mekusvpkv;

Cokv-Rakko Vketecet Ohonayetv; momet Eelvweckv.

¶ 31. Pum etohkvlketv Sosiete hocefkakat em Vhakuce Omvlkv Vrvhecakat heyvt omakes, momen Hesaketvmeset, em opunvkv hoccat eteropotten, heyv omvlkv vfvstetvn pu mvhayet os. Mv opunvkv hocce, Nakcokv-Rakko hoccfkat, vhakv mv vevkvye pum vkvsvmkv momeckv

tepakā fvyateye tayat heyv tvlkuset omet, pum etetayat omes. Momen heyv omvlkvñ Hesaketvmese em Puyvfekev est e feketake mehenwvñ vhoneckakan oh coyet omen kerreyet os. Epu 'pvkakat hvmet mv vhakuce vfvstekot, kvcake munket aren omat, mv este em puyvfekev ohfvccvñ e ohkerkuecvrane omet vketecakan en kerkuehocvkekvs. Em mvtte aran emvcahneyvres; emehaket emmunket, oke tvñ yvmahkueceyvres; momis momof em vkerrickvñ eticekon omat, ohvtvlakat epu 'pvkeko taves; pum puyvfekevñ en holwvyeckvñ es em mvttekon hayeyet os.

## SETENTVCKE II.

KANFELVNS OCAKAT.

## TEKVPVKE I.

SVCULVKE EM NVKVFTETV OMOVLECAT, CENE-  
LVL KANFELVNS HOCEFKAAT.

*Vpo.* Cenevl Kanfelvns este estomvket vtehkvre te?

¶ 32. *Vyo.* Anyuyl Kanfelvns vtehkvlke em vhonevtkv pale osten cenvpohkakat vtekat vrahkvnerkenkv hvmke Cenevl Kanfelvns vpikvnercvkres; momen heyv erkenkv Cenevl Kanfelvns vtehkvlke em vhonevtkv etvpomet le mempv kihocat Anyuyl Kanfelvns vtekat mellaakat erkenkv fekhonv hvmken melhoye taves.

---

## TEKVPVKE II.

OHROLOPE VRAHKV NVKVFTETV, ANYUVL  
KANFELVNS KIHOCAT.

*Vpo.* 1. Anyuyl Kanfelvns kihocat este estomakat hahkvre te, momen en yekcetv seemfvyatkv esyomat estomvket oma?

¶ 44. *Vyo.* 1. Erkenkv Nvkaftecv em

Ekvntvckv hymkevlke vrahvkv erkenkv tvlemvlke omvlkv, le mempv kihocce oste esyomat vtehkvrres. Heyv le mempv kihocat hymket erkenkv fekhonnvt omen, tutcenat erkenkv tokot o estomis, vtehkvrres.

¶ 45. *Vyo.* 2. Erkenkv Nvkaftecv em ekvnwarkv vrahvkv Erkenkvvlke en Nvkftetv Testlekt Kanfelvns kihocet os, momen Testlekt Kanfelvns le mempv ostan ohrolope vrahkvn ohmellaket omvres; momis heyvn vketecvkvres; estimvt em vculkv ohrolope pale hokkolen cahkepohkicat omekat, momet ohrolope epaken mekusupkv-cuko vpikvt ayet omekon omat, ohmelhoyet omekares.

¶ 46. *Vyo.* 3. Heyv le mempv ostat Testlekt Kanfelvns en nakvfvstetv omvlkvn vnicaket omvres, momis erkenkvvlke em fulletv ohfvccv vfvshotat tvlkusen vnicvkekot omvres.

¶ 47. *Vyo.* 4. Kanfelvns vtekvvlke omvlkv en nvkftetvn etohvteloket omvres, Hesaketvmeset mvnvttecekon omat. Momen esfvcken erkenkvvlke hahokvro vrahkvn ohvketechoye munkat, momen

erkenvketv vliceevkvranať omvlkvt Kanfelvns en nvkvftetv omvlkvn vpeyvkvres, momis vpohkv estomis ohfveevn e'nketa-ken kvwvpekot, momet punayvkekares, Kanfelvns em etektvneevkeko vtekat.

*Vpo.* 2. Svculvke en Nvkvftetv, Anyuvl Kanfelvns kihocat, em vhonkvtkv momen em ekvny en rakketv em vhopakvn estimvt mellvkvr haks?

¶ 48. *Vyo.* Svculvke en Nvkvftetv Omvlecat, Cenelvl Kanfelvns hocefkat.

*Vpo.* 3. Oketv Anyuvl Kanfelvns nvkvftvranat estimvt mellvre te?

¶ 49. *Vyo.* Pesvplvke kihocat, momis Anyuvl Kanfelvns nettvcakuce hvnken vpokvre em etektvneevkvres, monkat senhofunis.

*Vpo.* 4. Anyuvl Kanfelvns estvmvn nvkaftvranat estimvt melletv hayvre te?

¶ 50. *Vyo.* Anyuvl Kanfelvns vrahrvkvť estvmv nvkaftvranan mellvkvres, momis naket homv kerkeko tayvtet omecicen mvrahkueevkvranať tvlkuset on omat, Erkenvkv Nvkaftcevľke sulke mahat, Pesvp ohliketvn ohlikvranat em vkvsymvken omat, mvrahkueckv yekcetvn oevkvres.



*Vpo.* 5. Anyuvl Kanfelvns vpokof, estimvt ohliketvn ohlikvre te?

¶ 51. *Vyo.* Pesvpylke. Pesvp sekonomat, Kanfelvns erkenvkv tvlemvlke asossen, setemuntvlkv eteropotten, Ohliketv Ohlikvn hayvkvres. Momen Ohliketv Ohlikv momēn hahoyvtet Pesvp em vtotketv omylvkn vfvstvres; erkenvkv enke ohwvkece em wiketv hayat tvlkusen momecekares.

*Vpo.* 6. Anyuvl Kanfelvns ofv nakvfvstetvt estomen ayvrana?

¶ 52. *Vyo.* Vpohetv hiyomvken vpo-hohvranet os:

1. Ohvketeckv eteropotten estitvket melhoyvte te?

2. Ohvketeckvn mehakakat estitvke te?

3. Em wiketv em fekhonnihocvtet estitvke te?

4. Esfvcken esceyihocvtet estitvke te?

5. Pylken esceyihocvtet estitvke te?

6. Erkenvkvke en Nkvftetv etv asossen esceyihocvtet estitvke te?

7. Ohrolope hvnken tekvn em wiketv svpvklytet estitvke te?

8. Erkenvkv fully estomakan tekvn enhopohoyvtet ome haks?

9. Erkenvkv fullv estomakan tekvn en yekcetvn emhoyvtet ome haks?

10. Erkenvkv fekhonnv estomakan tekvn enhopohoyvtet ome haks?

11. Erkenvkv fekhonnv estomakan tekvn en yekcetvn esfvcken emhoyvtet ome haks?

12. Erkenvkv fullv estomakan Erkenvkv Nvkaftecvn enhopohoyvtet ome haks?

13. Erkenvkv fullv estomakan Nvkaftecv em wiketvn esfvcken emhoyvtet ome haks?

14. Erkenvkv fekhonnv estomakan Nvkaftecv em wiketvn enhopohoyvtet ome haks?

15. Erkenvkv fekhonnv estomakan Nvkaftecv en wiketvn esfvcken emhoyvtet ome haks?

16. Heyv ohrolope ofv erkenvkv fullv tate estomakat fekhonnvket oma?

17. Erkenvkv estomakat cvfeknekat omeicen Nettvcako omvlkvn erkenvkety umvkeko taya?

18. Erkenvkv tayen erkenakvtet omeicen erkenvkety umvkeko taye hakvtet estityket oma?

19. Ohrolope hvmkevnken erkenkv es-  
tomakat pvsatkvtet ome haks?

20. Erkenkvke omvlkv em vretv em  
wiketv vfvstetv tepakat ohfvccvn em mvt-  
tvkekot oma?

21. Mv Nvkvftetv ofv erkenkv tvleme  
em ecvpofv, erkenkv fekhonnv em me-  
kusvpkv-cuko mesvn esyomat ofv erke-  
nvkv fekhonnv momen Mekusvpkv-cuko  
vtehkvlke nvcomet vpoke te?

22. Mv ohrolope hvte hoyanvnke em  
ofv hopuetakuce paptiskakvte em vhon-  
kvtkv nvcoma?

23. Mata ohrolope em ofv este mahakat  
paptiskakvte em vhenkvtkv nvcoma?

24. Epwvr Etohkvlketv nvcoma?

25. Epwvr Etohkvlketv vtehkvlke nv-  
coma?

26. Nettvcako Cokv-heckvt nvcoma?

27. Nettvcako Cokv-heckv mvhayvlket  
nvcoma?

28. Nettvcako cokv-hecvlket nvcoma?

29. Erkenkvketv umvkeko tayat, momen  
erkenkv pvsatkvte em oyevlke en hopue-  
take esyomat emvnickv vrahkv cvtokuna-  
wv nvcomat tetayvre te?

30. Mv ohfvcev nvcomen vtelokvt haks, momen estomen fehokvte te?

31. Mesvn ocakat ohfvcev cvtokunawv nvcomen vtelokvt haks?

32. Mekusvpkv-cuko Vyecickv ohfvcev nvcomen vtelokvt haks?

33. Cokv-rakko Etohkvlketv Wvcenv em Ekvvnv ocat em vnickv ohfvcev nvcomen vtelokvte te?

34. Erkenvkv Nvkaftcev erkenvkv fekhonnv esyomat em feketv ohfvcev estomusen vtelokvt haks?

35. Pesvpylke em feketv ohfvcev cvtokunawv nvcomen vtelokvt haks?

36. Mekusvpkv-cuko em etohkvlketvt nvcoma? momen mekusvpkv nvkvftetv cuko nvcoma?

37. Mekusvpkv nvkvftetv cuko enrahkv taket estomuset oma? momen em vhuere take etohkvlhoyat estomuset oma?

38. Erkenvkv fekhonnv em ecvpofvt nvcoma? momen erkenvkv-hute enanvke ocakat nvcoma?

39. Erkenvkv hute enrahkv taket estomusa? momen em vhuere take etohkvlhoyat estomuset oma?

40. Erkenvkv Nvkaftecv ome Cvpofvtaket nvcoma? momen Nvkaftecv ehute enanvke ocakat nvcoma?

41. Erkenvkv Nvkaftecv ehute enrahkv taket estomusa? momen em vhuere take etohkvlyoyat estomuset oma?

42. Mekusvpkv nvkvftetv cuko totkv monkat hotvle-rakkot hopanet monkat sumhuecvte em vhonkvtkvt nvcoma?

43. Ensulvns kicetv ohyvmahkueckv cvtokunawv estomusa?

44. Cokv-kerretv vyecickv ohonkvv estomet ome te?

45. Erkenkvylke en Nvkvtetv ocvranat estvmvn tohkvlyvte te?

46. Mucv ohroloven erkenkvylke estvmvn fekhonvke te?

*Vyo.* 7. Erkenkvylke em fulletv momen em wiketv vfvstetv tepakat ohfvccv vketeckv omof, "Hiyomecetv heres," mahokat estomet ome te?

¶ 53. *Vyo.* 1. Vhauke hauhvken Nvkafvylket nakvfvstkvres, enke kvwvpkv eteropotten, "Monko taves," makvkeko vtekat.

¶ 54. *Vyo.* 2. Erkenkvylke e hocefho-

kv omvlkv hvmkvnton huehhokvkekvs, momen hvmke e hocefkvñ huehhokof, Nvkaftcev mv em elecv huerat, monkat Nvkaf-tvlke etvt, nake em vretv vnrvpn opunv-yehocen omat, kerkuecekvs. Vnrype opu-nvyeckv sekon omat, erkenvkvt osiyen, Nvkaftvlket eme ohfvcevñ vpohvkvres, momet, “En hueretv heres,” makvke tayes, enke kvwvpkv sekon.

¶ 55. *Vyo.* 3. Vnrype opunvyeckv ocv-ten omat, momen mv erkenvkvt kerrvten omat, Nvkaftvlke ehomvñ kerkuehocekvs, momen erkenvkv vnrype opunvyehocvte em etektvniken, mv ohfvcev est em vyo-poskekvs. Momof osiyen, Nvkaftvlket, enke kvwvpkv eteropotten, “En hueretv heret os,” monkat, “Herekot os,” koma-ken omat, fvccevkvres.

¶ 56. *Vyo.* 4. Fvceckvt ocvrane tvlkuset on omat, nanvke Setentvcke VII, Tekvvpvke II ofv ocakat vcvkvyen vfvshotv-res.

¶ 57. *Vyo.* 5. Momis mv erkenvkvt em wiketvñ esfvcken vfvsteko emunkes, mahoke tvlkusat mv vnrype opunvyeckvt on omat, momen mv tvlkusat omecicen Nv-

kaftvlke hvmket, “En hueretv herekot os,” makat fvccecvraneyet os, maken omat, momof, “En hueretv here te?” maket, heyv tvlkuse ohfvccvn vpohohvres. Momen Nvkaftvlke sulke mahat, em wike-tvn esfvcken vfvstekat omecicen, “En hueretv heret os,” maketv komvkeko tayen omat, Nvkaftvlket fekhonnetv heren emvkvres; momis mv erkenkvv vnrype opunv-yehocat vpvkekon omat, monkat vnrype opunvyeckv em onahoyvkekaten omat, Nvkaftvlket heyv Teseplen em vhakuce elecvn fvccecvkekares: momis heyv naken vketehocvranet os; heyv erkenkvv heromekat ohrolope hvmken hvtvm erkenkvettv em etektvkvren komen omat, momet em mattvten tetayen e oh kerkuacet, “Ohrolope hvmke hvtvm vtotkare vm etektvknken omat, esfvcken vfvstares,” maket etemfaccen omat, Nvkaftvlket ohrolope etvn erkenkvvre em etektvnevcke tayes, momen mv ohrolope arat vevkvyen em momehocvres, en hueretv mucvsehocen momen fekhonnetv emhoyvranen omat: momen ohvtvlakat *heyv naken vketehocvranet os*, erkenkvv estomet, emet vpohat omeci-

cen, fekhonnihocekares, Nvkaftvlke vpvket omekon omat, monkat vpohkvn ent hocci-  
cet, e hocefkvn vlicet, Nvkaftvlke ehomvn emekon omat.

¶ 58. *Vyo.* 6. Erkenvkvke estomvke em wiketv taken asossihocvte, monkat em wiketv em fekhonnihocvte, monkat pum Mekusvpkv-cukon wikakvte e hocefhokvn Nvkvtetv Ohonkv Nakcokv ofvn kerkue-  
hocvkvres.

*Vpo.* 8. Erkenvkvke en Nvkvtetv Oh-  
rolope vrahkv ofvn nakvfvstetv etv esto-  
mat vfvshotvre te?

¶ 59. *Vyo.* 1. Anyuvl Kanfelvns vtekat Cokv-kerretv Ohhecvlke em Etohkvketvn hayvkekvs, momet cokv-mvhakv em vhe-  
cickv elec v óakat omvlkv en svpvkletv em vtotketv tepakat ohfvccvn, momen es-  
tomen svmomusen emvnicvke tayat ohfve-  
cvn vpohvkekvs, momen mvt momvrane tvlkuset on omat, estomen em vhonkvtkvn ohvtvlayvke tayat ohfvccvn vpohvkekvs.  
*Momis heyvn vketehocvres:* Anyuvl Kan-  
felvns Cokv-kerretv Ohhecvlke em Etoh-  
kvketv, Mv Cokv Mvhakv pum vhecickv  
elec v hayeyan heres, makaken, Kanfe-



lvns vkvsvmeko vtekat Cokv Mvhakv estomen pum vhecickv elecvn hahoyekares: momen ohvtvlakat *heyvn vketehocvres*, Kalec kicetv monkat Yunefvsete kicetv estomen em vhecickv elecvn hahoyekares, Cokv-kerretv Ohhecvlke em Etokvvlketvt, Mv Cokv-mvhakv pum vhecickv elecvn hayeyan heres, makvkeko vtekat.

¶ 60. *Vyo.* 2. Anyuyl Kanfelvns mekusvpkv nvkvftetv cuko, erkenvkv hute, nake etv pum Mekusvpkv-cuko enake em ekvntvckv ofv ocakat esyoman vhonkvtkvkekvs, momet Wvhvlv Merotest Epeskopvl Mekusvpkv-cuko en Teseplen em vha-kuce vcvkvyen enake mahusan hahoyvren vketecvkekvs.

¶ 61. *Vyo.* 3. Anyuyl Kanfelvns vtekat, Testlekt Kanfelvns vtekat em Ohonkvvn vketecvkekvs.

¶ 62. *Vyo.* 4. Anyuyl Kanfelvns vtekat Kvmetvlke este erkenvkv haketvn komakat nake kerrvkvre Pesvplket em mellvkvte heren kerrakat ohfvcevvn vketecvkvranan mellvkvres. Heyv Vketeckv Kvmettet ohrolope osten em wiketvn svpvlkvres.

¶ 63. *Vyo.* 5. Anyuyl Kanfelvns vtekat

em Ohonkvv hoccievre Svketvlen enhopovyvkekvs; momen Ohliketv Ohlikv Svketvle tepakat mv Ohonkvv hoccan e hocefhoekvn vlumhicvkekvs, momen mv Cokv vhakat, Erkenkvvlke Omvlkv en Nvkvtetv vwole mahat orof, ehomvn emhoyvres.

¶ 64. *Vyo.* 6. Anyuyl Kanfelvns vtekat en Svketvlet mv Vpohetv pale osten epohkakat em vyoposketvn esfvecke mehenwakan hoccihcet, mvn Ohkalvlke en Cokv Metetakuecyn Cokv Sohwetenepeueckv Cukon ohtotvres, Ohonkvv Rakko, (Cenelvl Menets kicetv) vtehvren, mvhakv mv ofv ocat vevkvyen.

¶ 65. *Vyo.* 7. Anyuyl Kanfelvns vtekat en Nettvacko Cokv-heckv vtotketv ohfvcvyn vhericet vpohvkekvs, en hueretv momen em vtotketv estomvket omat, momet estomen nake emvnice tayan svmomusen momecveke tayat ohfvccyn vpohvkekvs, esfvekusen etemopunvyecvke tayan e em etektvnecket.

¶ 66. *Vyo.* 8. Anyuyl Kanfelvns vtekat kvmetvlke erkenvketv esceyickv vfvstkvranan mellvkekvs, momen mvt este esceyhocvre vpohakat, ohvketeckv eteropotten

esceyihocvre, monkat pvlken asceyihocvre, monkat Mekusvpkv-cuko etv asosse asceyihocvren vpohakat, mv en hueretv take ohfvccvn vpohet, momet erkenvkv tvleme em vtotketv heren vfvstvke tayat ohfvccvn vpohkvres. Heyv kvmetvlket mv vpohakat hvmkis vnrvpn lepotkvn hayaken omat, enke kvwvpake vpokat tekvpvke tucene asosse tekvpvke hokkolet, Eceyihocvres, makaken omat, vpohkvn em kvsvmhojvres. Momis Mesvnelvlke em vtotketv Ohhecvlke em Etohkvlketvt mesvnelvlke eme Cvpofvtake ofv vpokat em vhesaketv take vrahkv cvtokunawv em fiyecice vtekat, heyv Etohkvlketv Enhomahtvt erkenvketv esceyickv kvmetvlke e hocefhokvn svpvklecvkvres, Kanfelvns em Ohlikvt melletv yekeetvn ocen.

---

### TEKVPVKE III.

ERKENVKVLKE EN NVKVFTETV EKVNWARKV  
 VRAHKV, TESTLEKT KANFELVNS  
 HOCEFKAAT.

*Vpo.* Testlekt Kanfelvns ohfvccv vha-  
 kuce ocakat estomvket ome te?

¶ 67. *Vyo.* 1. Erkenvkv Nvkaftecv vte-

kat em ekvntvckv ofv Testlekt Kanfelvns ocvres. Estofvn ocvranat Nvkaftecvt ohmellyres, momen Nvkaftvlket estvmvn ocvranat makvkvres; momis mellahke hoyanat nake homv kerkeko tayvtet omeccicen mvn mvrakhuecvkvranaat tvlkuset on omat, Nvkaftecvt mvrakhueckv yekcetvn ocvres.

¶ 68. *Vyo.* 2. Erkenvkv fully, erkenvkv fekhonny, erkenvkvlike vculakuse heren vtotkvkeko hakvte esyomat omvlkv, momet le mempv kihocat vtehkvrres. Heyv le mempv en sulke estomet omvranat, momen estomen ohmelhoyvranat Anyuul Kanfelvns eme mahusat fvcececvkvres. Momen mv erkenvkvlike vculakusat Anyuul Kanfelvns enake em ekvntvckv vpoke, monkat mvn vpokekat, Testlekt Kanfelvns vtehkvrres.

¶ 69. *Vyo.* 3. Testlekt Kanfelvns nvkaftof, Pesvp aren omat, Ohliketv Ohlikvtares, momis arekon omat, Nvkaftecvt ohlikvrres; momen hokkolvt sekon omat, Kanfelvns Ohlikvn enhopoyvkvres.

¶ 70. *Vyo.* 4. Kanfelvns Svketvle nake vfvstakat omvlkv eskerkuecvren enhopoyvkvres.

¶ 71. *Vyo.* 5. Heyv Kanfelvns em Ekvnwarkv ofv cvpofv vrahrvkv estomvket omat vhericet vpohaket omvres, heyv nanvke ohfvcev:

(1) Estempuyvfekev ohfvcevn, emekusvpkvt heren ayen omat, Mekusvpkv-cuko en nakfvstetv vfvstaken omat, momen sulket mekusvpkv etohkvketyv fullen omat.

(2) Mesvn Testlekt ofv ocakat ohfvcevn, estvmvn mesvn mucvsakat hahakvranat, monkat mesvn estomet svket monkat ste-svn hakvranan; hvtvm Hoktvke en Mesvnele Societe Tvleporv em ekvny vnickyv vtotke, momen Societe pum Ekvny em vnickyv ohfvcev vtotke Testlekt em cvpofv ocakat ofv vtotkakak ohfvcevn Kanfelvns vpohkvny hayvkvres.

(3) Nettvcako cokv-heckv ohfvcev, estomen emvhahoyat, momet cokv-kerretv estomis ohfvcevn.

(4) Cokv-Rakko Etohkvlketyv Wvcenv ekvny ofv oce, Emelekvny Pipel Societe hocefkat, em vtotketyv Testlekt ofv ocat ohfvcev, momen cvpofv omvkv ofv heyv Societe vrahkv cvtokunawv vtelokv ocakvten omat.

(5) Cvtokunawv vtotketv ohfvccv: momen Mekusvpkv-cuko vrahkv cvtokunawv vtelokv ohfvccv: momen mekusvpkv nvkvftetv cuko erkenkv hutetake esyomat estomvket omen, momen mucvsakat ocvkvrane tvlkusët on omat.

(6) Estomen Kwatvle Kanfelvns em ohonkv take vfvshotvten omat.

(7) Epwvr Etohkvlketv, Epwvr Lek hocfkat, ohfvccv, nvcomet omen, momet heren vpeyen omat.

¶ 72. *Vyo.* 6. Testlekt Kanfelvns ohrolope omvlkv telekesvlke osten, hocfkv hoccickv etemvrkv eteropotten enhopoykvres, Anyuvl Kanfelvns orof vtehkvrnat; momis enhopohokof Anyuvl Kanfelvns nvkaftvlke hvmkuis enken kvwvpekares.

¶ 73. *Vyo.* 7. Heyv Kanfelvns ocakat nvkaftof, mekusvpkv nakvfvstetv hiyomvken vfvshotvres; erkenvketv, mekusvpkv etohkvketv, vnokeckv hompetv, Mekusvpkv-cuko nake vcacakat esyomat mahvkvu vfvshotvres.

¶ 74. *Vyo.* 8. Estet erkenkvre momvre heres komhoye taye ocaken omat,

Testlekt Kanfelvns erkenvketv yekcetv, lisens kicetvn, emvkvres, momet em mvnvetv, en heromkv estenlopickv esyomat tetayes es em momaken omat, ohrolope omvlkvn heyv lisens mucvsecvkvres. Lisens emetv ohfvccv vpohkv omvlkvn hocckv hoccickv etemvrkv eteropotten fvccehocvres.

¶ 75. *Vyo.* 9. Este estomakat tekvn monkat eltv em wicketvn ohmelhoykvre heren omat, Testlekt Kanfelvns e hoccfhokvn Anyuvl Kanfelvns em wikkvres, erkenvkv fekhonnlke vpvkvkvren, monkat erkenvkv tvleme em wicketvn ohvketeckv eteropotten asceyihocvren; momis heyvn vketehocvres; Testlekt Kanfelvns, Heyv estet ohvketeckvn emetetakes, monkat, Eltv em wicketvn ohmelhoyvre emetakes, maket, e hoccfkvn em wikekares, mv estet nakcokv Pesvplket este mv omakat hecvkvren kicakvte ohfvccvn Kvmete, este tutcene vtehke, Nvkaftecvt mellvtet, ohvketeckakat hoyanof, "Ohvketeckv heren etehoyvnet os," makvkeko taye vtekat aceyihocvre ohfvccv vpohkvn Kanfelvns em vihokekares. Erkenvkvke erkenvkv em

wiketvn ohvketeckv eteropotten asceyicetv monkat erkenvkv tvleme em wiketvn rasceyicetv, momen tekvn monkat eltv em wiketvn asceyicetv ohfvcev etemvrkv ocakat omvlkvt hocefkv hoccickv etemvrkv etehoyvnen omvkvres. Testlekt Kanfelvns, "Estet em wiketvn ohmelhoyvre heres," maket, e hocefkvn Anyuvl Kanfelvns em wikaken omat, svtefeket mvn eskerkuecat Anyuvl Kanfelvns hvmkat ore hoyanat yekcetvn ocekares.

---

#### TEKVPVKE IV.

##### KWATVLE KANFELVNS.

*Vpo.* 1. Este estomakat Kwatvle Kanfelvns vtehkvre te?

¶ 76. *Vyo.* Erkenvkv fullv, erkenvkv fekhonnv, erkenvkvlke vculakuse, heren vtotkvkeko hakvte esyomat, momen vch-nvlke stuvtlke ohhecvlke mekusvpkv-cuko vtehkvlke svpaklat, momen vkerriekv vpohvlke esyomat svket, stesvn mesvn esyome vpoke ocakat omvlkvt, momen Nettvcako Cokv-heckv ohvfastvlke mekusvpkv-cuko vtehkvlke svpaklat, momen Erkenvkvlke en Nvkvtetv ocakat en Sv-



ketelvike, momen Senyv Epwvr Lek em Ohliketv Ohlikvlke, enhopohoyvre momvr tayen omat; heyv tvlkuset vtehkvrres. Momen mv erkenvkvike veulakusat, Anyuvl Kanfelvns enake em ekvntvckv vpoke, monkat mvn vpokekat, Kwatvle Kanfelvns vtehkvrres.

*Vpo.* 2. Estofvn momet estvmvn Kwatvle Kanfelvns etohkvkvrane haks?

¶ 77. *Vyo.* Ohrolope vrahkvn ostv nvkaftvkvres; Kanfelvns estvmvn ocvranan Nvkaftvket mellvkvres, momen estofvn ocvranan Nvkaftecvt mellvres. Momis Nvkaftecv kvntvckv erkenvkv tepakat estvmv ocvravten mvrahkuecetv yekcetvn ocvkvres, Momvranat tvlkuses, komaken omat.

*Vpo.* 3. Kwatvle Kanfelvns nvkaftof, estimvt Ohliketv Ohlikv tarana?

¶ 78. *Vyo.* Nvkaftecvt, momen Nvkaftecvt sekona omat, kvntvckv erkenvkv.

*Vpo.* 4. Kwatvle Kanfelvns en nakvfvs-tetv estofis em ocat estome te?

¶ 79. *Vyo.* 1. Rohvpohkv vpohicet, fvececvt momet vnrype opunvyeckv vpo-hicetv.

¶ 80. *Vyo.* 2. Nettvacko cokv-heckv vfvstetv, momet hopuetake emvhayetv vfvstetv momet Kanfelvns ohrolope vrahkv esostan kvntvckv erkenvkv Nettvacko cokv-heckv ohvfastvlke e hocefhoekv Kanfelvns em wikaken mellvkvres, momet este Epwvr Lek em wiketv enhopohoyvte ren-yupv Kwatvle Kanfelvns enhvteceskv omof esfvcken mellvkvres.

¶ 81. *Vyo.* 3. Erkenvkv fekhonv momen vcahnvlke mv svket, stesvn monkat mesvn vpokat omvlkv ohvketecetv, momet ohrolope vrahkv mvn hocefet, em mvnvcketv, em vtotketv momen estenlopickv esyomat ohfvceevn vpohetv.

¶ 82. *Vyo.* 4. Erkenvkv fekhonv svket, stesvn monkat mesvn likat vnrvpn opunvyeckvt ocen omat, mvn fvcecet, erkenvketv em fekhonnicetv, monkat wikepuccetv, monkat, Em mvttekos, maket, vyecicetv.

¶ 83. *Vyo.* 5. Estet erkenvkvre momvre heres, komaken omat, momet em mvnvcketv, en heromkv estenlopickv esyomat tetaye es em momaken omat, Testlekt Kanfelvns ehomvn kerkuccetv. Este estomet

erkenkvre heres, maketv ohfvccv omvlkvn hocefkv hoccickv etemvrkv eteropoten fvecehocvres.

¶ 84. *Vyo.* 6. Teseplen vevkvyen ohhecvlke, stutvvlke esyome svket, stesvn monkat mesvn vfvstvrnanan enhopohyet, heyv stutvvlke vpvkakak hvmken stutv Testlekt ohonkv Hoccicvn, etv Testlekt Stutv taranan mellkvres.

¶ 85. *Vyo.* 7. Kwatvle Kanfelvns nanvke vfvstakat omvlkvn en Svketvlet esfvcken hoccicvren vketecet, Ohliketv Ohlikvt Svketvle tepakat vhakuce vevkvyen ehocefhokvn vlumhicen, Stutv Hoccicv cokv mv vrahkv vevyecat ofvn omvlkvn hoccicvren vketecvkvres.

*Vpo.* 5. Kwatvle Kanfelvns nvkaftof, en nakvfvstetv em etecvkvyetv estomet omvre te?

¶ 86. *Vyo.* Mekusvpkv nakvfvstetv hanyanof, hocefhokvn huehhokekvs, momof heyv vpohetvn hahoykvres;

1. Rohvpohkvte sase te?
2. Vnrype opunvyeckvt ocvke te?
3. Epwvr Lek ohfvccv, momen Nettv-cako Cokv-heckv ohfvccv, nvcomet omen,

momen en hueretv estomvket omen, momen erkenvkvket hopuetaken heren mvhayaken omat ohfvcev lepotkv kvntvckv erkenvkv hoccivtet oce te?

4. Mekusvpkv-cuko en nakvfvstetv omvlkv ohfvcev lepotkv kvntvckv erkenvkv hoccivtet oce te? (Kwatv em ofv este paptiskvkvte, monkat estome etv etehopyne mekusvpkv-cuko vtehkvlken ohvpa-hoyvten omat, momen vtehkvlke pvsatkvte, cuneckvkvte, e enkvpakievkvte, esossihocvte esyomat e hocefhoekvn heyv lepotkv ofvn ocvkekvs.)

5. Mekusvpkv-cuko en nakvfvstetv em ohonvkv em vhonkvtkv estomakan Anyuvl Kanfelvns en kerkuehocvt haks?

6. Ohvketeckv eteropotten cvtokunawv en sulke kvntvckv erkenvkv (em vnicev tepakat) mucv ohrolophen vnickvn em etetayvres, Stuvtvlké em Etokhvlketvt makakat estomomuse te? [1 monkat 2.]

7. Cvtokunawv en sulke estomakan Teslekt Stuvtvlke heyv erkenvkv eme cvpofvt emvkvres, kicakvt haks? [1 monkat 2.]

(1) Nvkaftecv vrahkv nvcomen?

(2) Pesvplike vrahkv?

(3) Kanfelvns em vhuericakat vrahkv?

(4) Mesvnelvlke em Vtotketv Tvleporv em ekvny ofv ocat vrahkv?

(5) Mesvnelvlke em Vtotketv pum ekvny ofv ocat vrahkv?

(6) Mekusvpkv nvkvftetv cuko en sulke ohvtvlvyetv vrahkv?

(7) Cokv kerretv vrahkv?

(8) Telekesvlke Cenelvl Kanfelvns vpeyvranat vrahkv?

8. Heyv Kwatv em ofv erkenkvylke vnicky vrahkv cvtokunawv en sulke estomen vtelokvte te? momen estomen ymahkuehocvte te? (Cvtokunawv Nvkaftecv erkenkvylkeu en heckvranvtet, mv tvlkusen heyv vpohetv em vyoposketv ofvn ohonahoyvres.)

9. Heyv Kwatv em ofv nanvke etv vrahkv cvtokunawv nvcomen vtelokvt haks?

10. Vcahnetv lisens vpohakat sase haks?

11. Este erkenkvvre lisens emhoyan heres, makat, mv ohfvccv Testlekt Kanfelvns en kerkuecvkhoyat, estityke te?

12. Ohhecvlke em Etohkvlketv ofv tektyvket ocake witen omat, mv fvcecetvn enhopohoyat estityke te?

13. Mesvnelvlke em vtotketv emvnickv vrahkv nake estomen momehoce te? (Heyv ohfvcev kvntvckv erkenkv lepotkvn hoccihcet kerkuecvres, vpohetv hiyomakan em vyoposket.)

14. Hoktvke en Mesvnele Sosite Tvleporv em ekvny vnckv vtotkat vtoten lepotkvt ocvke te? [3 monkat 4.]

15. Mekusvpkv-cuko Ohvtvlvyetv vrahkv naken momehoce te?

16. Hoktvke en Mesvnele Sosite pum ekvny vnckv vtotkat vtoten lepotkvt ocvke te?

17. Cokv-kerretv vrahkv naken momehoce te? (Heyv ohfvcevn kvntvckv erkenvkv, lepotkvn hoccihcet, kerkuecvres heyv vpohetvn em vyoposket, 1 Erkenvketv mekusvpkv cokv-kerretv ¶ 136: vyo. 1 Erkenvkhoyvres, makat vcvkvyen mekusvpkv etohkvlketv cvpofv vtekat ofv erkenvkhoyvt haks? 2 Hopuetake en Nettvn vfvshotvt haks? 3 Anyuyl Kanfelvns, Cokv-kerretv Nettvn vfvshotvres, makvten omat, vfvshotvt haks? 4 Cokv-kerretv ohfvcev cvtokunawv vtelokvn hahoyvt haks? Mv cvpofv ofv pum Mekusvpkv-

cuko en cokv-mvhakv ocakat cokv-hecvlke oh vpeyat estomvket oma? momen cokv-mvhakv etvn oh vpeyat estitvket oma?) [3.]

18. Cokv-rakko Etohkvlketv, Emelekvn Pipel Sosite vrahkvn naken momeceyet oma?

19. Vhakuce Ohkalvlke omvlkv vrvhecakat ohonahoyvt haks? [3.]

20. Mv cvpofv em mekusvpkv-cuko vtekat Mekusvpkv-cuko en Kanfelvns ohonkv nakcokv momen hoccfhokv em vhonkvtkv nakcokv ocvke te? momet fvccvn vfvshotvte te? (Kanfelvns heyv nakcokvn vpohvkvres, ohvketecvkvret.) [3.]

21. Erkenkv fekhonnvlke vcahnvlke esyomat em fulletv ohfvccvn ohvkete hocvkvttet oma? momen vcahnvlke en lisens mucvsehocvkvte te? [3 monkat 4.]

22. Kanfelvns ohrolope orvranat vrahkvn estitvket stuvtvlken enhopohoyvkvte te?[4.]

23. Stuvt estomet Lepotkv Hayvn en satkvte te? [4.]

24. Stuvt estomet Testlekt Stuvt ensatkvte te? [4.]

25. Nettvcaq Cokv-heckv ohvfastvlke enhopohoyvkvte estitvke te? [4.]

26. Epwvr Lek em wicketv esfvcken melhoyvtet estitvket oma?

27. Lepotkv ohhecvlke hayakvtet ocvke te? momet vpohetv hiyomakat ohfvcecv naken kerkuecvke te? (1) Mekusvpkv nvkvftetv cuko momen erkenvkv-hute esyomat em vhonkvtkv nvcoma? momen mvvrahkvn ohrolope hoyanat cvtokunawv nvcomen oh yvmahkuehocvte te? (2) Mata enrahkv take esfvckat estomuse te? (3) Ensulvns kicetv mekusvpkv nvkvftetv cuko, erkenvkv hate, cokv-mvhakv esyome ohfvcecv oakat estomusen vcayehoce haks? (4) Plemevm kicetv oakat ofv cvtokunawv fehokvte estomuset oma? (5) Cvtokunawvt sumkvten omat, estomuset oma? momen pvlken fehokvte ocen omat, estomuset oma? (6) Teseplen nak mvhayat vevkvyen enhonrkv cokvt cokv-eswiyyetv ofv ocvke te? (7) Eshvlvtkv-cokv estvmvn herihocvke te? (8) Vhakv vevkvyen estvmvn cohoykvte te? (Cokv-eswiyyetv herickv huden kerkuecet, cokv mv ofv oakat momen en cokv rvkpvtkv em vhonkvtkvn kerkuecvs.) [4.]

28. Ohkalvlke em etohkvtketv meku-



svpkv nvkvftetv cuko ocvkekat nvcome te? [4.]

29. Kanfelvns en nakvfvstetv estomvke estomis ocvke te?

30. Kwatvle Kanfelvns hvtvm orvranat estvmvn nvkafhotvre te?

[OHVYVYICKV.—Vhonkvtkv vpohetv em eyuksvn ocakat Kanfelvns mv vhonkvtkvt kerkuecat ofv tvlkusen vpohohvres.]

---

#### TEKVPVKE V.

##### MEKUSVPKV-CUKO EN KANFELVNS.

*Vpo.* Mekusvpkv-cuko en Kanfelvns ohfveev vhakuce estomakat ocvke te?

¶ 87. *Vyo.* 1. Mekusvpkv-cuko vtehkvlke Anyuvl Kanfelvns vtehkvlke esyme mv Ekvntvckv ofv vpokat hvse hvmmkomvlkvn etohkvkvres, momen svket ofv vpokat hvse tutcenen vhmkn, monkat sensulkis, melletv oce vtekan Mekusvpkv-cuko en Kanfelvns hayvkvret, momen mv ofvn kvntvckv erkenvkt Ohliketv Ohliktv omvres. Estofvt o estomis mekuspvlke sulke mahat vtelohe tayan Mekusvpkv-cuko en Kanfelvns ocvre em etektvnet omes; momis Nettvcakon nvkvftaken

omat, Nettvcako erkenvketvn mavnvtece-  
kares.

¶ 88. *Vyo.* 2. Anyuvl Kanfelvns nv-  
kaftat hoyanof, Mekusvpkv-cuko en Kan-  
felvns enhvteceskvn nvkaftof Svketvlen  
ensatkvres, momen mvt mv Kanfelvns nak  
vfastat omvlkv eskerkvn nakcokv ofvn  
hoccievres, momet vhonekvtkv ohonkv  
Anyuvl Kanfelvns en kerkuecvres, Tesep-  
len makat omvlkvn Kwatvle Kanfelvns  
em ohfulecievres. Hocefhoekv nakcokv es-  
tofis vcayehocvranat ofvn este mekusvpkv-  
cuko ohvpvkakat omvlkv e hocefhoekv  
ohvpahoyvte oketv eteevkvvetv vevkvyen  
hoccievres, estofvr, estomen, momen me-  
kusvpkv-cuko estvt ohvpakvten kerkue-  
cet; erkenkv fekhonv, monkat tekvn,  
erkenkvket on omat, hvtyv Este Hvtke,  
Este Cate monkat Este Lvstet on omat,  
kerkuecvres: momet paptiskv momen ete-  
pvyetv mv sosiete ofv ocakan cokv vcaye-  
hocvranat ofvn hoccievres; momet mv me-  
kusvpkv-cuko vtehkvlke e hocefhoekv  
omvlkvn, letv hocefkv es vlicehocat vev-  
kvyen lumhihet, erkenkv mv mekusvp-  
kv-cuko vheciev n emvres.

¶ 89. *Vyo.* 3. Heyv Kanfelvns nvkvf-tetv omof, etohkvketv vtekat ofvn vtehkvlke e hocefhokv cokv kerkueckv ofv ocakat vtekan huehhokvres, mvrakken mahokekon omat; momen cuneckakvtet ome-cicen, monkat nake etv estomis ome-cicen, mv hvse palen hokkolohkakak em ofvn sumecvtet sasen omat e hocefhokv vslecetv yekcetvn Kanfelvns ocvkvres: momis rafuliket, Mekusvpkv-cuko vpikv toyis, maket, hvmket vlaken omat, enke kvwvpkv eteropotten pvlken evpahoye taves.

¶ 90. *Vyo.* 4. Kanfelvns en nakvfvstetv em etecvkvyetv hiyomat heret os, komet cem onayeyet os:

I. Lepotkvn em vpohicetv.

1. Erkenvkvke enanvke, etohkvketv hvmkevnke vteken em vtotketv ohfvcev.

2. Vkerrickv vpohvlke enanvke.

3. Nettvcaکو Cokv-heckv ocakat ohfvcev.

4. Stvt monkat stvtvlke mv mekusvpkv-cuko vtekat enanvke.

5. Epwvr Lek ocakat ohfvcev.

II. Kanfelvns nak hiyomakan vpohvkvres,

1. Mekusvpkv-cvko vtehkvlke estemerakak es emvnickvn naken momehoce te?

2. Heyv Mekusvpkv-cukot Mesvnelvlke vtothoyvren, momen mekusvpkv-cuko em vhotkv ohvtvlkvren, momen mekusvpkv vtotketv etimv ohfvccvn, momen cvtokunawv vtelokv Anyuvl Kanfelvns vpohat ohfvccvn nake momecvranvte omvlkv momece te?

3. Cokv-tvleme momen mekusvpkv nakcokv Ohkalvlke tvlemicakat vwahvket ome te, momen ohonahoyvket oma?

4. Mekusvpkv etohkvlketv sensulken, momen Nettvcako cokv-heckv sensulken hayet, momet nake etv estomis momecet, Mekusvpkv-cukot em vtotketvn ohvtvlaye taye haks?

5. Este mv Mekusvpkv-cuko vfulote vpokat vpvken em etohkvlketv yekcicetvn, momen en sulke ohvtvlvyetvn, momen Klist em vtotketv here vyecickvn Mekusvpkv-cukot ohvtvlaken naken momece taye haks?

¶ 91. Vyo. 5. Nakvfvstetv etecvkvyetv hiyomat vpoketv oketvn cvpkuece mahet on omat, Ohliketv Ohlikvt omahvn nake

rvkrvke mahan enhopohyet, ehomvn wv-kece tayes.

¶ 92. *Vyo.* 6. Mekusvpkv-cuko Kanfelvns ocof, nakvfvstetvñ mekusvpkvñ es vlicecet, matan esyukpokvres, momen nakvfvstetvñ ohvtotke emunkof vkerrickv mekusape, momet Hesaketvmese ohfekhonnat oce emunkekvs.

¶ 93. *Vyo.* 7. Mekusvpkv-cuko en Kanfelvns en Svketvle nake momecvranat hevyt omes: Mv Mekusvpkv-cuko vtehkvlke e hocefhokv nakcokv, momen en Kanfelvns ocakvte ohonvkvñ Kwatvle Kanfelvns svttucenan esohayvres, ohvketehocvren.

## SETENTVCKE III.

ERKENVKVLKE MEKUSVPKV-CUKO EM WIKETV  
ESYOMAT.

## TEKVPVKE III.

ERKENVKV NVKAFTECVLKE.

*Vpo.* 1. Erkenvkv Nvkaftecv en nakv-  
fvstetv estomvke te?

¶ 108. *Vyo.* 1. Ekvntvckv em melho-  
yvte eteropotten vrvranet os, erkenkvret,  
momet Mekusvpkv-cuko en nakyfvstetv es-  
tempuyvfekev ohfvcev ocakat, momen en  
nakvfvstetv ymv ekvv ohfvcev ocakat  
ohvfvstvret.

¶ 109. *Vyo.* 2. Pesvp mvn arekon omat,  
erkenkv tvlemvlke, fekhonnlke, vcahnvl-  
ke esyome em Ekvntvckv ofv vpokat omvl-  
kvn em elecvn sehogetv.

¶ 110. *Vyo.* 3. Kanfelvns nvkvftakat  
em etenrvwv omof, Pesvp arekon omat,  
erkenkvvlke em Ekvntvckv ofv vpokat  
evpayet, tohwvlvphuecet, monkat em vtot-  
ketvn em fekhonnicetv.

¶ 111. *Vyo.* 4. Momece tayat vevkv-  
yen Kwatvle nvkvftetv omvlkvn aret,

Kwatvle Kanfelvns em vtehkvlke omvlkvn vtelojet, Kwatvle Kanfelvns ofv Ohliketv Ohlikv tares.

¶ 112. *Vyo.* 5. Vpohkv etvlwv em vhakv elecv ocvke witat Kwatvle Kanfelvns en nakvfvstetv estofis ocakat kvwvvpkakof, vpohkv cohoyvten em wihoken omat, fvccecvres, heyv nake elecvn: Anyuyl Kanfelvns hvnke orof, rohvpohkv Ohliketv Ohlikv em wihokvre etektvntet omes: momis nakvfvstetv etvlwv em vhakv es vfvshotat omvlkvt Kwatvle Kanfelvns e'nke ofv tares, momen mvt vpohkv momen fvcceckv mv omakat omvlkvn em ohonkv cokv ofvn hoccicet, vevyecvkvres.

¶ 113. *Vyo.* 6. Teseplen em vhakuce vtekat em Ekvntvckv ofvn heren em vpohihocvren vketecvres. Estomecetv momvre tetayat omvlkv eteropotten Mesvnlke em vtotketv momen Nettvcako cokv-heckv em vtotketvn vyecicet, cokv lopucke momen Nettvcako cokv-heckv nakcokv esyome pun sohwetepueckv cuko ofv hahoyvre vtotketvn vyecievres. Kwatvle Kanfelvns nvkafte vtekat heyv nanvke ohfvccvn vhericet vpohvres. Vhakuce hopuetake emv-

hayetv momen Ohkalvlke en nakcokv en cokv tvleme esyomat heckuecetv ohfvccv ocaikat vhericet em vpohihocvte te? Ekvntvckv erkenvkvt nakvfvstetv vcajakan vfastet, Mekusvpkv-cuko en Kanfelvns ocet, naorketvn vhakvn ohyekicet, momet em ecvpofv ofv cvto-kunawv en rakke estomomusen kvwvpyre senkerkuehocvte vrahkv cvtokunawv vtelokvn vfastvte te? Momen ohvtvlakat erkenvkv tvlemvlke em vtotketv take esfvcken vfvstvkekate e hoccfhokvn Anyuvl Kanfelvns en kerkuecveres.

¶ 114. *Vyo.* 7. Pesvplket em Ekvntvckv ofvn fullen omat vhorqvsket, momet mvt fullekön omat, Ekvntvckv en hueretv ohfvccv nak en kerkuehocvranat tvlkuse omvlkvn hoccihcet, cokvn ohtotvres.

¶ 115. *Vyo.* 8. Este erkenvketv e etetakuecaikat, mv nakcokv hecvkvre here etetayes, Pesvplket makakvte ohfvccvn em fvyvtkvres.

¶ 116. *Vyo.* 9. Kwatvle Kanfelvns esostat nvkaftof, kvntvckv erkenvkv em ecvpofv vtekat en nakvfvstetv em ohonvkv



em vhonekvtkvn esfvcken hoccihocvte lepotkv ofvn heckuecvres, Anyuyl Kanfelvns en kerkuehocvren, kvntvckv erkenvkv en lepotkv hayekon omat; momet en Testlekt Kanfelvns ohonkv cokvn ocvres, Anyuyl Kanfelvns ohvketecvkvren.

¶ 117. *Vyo.* 10. Erkenvkv estomet, vkocokne tis, en svket e enkvpicen omat, Nvkaftecvt, momece tayat vevkvyen, erkenvkv etv mv vyoposkvren heckuecvres.

*Vpo.* 2. Erkenvkv estomen, Anyuyl Kanfelvns estofvt o estomis nvkafvtet vhepaket, vtotketv em fekhonnicet, monkat em etohkvkvetv en lvpvtken huericvten, Nvkaftecvt vtotketv emetv yekcetvn oce te?

¶ 118. *Vyo.* Erkenvkv estomet, eme vpo-hat vrahkv omekon omat, vhepvkhoyet, vtotketv em fekhonnicet, monkat en lvpvtken huerihocvten omat, Nvkaftecvt vtotketvn emekares, Kanfelvns vhepaket, vtotketv em fekhonnicet, monkat en lvpvtken huericakat vpaken em etektvnecvkekat en omat.

## TEKVPVKE IV.

ERKENVKVLKE SVKET, STESVN MONKAT  
MESVN VHECICAKAT.

*Vpo.* Erkenvkv svket, stesvn monkat mesvn vhecicat en nakvfstetv estomvke te?

¶ 119. *Vyo.* 1. Opunvkv-herv eserkenvkety, momet Pesvp momen Nvkaftecvt sekon omat, emekusvpkv em ecvpofv ofv ocakat omvlkv ofv mekusvpkv nvkvftetv melletvn em fvyvtvres.

¶ 120. *Vyo.* 2. Teseplen seemfvyatkv vevkvyen este mekusvpkv-cuko ofv evpvyetv, ohfvcecetv monkat mekusvpkv-cuko etohkvlketv ossicetv.

¶ 121. *Vyo.* 3. Ohrolope vrahkvn em wiketv svpvklat omvlkvn ohmelletv, momet, momvranat tvlkuses kerren omat, mv vyoposken vpvltaken ohmelletv.

¶ 122. *Vyo.* 4. Mekusvpkv-cuko en nakvfstetv em vhakuce esyomat omvlkvn fvccen vfvshotvren momen vhakuce Ohkahlvke omvlkv vrvhecakat mekusvpkv etohkvlketv vtekat ofv ohrolope vrahkvn vhmikvn monkat sensulkis, ohonahoyvren vketecetv.

¶ 123. *Vyo.* 5. Mekusvpkv etohkvlketv em ecvpofv ofv ocakat vtekat ofv Kwatvle Nvkvtetv orvranof Flite nettvn eelvweckv ocvren, momen momof, momehoce tayen omat, mekusvpkv nakvfvstetv momvre here ocvren vketecetv.

¶ 124. *Vyo.* 6. Nvkaftecvt sekon omat, Kwatvle Kanfelvns meliyet, vfvstetv.

¶ 125. *Vyo.* 7. Momehoce tayen omat, nettvcakuce omvlkv vrahkvn em ecvpofv ofv stuvtvlike momen em wiketv svpaklat omvlkv nvkvftecetv en lepotkv taken cvwvret.

¶ 126. *Vyo.* 8. Kwatvle Kanfelvns vtekat ehomvn, Kanfelvns vwole mahvnke vteken este mekusvpkv-cuko ohvpvkakvte, momen mv vtehkvlke pvsatkvte, cuneckvkvte, e enkvpicvkvte, sossihocvte esyomat e hoccfhokv omvlkvn lepotkv ofvn hoccihcet, mvn sylvkvres, momet en svket, ste-svn monkat mesvn en hueretv ohonkvvn emvres.

¶ 127. *Vyo.* 9. Kwatv vtekan em ecvpofv en hueretv ohfvccvn en Nvkaftecvn em onayvres.

¶ 128. *Vyó.* 10. Ohkalvlke em ecvpofv

ofv vpokat omvlkvt pun nakcokv momen pun cokv-tvleme ocakan heckuecvkvren vketecvres.

¶ 129. *Vyo.* 11. Mekusapvlke em ecvpofv ofv vpokat e hute take estvmv ocakat kerkueckv cokv ofvn hoccicvres, erkenvkvt em este en cukoperickv emvnickv vrahkvn mvt momvranat tvlkuset on omat.

¶ 130. *Vyo.* 12. Em ecvpofv estomet ayat, momet pun cokv-tvleme ocakan estet heckuecaken omat, eskerkv fvccen erkenvkv en yupvn vlvkvranan em wkvres.

¶ 131. *Vyo.* 13. Paptiskv etepvyetv esyome em ecvpofv ofv ocakat omvlkv eskerkv cokv estofis vcayehocvranat ofv hoccihocvren vketecvres.

¶ 132. *Vyo.* 14. Em ecvpofv vrahkv hocefkv nakcokv estofis vcayehocvranat mv ofv ocvren vketecvres, momen mv nakcokv ofvn mekusvpkv-cuko vtehkvlke en stesvn, svket monkat mesvn ohvpakat vtekat e hocefkvn vlicet, estofvn momen estomen evpayet, momen mekusvpkv etohkvlketv estvt ofvn evpahoyvten, momen erkenvkv fekhonv, tekvn monkat erkenvkvlket on omat, hvtyv Este Hvtke, Este Cate

monkat Este Lvstet on omat kerkuecet, ohonvkvv hoccihocvres; momet Anyuvl Kanfelvns nvkaftof, heyv este mvrahrkvv nvcomet em vhecickv elec vvpokat en kerkuecvres. Erkenvkv em ecvpofv hvvke ofv mekusvkvv etohkviketv hvvke senhovvnen ocaken omat, vtehkvlke e hoccfhovvkvv mv mekusvkvv-cuko monkat melletv ohvvpvkakat vpvkvken hoccihocvres.

¶ 133. *Vyo.* 15. Mesvnele Etohkviketv Wvhvly Ohkalvlke ocakat omvkvv emvnicvres, Teseplen monkat Anyuvl Kanfelvns estomen kicat vevkvyen; momen heyv vtotketv emvnickv vrahkv cvtokunawv nvcomen em ecvpofv ofv vtelokvten Kanfelvns en kerkuecvres; hvvvm ohrolope vrahkvv hvvkvv Cokv-Rakko em Etohkviketv, Emelekvv Pipel Sosite hoccfkat em vtotketv ohhvvyicet, mekusvkvv etohkviketv em ecvpofv ocat vtekat vnicvkvren emvcahvres, momet mv vrahkvv cvtokunawv nvcomen vtelokvten Kanfelvns en kerkuecvres.

¶ 134. *Vyo.* 16. Kwatvle Kanfelvns en nvkvftetv vtekat ehomv Epwv Etohkviketv momen Nettvcaiko Cokv-heckv em

vhonkvtkv en hueretv take esyomat ohfve-  
 cvn kerkuecvres; momet ohrolope vrahkv  
 vhmknv Kwatvle Kanfelvns momet An-  
 yuvl Kanfelvns ehomvn Epwvr Etohkvl-  
 ketv nvcomet omen momen vtehkvlke nv-  
 comet oman momet Nettvcako Cokv-heckv  
 cokv-hecvlke em vhonkvtkvn, momen oh-  
 vfastvlke nvcomen, mvhayvlkeu nvcomen,  
 momen Nettvcako cokv-heckv nakcokv nv-  
 comat en svket, stesvn monkat mesvn ofv  
 ocvket oman kerkuecvres.

¶ 135. *Vyo.* 17. Cokv-kerretv meku-  
 svpkv es em fvyvtke ocat es erkenaket, ho-  
 puetake eckviken heren emvcahnet, “Cen  
 hopuetaket cokv-kerretvn heckuecvkekvs,”  
 kicet, nake rakke mahet omaten en kerkue-  
 cet, “Cokv-heckv Ohkalvlke em elec v oca-  
 kat min cen hopuetaket vtehkvlkekvs, mvn  
 momecvke tayen omat,” kicvkvres.

¶ 136. *Vyo.* 18. Em ecvpofv em ofv  
 Kanfelvns cvtokunawv vtelokv vhuerica-  
 kat omvlkv en hueretv ohfvecv lepotkvn  
 hoccihcet, Anyuvl Kanfelvns vtekat emv-  
 res, Cvtokunawv en Kvmete ehomvn wv-  
 kechoyvren.

¶ 137. *Vyo.* 19. Svtefeket opunvkv hi-

yomvken makat este em eevpofv enkvpa-  
kat vtekan emvres:

Heyv cokv sarat, A. C., Wvhlv Merotest Epes-  
kopvl Mekusvpkv-cuko Etohkvlketv vtehkvlke  
hvmke here etetayat huervtes, Stesvn E. (monkat  
svket, monkat mesvn), Kanfelvns F. ofvn liket.

Heyv svtefeket, en nettv vhonkvtkv  
hvse pale hokkolohkaket hoyanat, en yek-  
ce sekot omvres, epucaset estomen homvn  
svlvkekatet seokepkv heren svlvkekon  
omat, monkon omat pum Mekusvpkv-cuko  
e enkvpicvte omēn komhoyvres. Meku-  
svpkv-cuko vpikv svtefeket svlakat, mv  
Sosiete mv svtefeket em esat vtekan em  
vretv ohfvccv em e ohkerkuecvre hvlvtket  
omvres.

¶ 138. *Vyo.* 20. Pum Mekusvpkv-cuko  
em erkenvkvke este setewiketv cokv em-  
hoyvkvte etehlvtepuecvre em vsehket  
omvres, mv este nake em mvttekatet, nake  
etekvvpketv omecickv hvmkuse Nakcokv  
Rakko em etektvnecat omecicen etewika-  
kvtet omekon omat.

## TEKVPVKE V.

ERKENVKVLKE OHVKETECKV VRAHKV  
ASCEHUECKV.

*Vyo.* Ohvketeckv vrahkv erkenkv er-  
kenkv-fullvlke vpvkvre estomen asceyi-  
hocvre te?

¶ 139. *Vyo.* 1. Anyuyl Kanfelvns asce-  
yicvres. Kanfelvns nvkvftetv em etenrv-  
wv omof Pesvp, monkat mv Ekvntvckv en  
Nvkaftecv, evpayet momet em vtotketvn  
vtotkepuecen Kanfelvns orvres.

¶ 140. *Vyo.* 2. Este estomet ohvketeck-  
kv vrahkv aceyihocckares, en svket, ste-  
svn monkat mesvn en Testlekt Kanfelvns  
svtefeket, Heyv este ohvketeckv vrahkv  
aceyihocvre heres, makan enhomvn emeka-  
ten omat: momen ohvtvlakat mv estet nak-  
cokv este mv omakat hecvkvren Pesvpl-  
ket kicakvte ohfvccvn Kvmete este tutcene  
vtehke, mv Kanfelvns mellvtet heren ohv-  
ketecakat hoyanof, Ohvketeckv heren ete-  
hoyanet os, makvkeko taye vtekat aceyi-  
hocvre ohfvccv vpohkvn Kanfelvns em  
wihocckares.

¶ 141. *Vyo.* 3. Momof Anyuyl Kanfe-



lvns ohvketeckv vrahkvn aceyictetv em etektvnke tares, sulkat enke kvwvpkv etehoyvnen makaken omat. Heyvn vketeevkes!—Heyv ohvketeckv vrahkv huerat kvntvckv erkenkv nanvke es emvnevketv ocvranat omvkvvn hvlatet os, momet erkenvketv vnvcke ocvranat etvpomen mekusvpkv-cuko nakvfvstetv emvnevketv momvre here tetayan hvltvranet os. Este estomet ohvketeckv vrahkv huerat heyv nanvke ohonahoyat hvmkvtekis ohfvcev vnevketv orekon omat, vtotketv em fekhonnihoce taves, nak em mvttecickv sekon, monkon omat ohvketeckv seko omet ont os.

---

### TEKVPVKE VI.

ERKENVKVLKE ERKENVKV EN HUERETV

ESFVCKEN ASCEHUECKV.

*Vpo.* 1. Kanfelvns ofvn este estomvket erkenkv en hueretv esfvcken asceyihocvre te?

¶ 142. *Vyo.* 1. Este estomet esfvcken aceyihocvkares, ohrolope etelilvke hokkole etehoyvnen erkenkv fullv em vtotketv

mahusan vtotkekaten omat, momen Anyuvl Kanfelvns, Aceyihocvre heres, makvkekaten omat. Heyv ohrolope hokkole opunvyeceyat ohvketeckv vrahkvn aceyihocan vlicheocvrane os.

¶ 143. *Vyo.* 2. Erkenvkv estomet, erkenvkv en hueretv esfvcken aceyihoceko munken, nakcokv este mv omakat hecvkveren Pesvplket kicakvte ohfvccv ohvketeckv heren etehoyvrvres, momen estimvt o estomis aceyihocvre vpohkvn Kanfelvns em wihokekares, Ohvketeckv Kvmetet, Aceyihocvre heres, makvkeko vtekat.

¶ 144. *Vyo.* 3. Mesvnele estomet Tvleporv em ekvnnv ofv vtotkat, ohvketeckv vrahkv Anyuvl Kanfelvns vpvkeko estomis, Mesvn mv ofv vtotkat em ohvfastvt, Esfvcken aceyihocvre heres, maken omat, esfvcken aceyihocvre em etektvnke tares.

*Vpo.* 2. Nak estomecet esten erkenvkv en hueretvn esfvcken aceyiceyet ome haks?

¶ 145. *Vyo.* Heren vkerrice mekusvpkv eelvweckv tepakat renyupvn este aceyihocvre eyacat vtekat vpohetv hiyomvken Kanfelvns ehomvn em 'pohohvres, (momen

vpohetv etv vpvkaken, vpohohvranat tvlkuses, komhoyen omat,) hiyomvken: Klist ohvkvsvmkvn ocetske te? Temvpoke haketvn vcevlletske te? Yvmv hesaketv omof vnokeckv ofv temvpoke haketvn en nene hecetske te? Mvn es hihketske te? Hesaketvmese momen em vtotketv tvlkusen esfvcken e emares, komet, cem vkerrickvn hayetske te? Pum Mekusvpkv-cuko en Teseplen elec v hueretvn vkvsametske te? Estvmv estomis vtotketskan vhericet hopuetaken emvhayetskvre te? Cukon etohtvlecet, en cukopericetskvre te? Cem mvhkv cem vretv tepakat eteropotten eelvweckvt heret omen kerkuecetskvre te? Cem vhuere cem mvnvttecvke tayat ocvke te? Mvhkv hiyomakat mahkvvu em vpohicetskvre te?

1. Vfekcakheth vtotkvs. Naken momece sekot ahretskvs. Vtotketv ehvperkan vtotiketskvs. Estofis oketvn yvmahkuehcetskvs. Momvranat tvlke resenhoyvnen estvmvn fekhoniyetskvs.

2. Oketv oran vpakusen nake momecvranetskan momecvsv. Momen pum vhakucen mvherihcetskvs, momis vfvstvkvs, cv-

pvkktv vrahkv token, eohvkerrickv vrahkv vfastet.

3. Nanvke omvlkv ofv nake kometskat vevkvye tokot, momis Opunvkv-herv ofv pu'ppuce omet vrvs. Monkv cem vcahneyat vevkvyen oketv yvmahkuecetskvre nake momecvranskat omes; erkenaket, vkerrickv-vpohv en kerrepvlken etehcet, cukon etohtvlecet en cukopericet, momet enokhokat mahkvu er hecetskvres; momet nakcokvn ohonayet, nak herakan ohvkerricet, momet mekusapet oketvn yvmahkuecetskvres. Omvlkv esemuntalat, pu Pucase em pvrko-cvpofv ofvn epu 'paket vtotketsken omat, mv vtotketv vtotketskan heres ce kiceyat, mvn vtotkvranskat momvre tetayat omes; estvmvn momen estofvn vtotketv mv etehoyvnen Pucasen taye mahan vrakkuehoce tayer komeyat, mvn vtotketsken.

Heyv vpohetvn momvre here tetayan vyoposketvn emen omat, Kanfelvns en sulkat enke kvwvpkv eteropotten esfveken aceyicetv em etektvnet os.

## TEKVPVKE VII.

## TEKVN TVLEMVLKE.

*Vpo.* 1. Tekvn kihocat estomen hahoye te?

¶ 146. *Vyo.* 1. Svculvke en Nvkvtetv, Anyuvl Kanfelvns hocefkat, nvkaftvlke sulke mahat enhopoyahken, Pesvp e'nke e'kvn oh wvkhoicat eteropotten tekvn hahoyet omes.

¶ 147. *Vyo.* 2. Erkenvkv tvleme tekvn em wiketvn aceyihoceko emunken, Ohvke-teckv Kvmetet mv nakcokv Pesvplket erkenvkv mv omakat hecvkvren kicakvte ohfvccvn ohvketeckvres, momet, "Ohvke-teckv heren etehoyvnet os," makvke tayen omat, aceyihocvre em etektynke tares; momis este tekvn haketv eyacat estomis ohfvccv Kanfelvns ofv etemvrkvt omekares, Ohvketeckv Kvmetet, "Aceyihocvre heres," makvkeko vtekat.

*Vpo.* 2. Erkenvkv tvleme tekvn em wiketvn aceyihoceko emunken en hofune estomusen erkenvkvrana?

¶ 148. *Vyo.* Estet erkenvkv tvleme em vtotketvn ohrolope hokkolen vfvstekaten omat, tekvn em wiketvn aceyihoceko ta-

yes; momis Pesvp tat mesvnele em vtotketv vfvstvkvren esten enhopoyet on omat, ohrolope hokkolat hoyvneko munken, Anyuvl Kanfelvns, etemvrkv eteropotten, tekv em wiketvn asceyicetv yekcetvn ocvkvres, mvt momvre heres, komaken omat.

*Vpo.* 3. Tekvn tvleme em vtotketv estomvket o haks?

¶ 149. *Vyo* 1. Erkenvkv Nvkaftecvt sek on omat, paptiskv vfvstetv momet este etehlvtepuccetv.

¶ 150. *Vyo.* 2. Pucase en hompetvn Nvkaftecvt vfastof, em vnicetv.

¶ 151. *Vyo.* 3. Erkenvkv tvleme em vtotketv omvlkv vfvstetv.

---

### TEKVPVKE VIII.

#### ELTV TVLEMVLKE.

*Vpo.* 1. Erkenvkv eltv tvleme em wike-tvn estomen aceyihocce te?

152. *Vyo.* 1. Anyuvl Kanfelvns nvkaf-tvlke sulke mahat etemvrkv eteropotten enhopoyahken, Pesvp Erkenvkv Nvkafte-cvlke vpvlyw esyomat e'nke take ekv oh-lumhicat eteropotten eltv tvleme em wike-tvn aceyihocet omes.

¶ 153. *Vyo.* 2. Erkenvkv tvleme eltv em wicketvn aceyihocoko munken, nakcokv este mv omakat hecvkvren Pesvpvlket kicakvte ohfvccv ohvketeckv heren etehoyv-nvres, momen estimvt o estomis aceyihocvre vpohkvn Kanfelvns em wihokekares, Ohvketeckv Kvmetet, "Aceyihocvre heres," makvkeko vtekat.

*Vpo.* 2. Tekvn tvleme eltv tvleme em wicketvn aceyihocoko emunken en hofune estomusen tekvn em wicketvn vfvstvrana?

¶ 154. *Vyo.* Tekvn tvleme vtekat eltv em wicketvn aceyihocoko munken, tekvn tvleme em wicketvn ohrolope hokkolen vfvstvres, momis mesvnelvlke tat ohrolope hokkolat hoyvneko munken Anyuvl Kanfelvns eltv em wicketvn enhopoykvre yekcetvn ocvkvres, momvre heres, koma-ken omat: momis estofvt o estomis heyvn vketehocvranet os; Kvmete erkenvkv ohvketeckv hoyanat tekvn em wicketv ensatkvten omis, Pesvp vrekat omecicen enke ohwvkeckv eteropotten tekvn tvleme em wicketvn aceyihocokaten omat, enke kvwvpkv eteropotte ensatkvte vteken enke ohwvkeckv eteropotte eltv em wicketvn

aceyihocvre emetetake emunkvt os, komhoyvres.

*Vpo.* 3. Eltv tvleme em vtotketvt nanvket o haks?

¶ 155. *Vyo.* 1. Paptiskv Pucase en Hompetv tepakat vfvstetv, este etehvlvtepuccetv, momet nanvke Hesaketvmese vrakkueckv vpvke ocakat omvlkv vfvstetv.

¶ 156. *Vyo.* 2. Erkenvkv tvleme en nakvfvstetv omvlkv vfvstetv.

*Vpo.* 4. Tvleporv ekvny ocakan mesvnelvlke momen tvleporv erkenvkvke ohfvecvn naken estomehocvrana, Anyuvl Kanfelvns sekot on omat?

¶ 157. *Vyo.* Mesvn ocakat ohvfastv, supententent kihocat, mesvnelvlke mv vpoke esyomat estet tekvn em wiketvn, monkat eltv em wiketvn aceyihocvre heret os, maket, ohkerkuecaken omat, Pespv mv mesvn ocake ohvfastat, aceyihocvre heres, komen omat, aceyicvre yekcettvn ocvres; monkat supententent mesvnelvlke esyomat sekon omat, emet, aceyihocvre heres komen omat, aceyicetv yekcettvn ocvres.



## TEKVPVKE XI.

## ERKENVKV FEKHONNVLKE.

*Vyo.* 1. Este erkenvketv em etektvnehocvranat mvhakov estomvken pu'mhoye te?

¶ 164. *Vyo.* 1. Este erkenvketv em etektvnehocvre oret os, komhoye tayat ocaken omat, Testlekt Kanfelvns em etektvnecvre yekcetvn ocet, cokv mvn eskerkuecat, lisens kicetv, emetv yekcetvn ocvkvres, momet, mv este em mvnvketv, en heromkv, estenlopickv esyomat tetaye es em momaken omat, ohrolope vrahkvn lisens mucvsecetv yekcetvn ocvkvres.

¶ 165. *Vyo.* 2. Erkenvketv lisens este estomis emhoyekares, Kwatvle Kanfelvns mv elec v huerat, Erkenvkvre heres, makvkeko vtekat. Momen este estomis, lisens emhoyeko munken, Ohvketeckv Kvmete, este tutcene Nvkaftecvt mellvte vtehkat, Teseplen em mvhakov momen seemfvvatkv ocakat ohfvcev ohvketeccakat heren etehoyvkvres, momet nakcokv Mekelese em punkv es cohoyvkvte Este Hvtke cokv-hecvlike hecakat en kerretv tetayet os, ohvketeccviken komepuecvres: momen

Kanfelnvns em Ohliketv Ohlikv en Svketvle tepakat e hócefhokv lisens vlumhiocvkeko vtekat ehvperkv os.

Opunvkv hiyomakat vevkvyen lisens ha-hoyvres,

Heyv cokv sarat —, — Ekvntvckv en Kwatvle Kanfelnvns, Erkenvketv aceyihocvre heres, makaken, momen Wvhvlv Merotest Epeskopvl Mekusvpkv-cuko em Anyuvl Kanfelnvns en Testlekt Kanfelnvns — Testlekt ofv ocat en kvmetvket Teseplen makat vevkvyen ohvketecakvtet omen, Opunvkv-herv eserkenvkvre heyv eteropotten ohmelhoyvtet os, mv Mekusvpkv-cuko seemfvyatkv em vhakuce esyomat vevkvyen.

Mv Testlekt Kanfelnvns vrahkv hoccefhokvn vlumhiocat,

—————, Ohliketv Ohlikv.

—————, Svketvle.

Hvse en nettv momen ohrolope.

*Vpo.* 2. Erkenvkv fekhonnv Tekvn em wicketvn aceyihocceko emunken en hofune estomusen erkenvkv fekhonnv em wicketvn yfvstvrana?

¶ 166. *Vyo.* Erkenvkv fekhonnv lisens en heekat vteken ohrolope osten erkenvkvres, momet nakcokv tekvn em wicketvn e emetakuecet hecvres Pesvplke makakvte ohfvccvn Kanfelnvns ehomvn ohvketehoh-

cof, Nvkaftvlket, Tekvn em wicketvn aceyihocvre heres, makakat svtefeket mvn eskerkuece, Kanfelvns em Ohliketv Ohlikv en Svketetele tepakat e hocefhokv vlumhihoca emahket, momet em vretv ohfvcvvn ohvketecahkof, Heretv ores, makaken omat, momof tekvn em wicketvn aceyihocvre enhopohoye taves; momis heyvvn vketehocvranet os: erkenvkv fekhonnv em wicketvn ohrolope etelilvke tutcenen vfastet, ohrolope esostan erkenvkv tvleme ohvketehocat arvten, Anyuvl Kanfelvns, Aceyihocvre heres, makaken omat, tekvn em wicketvn aceyihocvre enhopohoye taves.

*Vpo.* 3. Eltv em wicketvn ohmelhoyeko vtekak en hofune estomusen tekvn fekhonnv em wicketvn vfvstvte te?

¶ 167. *Vyo.* Tekvn fekhonnv em wicketvn ohmelhoyvte hoyanat ohrolope osten erkenakvten omat, momet mv nakcokv eltv em wicketv en heckvre e emetakuecet hecvres Pesvpylke makakvte ohfvccvvn heren ohvketehohcof, Testlekt Kanfelvns, Em wicketvn aceyihocvre heres makat, svtefeket emakvten omat, momen Kanfelvns em Ohliketv Ohlikv en Svketvle tepakat e

hocefhokvn mv svtefeket vlumhicakvten omat, mv svtefeket Anyuvl Kanfelvns ehomvn wvkecvres, cokv, Ohkalvlke Emekusvpkv-cuko em mvhakv en Teseplen esyomen vkvsamis, make kerkuecat vpaken; momen Nvkaftvlket, mv omvlkv ohfvccvn heren ohvketecakat hoyanof, Tetayes, makaken omat, eltv em wiketvn ohmelhoye taves; momis heyvn vketehocvres: ohrolope etelilvke tutcenen tekvn fekhonnv em wiketvn vfastet, ohrolope esostan tekvn tvleme ohvketehocat arvten omat, Anyuvl Kanfelvns, Mometv heres, makakof, eltv em wiketvn aceyihocvre ensathoye taves.

*Vpo.* 4. Erkenvkv fekhonnlvke ohfvccv ohvtvlakat nak estomvken pu mvhahoye te?

¶ 168. *Vyo.* 1. Erkenvkv fekhonnlvke em vtotketvt hiyomet omvres: opunvkv eserkenvketv ohfvccvn ekvntvckv erkenvkv, svket, stesvn monkat mesvn vpokan ohvfastat emvnievkvrant os. Monkv ekvntvckv erkenvkvt, em vtotketvn hvte vliceof, mv erkenvkv fekhonnlvke vtotketv estoman momen en sulke estoman vfaſte tetayat, momet momecetv vkvsvma-

kat ohfvccvn em 'pohvkvres; momof cokv mv vcvkvyv vtotkvkvranan hayvres, momen mekusvpkv nvkvftetv mucvsvke vte-loyet, este mekusvpkv-cuko ohvpvketvn eyacakat omvlkv e hocefhoekvn cokvn vlumhictv, momet, momvre heret on omat, mekusvpkv-cuko vtehkvlke evpvye-tv yekeetvn emhoyvkvres: momis heyv vketehocvres: en lvpke momvke tetayan mv nvkvftetv mucvsakan, este Mekusvpkv-cuko ohvpvketv eyacakat, momen ohvpvkakvte e hocefhoekvn ekvntvekv erkenkv en kerkuecvkvres, momat ohvpvkakan vpakusen em vhecickv elecvn svpaklvren: momen em vtotketv take en sulke estomat, momet nak estomecvkvte ohfvccv leptokvn hoccihcet, Kwatvle Kanfelvns esostan emvkvres.

¶ 169. *Vyo. 2.* Eltv fekhonnv, tekvn fekhonnv, momen erkenkv lisens en hecvte esyome vtekat mv Kwatvle Kanfelvns ohvpakat em eskerkv cokv ofv e hocefkv vhoccan oevres.

¶ 170. *Vyo. 3.* Erkenkv tvleme estomis, em vtotketv taten em fekhonnihoce vtekat, Kwatvle Kanfelvns cvpofv hvte

wikvte elecv ocat elecvn huere emunken, Kwatvle Kanfelvns etvn svtefeket em fekhonnihoekvyn kerkuecat ehomvn wvkecvres.

¶ 171. *Vyo.* 4. Eltv fekhonnv, tekvn fekhonnv, monkat erkenkvv lisens en heckvte estomis, svket, stesvn, monkat mesvn en cunecket, etvn oh ayen omat, mv Ekvntvckv likvte em Erkenkvv Nvkaftecvy, monkat ekvntvckv erkenkvvt svtefeket Mekusvpkv-cuko ofv em wiketv kerkuecat emvres, momen mvn ocekon omat, etimvn erkenkvv fekhonnvt huereko tayes.

¶ 172. *Vyo.* 5. Erkenkvvt, svtefeket erkenkvv fekhonnvt huervte, monkat emwiketv huervte ohkerkuecat en heckvtet, mv hvse en nettv mv svtefeket ohhoccat svliceen hvse epakat hoyvneko munken Kwatvle Kanfelvns vplwv hvmke ehomvn wvkecekon omat, pum Emekusvpkvcvko ofv erkenkvv fekhonnvn evpahoyekares, mv momecekatet emvntteko tayvten mv Kanfelvns ohayat vkvsvmepueceko taye vtekat.

## TEKVPVKE XIII.

## VCAHNVLKE.

*Vpo.* 1. Este vcahnetv lisens emhoyvkvre ohfvcev mvhakv estomvken pumhoye te?

¶ 177. *Vyo.* 1. Este vcahnetv lisens emhoyvkvre orices, Kwatvle Kanfelvns komaken omat, momet mv este heromkvn ocet, vcahnetv semvnevket, momet estempuyvfekevñ lopicet omes, komaken omat, lisens emetv momet ohrolope vrahkv omvkvñ lisens mucvsecetv yekcetvñ ocvkvres.

¶ 178. *Vyo.* 2. Estet Emekusvpkv-cuko vpikvt on omat, mv emekusvpkv-cukot momen erkenvkv em elecñ huerat en nvkvftetv, vcahnetv lisens emhoyvre ores, makvkekon omat, lisens emhoyekares; momen lisens estomis Kanfelvns em Ohliketv Ohlikvt e hocefkvñ vliceke vtekat ehvperkvñ omes.

*Vpo.* 2. Vcahnv em vtotketv nak estomvke te?

¶ 179. *Vyo.* Estofv estomis, em etektvñket on omat, mekusvpkv vcahnetv tepakat vrahkv nvkvftetvñ ocvvres; momis kvntvckv erkenvkv elecñ huervres.

*Vpo.* 3. Vcahnvlke ohfvcev ohvtvlakat mvhakv estomvken pu'mhoyet oma?

¶ 180. *Vyo.* 1. Vcahnv vtekat em wicketv en nakvfvtstetv vfeckakhet vfvstekvs, erkenkv en nakvfvtstetvn e ohwvkecekot.

¶ 181. *Vyo.* 2. Em wicketvt omecicen vcahnv vtekat Kwatvle Kanfelvns em ekvntvckv mv elec v huerat ohvpakat tares; momis nanvke etv omvkv ohfvcev Mekusvpkv-cuko vtehkvlke hvnke tvlkuse omen vfvshotvres.

¶ 182. *Vyo.* 3. Vcahnv estomet svket, stesvn monkat mesvn likvte en cuneciket, etvmin ohayen omat, mvn Vcahnvt's komhoyekares, Ekvntvckv likvte em Erkenkv Nvkaftecv monkat kvntvckv erkenkvvt svtefeket em wicketv kerkuecan emeko vtekat.

---

#### TEKVPVKE XIV.

##### VKERRICKV VPOHVLKE.

*Vpo.* 1. Vkerrickv vpohvlke estomen em vtotketvn ohmelhoyvrana?

¶ 183. *Vyo.* Kvntvckv erkenkvvt mellvres; momet hopoyvlke em etohkvlketv vtekat aosse hvnken evpayvn mellvres.

*Vpo.* 2. Mvhakv vkerrickv vpohvlke ohfvcev ocakat estomvke te?



¶ 184. *Vyo.* 1. Estet hoporrenkv em vkerrickvn ocet, mehenwvn Hesaketvmese vnokecet em vtotkakak omvkekvs.

¶ 185. *Vyo.* 2. Kvntvckv erkenkvvt Kwatv vtekat vhmkvvn, monkat mv em etewole senhoyanis, estomen mv hopoyvlken mvhayat ohfvcev vhericet vkerrickv vpohv vtekaten em 'pohekvs.

¶ 186. *Vyo.* 3. Vkerrickv vpohv nake momecvranat heyvt omakes—

(1) Hopoyvlke mvhayat vtekan nettvcakuce omvlkvvn vhmkvvn hecvranet os, mv em etewolat senhoyvnen hecekon omat; momat em puyvfekcv take heren en lopicvken kerrvret em 'pohvkvres, momet, em puyvfekcv enkusvpketv vcvkvyen, nak em vsehet, emahlvpatet, nake momecetv heran en kerkuacet em vcahnet omvres: momen nake mv hopoyvlket emekusvpkv-cuko, erkenkvvlke estemerrvlke esyomat emvnicetvn vkvsvmet emvke tayan en cavvres.\*

---

\*Heyvt tvlofv rvkrvkusat momet rvkrakat ohfvcevt os, mvn estemerrvlke sulket vpoken, Mekusvpkv-cuko vycieckvn cvtokunawv sulken enkusvpkakan.

(2) Sosite em erkenkvike en stuvtlke esyomen nettvakuce vtekat vhmknv hevranet os; momat enokhokat, monkat heren fulleko em vsehvkeko tayat ohfvcev erkenkv em onayvret:

Momet nettvakuce hvte hoyanat em ofv cvtokunavv hopoyvlket emakvte ocen omat, stuvtlken emvret.

---

### TEKVPVKE XV.

#### STUVTVLKE.

*Vpo.* 1. Stuvtlke em vtotketv estomen ohmelhoyvre te?

¶ 187. *Vyo.* Kvntvckv erkenkv Kwavle Kanfelvns ehomvn este e hocefkv hue ricetv em etektvnke tares, momis Kanfelvns mvn evpyetv monkat vhepvketv yekcetvn ocvres.

*Vpo.* 2. Mvhakv stuvtlke ohfvcev oca kat estomvke te?

¶ 188. *Vyo.* 1. Stuvtlket este Hesake tvmese em penkvkv mehenwvn ocet, fvcvt omet, Ohkalvlke Emekusvpkv-cuko seemfvyatkv em mvhakv esyome ocakan heren kerret, momet vnokecet omvkekvs,

momet Emekusvpkv-cuko en nakfvstetv cvtokunawv vfvstetv omakat vfvstetv semvnevket, momet kerrvtet omvkekvs.

¶ 189. *Vyo.* 2. Stuvtlket etohkvketvn e en hayvkvres, momet ohliketv oblikv, svketvle, cvtokunapvfastv esyomen enhopoyvkvres; momet Opunvkv-herv vyeckv cvtokunawv monkat nake etv nvcomat enkusvpkvrnanan ohvkerriet keriyet, em etetakuecvkvres; momet erkenvkvle vnickvn cvtokunawv momen nanvke etvn vteloykvten omat, omvkv mahhen hocihcet, cokvn vcayecet, ohkerkueckv mehenwen hayvkvres; cvtokunawv fehokvte estomis ohfvccvn, erkenvkvle, monkat enokhokat, monkat estemerrvle vnickv vrahkvn fehokvten omat, fvccvn kerkuecet lepotkvn hayvkvres; este nak enkusvpkakan momen estemerkakan em vnicet emahlvptvkvret hopoyvkvres; este enokhoke monkat heren fullekat ocaken omat, erkenvkvlen en kerkuecvkvres; erkenvkvle em mvttvke ocet os, komaken omat, em onayvkvres; Mekusvpkv-cuko em wicketv svpaklat en nvkvftetv ocakan, momen kwatvle nvkvftetvn ohvpeykvres;

ekvntvckv em erkenvketv ohfvccvn erke-  
 nvkvt etemopunvyecof, mvt em 'pohen  
 omat, nake heret os komat en kerkuecv-  
 kvres; mekusvpkv-cuko ocakan cvtokuna-  
 wv emetv ohfvccv kvmetvlket ohvketecv-  
 ranet nvkaftaken omat, entaket vpvkvke  
 tares; nanvke fvccehocvke tayat kvwvp-  
 kaken omat, mv ohfvccvn vcahnetvn emv-  
 kvres; nanvke Pucase em Ohhompetvn es  
 vfvstvkvranaan heckuecvkvres; momvranat  
 tvlkuse hakof este cvtokunawv vteloyn  
 mellvkvres, mv estet cvtokunawv erken-  
 kvlke, monkat nanvke etv esemvnickv oh-  
 fvccv emhoyan vteloynren; momet cvto-  
 kunawv vteloyn mellvkvte vtekat cvtoku-  
 nawv vteloyn ten en cvwvres, momat Kwat-  
 vtle Kanfelvns ehomvn ohkerkuecvret;  
 momet momvranat tvlkuset on omat, me-  
 kusvpkv nvkvftetv vtekat em ofvn kwatv  
 vrahkv omvlkvn cvtokunawv vtelokvn ha-  
 yvres; momet momvre heret on omat, so-  
 siete vlken cokv tvleme heyv ohfvccvn en  
 hoccihcet vtotvres, ohvtvlaken nak emetv  
 vkvsamuset omvkvren emvcahnet, momet  
 cvtokunawv ohfvccv estomet mekusvpkv-  
 cukot svpaklan, Kwatvle Kanfelvns eho-

mvn kerkuehocvte vevkvyen en kerku-  
ecet.

¶ 190. *Vyo.* 3. Ekvntvckv vtekat mo-  
men erkenvkety oce, stesvn kihocat vtekat  
en stuvtlke kvmete fekhonnvlket svpvk-  
lvres, erkenkv hute sekon omat, erkenv-  
kvlke etepahoyvkvte en cuko-vtehkvlket  
vpokvren cukon en heckuecvkvres, mon-  
kat erkenkvlke vpvkaket vtotkvkvren oh-  
melhoyof, cuko e en heckuecetvn emvni-  
cvkvres.

*Vpo.* 3. Stuvtlke heromet em vtotkety  
vfvstvkvret, estimv ehomvn e ohkerkue-  
cvkvrana?

¶ 191. *Vyo.* Kwatvle Kanfelvns em e  
ohkerkuecvkvres, momen mvt vkueyvre  
yekcetvn ocvkvres.

*Vpo.* 4. Svket monkat stesvn vtekat vfvsv-  
tvkvre stuvtlke nvcomen ohmelhoyvkv-  
rana?

¶ 192. *Vyo.* 1. Erkenkv em eevpofv  
vtekat stuvt hvnke ohrolope vrahkvn en-  
sathoyvren ocvres, mekusvpkv-cuko vte-  
kvlke pale tutcenen oaken omat, momen  
ohvtvlakat heyvn vketehocvres: sosiete sv-  
ket ofv ocat vtekat stuvt hvnken ocvres,

momen svket monkat stesvn vtekat stuv-  
tvlke kolvpaken ocvre em etektvnet os,  
monkat sensulkis.

¶ 193. *Vyo.* 2. Svket hokkolet monkat  
stesvn hokkolet hvmken hahoyen omat,  
stuvtvlket em wiketvn hvltake emunken,  
Kwatvle Kanfelvns enhvteceskvst stuvtvlke  
etohkvke mucvsan mellkvres.

*Vpo.* 5. Cokv-hayv stuvt em vtotketv  
estomvket ome te?

¶ 194. *Vyo.* Kwatvle Kanfelvns nak  
vfvstakat eskerkv hoccihcet, Anyuyl Kan-  
felvns en kvmete cvtokunawv mekusvkv-  
cuko vycickv vfvstakat ehomvn lepotkv  
hayvres, momet heyv lepotkv hayat en  
Stuvtvlke Etohkvkat ohrolope hvte hoy-  
nat em ofvn nak vfvstakvte omvlkv  
es-  
fvcken kerkuecvres, momet mv lepotkv  
Kwatvle Kanfelvns, momen Testlekt Kan-  
felvns sohayvres, ohvketehocvren.

---

TEKVPVKE XVII.

OHHECVLKE.

*Vpo.* 1. Ohhecvlke em vtotketv estomen  
ohmelhoyvkvvana?

¶ 197. *Vyo.* 1. Wvcenv em Ekvntvckv

em vhakv monkat en Teletole em vhakvt mvraken makvkekon omat, kvntvckv erkenvkvt, momen mvt sekon omat, Erkenvkv Nvkaftecvt, este e hocefkv huericetv yekcetvn ocvres, Kwatvle Kanfelvns ehomvn, momis Kanfelvns evpyetv monkat vhepvketv yekcetvn ocvkvres.

¶ 198. *Vyo. 2.* Nake Ekvntvckv enake ocat Ohhecvlken Testlekt Kanfelvns, mv em ofv mv nakockv ocat, melletv yekcetvn ocvres. Erkenvkv Nvkaftecvt e hocefhokv Testlekt Kanfelvns ehomvn huericetv yekcetvn ocvres, momen mv Kanfelvns evpyetv monkat vhepvketv yekcetvn ocvkvres.

*Vpo. 2.* Mvhakv ohhecvlke ohfvcev ocat estomvke te?

¶ 199. *Vyo. 1.* Pum erkenvkv-hute ocat, pum mekusvpkv-cuko, mvhakv-cuko, mvhakv-cuko rvkrakat nakkerretv hvlwe mvhakv-cuko ohhecvlket em vculkvt ohrolope pale hokkolen hvmkontvlakan orvranet os, monkat senhoyanis, momet, pum mekusvpkv-cuko vtehkvlke momvre herakat eshechoye tayen omat, omvlkvt mv vtehkvlket omkvranet os; momis mv

omakat en sulke tetaye eshechoyeko tayen omat, em vhonkvtkv tekvpvke svtutcenat pum mekusvpkv-cuko en lvpvtke asossen hahoye tayes.

¶ 200. *Vyo.* 2. Estofv estomis elkvt ot, vtotketv wikat tot, monkat nake etvt ome-cicet o estomis, heyv ohhecvlke vpvke hahokvte etektvнке haken omat, moman vpa-ken esfvcehocvranet os.

¶ 201. *Vyo.* 3. Mekusvpkv-cuko nake ocan vevyeevkvre herakat este heckvke tayen omat, ostvpaken ohhecvlken hahoyv-res; momen monko tayen omat, kolvpaken, cahkepen monkat tutcenen, momen heyvt ohliketv ohlikv, svketvle, cvtokunap-vfastv esyomen enhopoyvkvres.

¶ 202. *Vyo.* 4. Svket, stesvn monkat mesvn vtekat em Ohhecvlke Etohkvlkat em wiketv ohfvcevн Kwatvle Kanfelvns ehomvn e ohkerkuecvkvranet os; momen Kanfelvns mv ohhecvlken em wiketv em fekhonnicetv yekcetvn ocvkvres; momen Ohhecvlket Kwatvle Kanfelvns ehomvn ohrolope vtekat vhmkvн nak momeca-kyte ohfvcev lepotkvн emvkvren em 'po-hohvres, monkat em etewole senhoyanis.



Kwatvle Kanfelvns Kvntvckv vrahkv Ohhecvlke Etohkvlkan ohmellaken omat, mvu Ohhecvlke vpvlvv etvpomet mv Kanfelvns ohmellvkvte em elecvn svpvklvres.

¶ 203. *Vpo.* 5. Svket hokkolet monkat stesvn hokkolet hvnken hahoyen omat, mvn hahoyat Ohhecvlke Etohkvlkat fekhonnievres; momen svket monkat stesvn mucvsat en Kwatvle Kanfelvns Ohhecvlke Etohkvlke mucvsan ohmellvkvres, heyv Tekvrvkat ofv *Vpo.* 1 em *Vyo.* 1 makat vevkvyen.

¶ 204. *Vyo.* 6. Este estomet ohhecvt omet, cvtokunawv vrahkv sehvlvtkv este etv vpvke hayvten omat, em wiketv ossihocekares, vnickv vpohohat emhoyen, monkat este vhuericat, Tetayes, makat emhoyekon omat.

## SETENTVCKE IV.

MEKUSVPKV-CUKO VTEHKVLKE.

## TEKVPVKE I.

ESTE MEKUSVPKV-CUKO OHVPVYETV.

*Vpo.* Este Mekusvpkv-cuko vtehkvlken estomen ohvpahoyvrana?

¶ 205. *Vyo.* 1. Estet Mekusvpkv-cuko vtehkvlke ohvpahoyvre eyacakat e ohkerkuecakof, mv Ekvntvckv erkenvkv em puyvfekevtake ohfvcev em 'pohvkekvs, momet, cvpvkktv vlvkvrana en letketvn komakat, momet en holwvyeckvtake enkv-pvken hesahokvren komakat esfvcen e ohkerkuecaken, momet, em vkvsvmkv taket mehenwet omen, Mekusvpkv-cuko em vha-kv omvlkv vpohicetv vkvsvmakat kerkuecet, e ohonayaken omat, Mekusvpkv-cuko vtehkvlken hayvres.

¶ 206. *Vyo.* 2. Erkenvkv, heyv nanvke ohfvcev ohvpahoyvre oricaket os, kome heret on omat, Mekusvpkv-cuko em mv-hakv mv ohfvcev ocat vevkvyen momehoce tayen omat, este nvkvftetv ehomvn ohvpa-yvkekvs.

¶ 207. *Vyo.* 3. Este estomet, Ohkalv toko, mekusvpkv-cuko etv ohvpakvtet, en hueretv here tatet on omat, pum Mekusvpkv-cuko este ohvpvketvn komen omat, vpohetv vpohakvnto omakan heren em vyoposken omat, ohvpvkvre em etektvkvres, nanvke etv pum Mekusvpkv-cuko este ohvpvyvkvre ohfvcev mvhayat momehocekon.

---

## TEKVPVKE II.

### MEKUSVPKV-CUKO EN HOPUETAKE.

*Kvntvckv Erkenkvk lepotkv cokv Kwatvle Kanfelvns ehomvn emvranat nanvke etv semuntvlen erkenkvk hopuetake mvhayat ohfvcev opunvycevrarat.*

*Vpo.* Mekusvpkv-cuko en hopuetake ohfvcev mvhakv estomvken pu'mhoye te?

¶ 208. *Vyo.* 1. Erkenkvkvt eckvlke omvkvvn vhericet emvhayet, vcahnekvs, en lvpke estomvke tetayat en hopuetakucen paptiskv eteropotte Pucasen emkvren.

¶ 209. *Vyo.* 2. Vhecicvt omet, em esten cukopericakof, este etv vhecicat senhoyvnen hopuetakuce ohfvcevn vketece-

kvs; kerrvke tayat vevkvyen mekusvpkv mehenwv, momen e feke ofv vnokeckv Pucase em ocake witen omat, mv ohfvccvn etempunayvkekvs, e feke avten em emekusapet, nake em paptiskvt okat, nak en herake vevkvpeyat, momen mv eteropotte nakfvfstetv estomvken ohwvkechoyvt ohfvccvn heren mvhayvkekvs.

¶ 210. *Vyo.* 3. Este ehomv Pucase Cevs ohvkvsvmkv kerkueceyat nakfvfstetv estomvken ep ohwvkechoyan heren kerrakat vpaken, momet mv nakfvfstetvn esfvc-ken momecetv komakat kerkan vpaken, Teseplen nake mvhayat vevkvyen esfvc-ken mekusvpkv-cuko vtehkvlken ohvpahoyvren vketecekvs.

¶ 211. *Vyo.* 4. Momehoce tetayat oren pun Cokv Setempohetvn este 'semvhahoyvkekvs, pun Nettvacko cokv-heckv pu hute takeu esyomat ofvn; momen erkenvkvlket pum mekusvpkv vcaakat em mvhakv momen en nakfvfstetv ohfvccv hopuetake here emvhayetv nake rakke mahet os, kicet, eckvlke Nettvacko mvhayvlke esyoman heromet vcahnvkekvs.

¶ 212. *Vyo.* 5. Erkenvkvlke em vtot-

ketv rvkrvke mahat hvmet heyvt omes;  
Cokv-rakko kerrepvlke etohkvketvn ha-  
yvkvres, estvmv estomis momecvke tayen  
omat, hopuetake rvkrvkuse este mvnettv-  
ke esyoman mvhahoyvkvren; momet en-  
take mahusat mvhayvkeko tayen omat, ev-  
payv mvhayetv orican mellvkvres.

## SETENTVCKE V.

ESKETV ESTE HACECE TAYAT EENHVLVTKV.

*Vpo.* Nakholwvke rakke este esketv este hacece taye eskakat naken estomecet sumeciceyvre te?

¶ 213. *Vyo.* 1. Pum vhakv omvlkv vrvhecat pum erkenvkvke, pum mekusvpkv-cuko vtehkvlke esyomat omvlkvt vpohicvkekvs, mv hackv momen esketv este hacece tayat esketvn vsehat, eskvranat tvlkuses komhoyeko vtekat.

¶ 214. *Vyo.* 2. Estet hace hakaken omat, Teseplen vevkvyen em momehocvkekvs, vhakv kackv etv ohfvccv etvpomen: hackv holwvyeckv Hesaketvmese em opunvkvvt yekcen vsehat omekv. Esketv este hacece taye eskakat ohfvccv Teseplen esvfvshotekvs, evketeceko, monkat hereko fulletv etv ohfvccvt o etvpomen, eskvranat tvlkuses, komhoyeko vtekat.

¶ 215. *Vyo.* 3. Pum erkenvkvke pum mekusvpkv-cuko vtehkvlke esyomat omvlkvt esketv este hacece tayat este eskvkvre vrahkv hayetv monkat wiyetvn e en hv-

lvtkvkekvs; momet cokv esketv este hacece taye wiyyetv etektvnehocvren vpohat e hocefkv vlicetv, momen este estomet mvn wiyyetv lisens eyacat em en heckuecetv vrahkv vyoposkvt hueretv, momen nakocetv estomis esohfeketvn komet, mv esketv home wiyyetv vrahkv est em pvletvn e en hvlvtvkekvs. Este estomet nanvke yv-mvn opunvyehocat hvmken momecen omat, vhakv kacv omēt hueret os, komhoyvres: mome estomis este estomet cokv esketv este hacece taye wiyyetv etektvnehocvren vpohat e hocefkvn vlicen omat, monkat estet esketv home wiyyv vyoposkvt hueren omat, monkat nakocetv estomis, esohfeketvn komet, mv esketv wiyyetv vrahkvn est em palen omat, erkenkv vhecivt mvhakv Setentvcke VII., Tekvpvke VI., ¶ 295, cokv en rvkpvtkv 127 ofv ocat vcvkvyen vfvstvres. Este fvcceckv cuko em mvhakv, monkat em fvcceckv elevn vtotkakak hiyomen opunahoyat vrvhecot os.

## SETENTVCKE VI.

NANVKE MEKUSVPKV PU FEKE OFV HERE ES  
OHVTVLAHOYE TAYAT.

## TEKVPVKE I.

MEKUSVPKV NVKVFTETV.

*Vpo.* 1. Mekusvpkv Nvkvftetv ocakat ofv nakvfvstetv temmomvlket omvkvren mvhakv estomen pu'mhoyet oma?

¶ 216. *Vyo.* 1. Fvccvlikoreko nvkaftetv hiyomen vfvshotvranet os.

(1) Yvhiketvt, este nvkaftat svpaklen.

(2) Mekusvpkvt, nvkaftat tokketoken.

(3) Cokv-rakko ohonayetvt, enhvteceskvn Testement Vculat aossen ohonayet, svhokkolan Testement Muevsat aossen.

(4) Yvhiketvt, nvkaftat vpoken.

(5) Erkenvketvt.

(6) Yvhiketvt, nvkaftat svpaklen.

(7) Mekusvpkvt, nvkaftat tokketoken.

(8) Ohmerkv esohopunayetvt.

¶ 217. *Vyo.* 2. Fvccvlikhoyvne momen yafke nvkvftetv fvccvlikoreko nvkvftetv etvpomen vfvshotvres, momis erkenvkvtt momvre heres komat vevkvyen Cokv-rak-



ko aosse hvmkusen ohonayetv, monkat ohonayetv wikvre em etektvnet os.

¶ 218. *Vyo.* 3. Mekusvpkv nvkvftetv ocakat omvlkvn, momehoce tayen omat, Pucase em Ohhompetyv hvse vrahkv omvlkvn vfvshotvres: momen mvn momehoceko tayen omat, Kwatvle Kanfelvns vtekat omof vfvshotvres. Momen mekusvpkv vfvstetv Pucase en Hompetyv enhomvn ocakat cvpevke mahekot omen, heyv nakvfvstetv vcakan etektvnkusen vfvshotekvs.

¶ 219. *Vyo.* 4. Mekusvpkv pu Pucase est emvhayvte fvccvlikoreko mekusvpkv nvkvftetv omvlkv ofvn mekusvpkv enhvteceskvn espoyet mekusapvkekvs, erkenvkvt mvn es emekusapen, nvkaftat vevkvyet mekusvpaken, momen nvkvftetv esvwaheckvn ohmerkvy opunkv vpastel Pal opunayvten erkenvkvt opunayekvs. (Hecvys Kvlenrvlke II, 13:14.)

¶ 220. *Vyo.* 5. Letyuvl kihocat nakvfvstetv mvn es vfvshotekvs mahokat omvlkvn es vfvshotvranat tvlkvres. (Hecvys ¶ 440-¶ 448.)

*Vpo.* 2. Estomet ecukwv tvlkuse es vyvhiketvn mvnvtteceye taye haks?

¶ 221. *Vyo.* 1. Estet nvkaften, yvhiketv mv omof yvhikvre herakan enhopoyeyat.

¶ 222. *Vyo.* 2. Yvhiketvn yvhikeyof, sulke mahen yvhikekot, setemwarke lopucuse cahkepe monkat epakan vtekusen yvhikeyat.

¶ 223. *Vyo.* 3. Yvhiketv en haken yvhiketv opunvkv vcvkvyen ensatkeyat.

¶ 224. *Vyo.* 4. Yvhiketv opunvkv yvhikakof, tewolen vyvkhvmkvn fekhonnet, est em 'pohet, "Tokvs, naken makatskat kerratske te? Ce feke em vkerrickv senhoyvnen opunayatskekisa?" maket vpoheyat.

¶ 225. *Vyo.* 5. Pun sosiete omvlkv ofvn estet yvhiketvn eskerrvkekvs, momet pun Nakcokv Esvhiketv yvhiketv en hake opunvkv esyome ocakat asossen yvhikvkekvs.

¶ 226. *Vyo.* 6. Este nvkvftetv vpokat omvlkvn yvhiketvn em vcahnvkes, tekvpvke espalat tvlkekon.

## TEKVPVKE II.

## MEKUSVPVRANE NVKVFTETV.

*Vpo.* Mekusvpvrane nvkvftetv ohfvccv mvhakv estomvken pu'mhoye te?

¶ 227. *Vyo.* 1. Erkenvkv vhecivt netvcakuce vtekat vhmknv mekusvpkv-cuko ofvn mekusvpvrane nvkvftetvn ocekv, momohoce tayen omat; momen eme mahusat vfvsteko tayen omat, erkenvkv fekhonv, vcahnv, vkerrickv vpohv, monkat mekusapv etvt vfvstvren heckuecekvs.

¶ 228. *Vyo.* 2. Mekusvpvrane nvkvftetv estmvv estenlopicvke taye etvt ocaken omat, mvn ocvkekvs.

## TEKVPVKE III.

## VNOKECKV HOMPETV.

*Vpo.* Vnokeckv hompetv ohfvccvn mvhakv estomvken pu'mhoye te?

¶ 229. *Vyo.* 1. Vnokeckv hompetvn kwatv vrahknv vfvshotvres, momen kvntvckv erkenkvvt momvre heres komen omat, em etewole mv senhoyvnen vfvshotvire em etektvnet os: vhauken vkhotka-

ken vfvshotvres, momen mekusvpkv-cuko vtehkvlke, este vpvlvw mahlvptkaket fulen omat, erkenvkv t asceyicvre em etektvnet omes.

¶ 230. *Vyo.* 2. Heyv vnokeckv hompe-tvn vfvshotof, yvhiketv mekusvpkv tepakat hoyahnof, erkenvkv vcvpkekon est em punayvkvres, heyv nakvfvstetv naken okat, momen nake vrahkv melhoyvte ohfvccvn est emvhayet; momof vpokat omvkv t tvklike estomuse momen uewv estomusen cvwvkvres, tecakkakat etemvnokeckv eskerkueckvn: momof mekusvpkv-cuko vtehkvlket estomet mekusvpkv e feketake ofvn ayen omat vkocuknusen onayvkvres: momen yvhiketv mekusvpkv tepakan nvkvftetvn es fekhonnihoce tares.

---

#### TEKVPVKE IV.

##### VKERRICKV VPOHETV NVKVFTETV.

*Vpo.* 1. Vkerrickv vpohetv nvkvftetv ohfvccvn mvhakov estomvken pu'mhoyet oma?

¶ 231. *Vyo.* 1. Momehoce tayen omat, mekusvpkv-cuko vtekat vtehkvlken etoh-

kvkety vnvcomen hayvkhoyekvs, estvmv vpokat vcvkvyen; momen vtehkvlke omvlkvt em etohkvkety en nvkvftetvn hecvkveren em vcahhonvkekvs.

¶ 232. *Vyo.* 2. Vtehkvlket komaken omat, heyv etohkvkety hokkole monkat senhoyanat etenvkaftvkvre em etektvnket omes; momen vkerrickv vpohvlke nvkvftetv evpyetvn eteyoposketv em etektvnket os.

¶ 233. *Vyo.* 3. Erkenvkv vhecivt kwatv omvlkvn etohkvkety vtekaten erhecvkvres, estomet ayaten Kwatvle Kanfelvns en kerkuecvret, momet em etewole estomomusen ocvkvre here tetayes komat etohkvkety omvlkvn nvkaftecet, emvhayvkekvs.

*Vyo.* 2. Vkerrickv vpohkv nvkvftetv ohvtvlaken est en lopvkuecvre hayetv naken momecvke taye te?

¶ 234. *Vyo.* 1. Vkerrickv vpohvlke hervkekan este etimvn vyoposhuecvkes.

¶ 235. *Vyo.* 2. Vkerrickv vpohvlket etewolen vpohvlke vpvltaken eteyoposket, etohkvkety enake tokvkekan hecvkekvs.

¶ 236. *Vyo.* 3. Vpohvlket vpvltake sen-

hoyvnen est en lopicvke tayaten vketecvkvres; momen mvt etohkvkety enake tokvkekan etewole estomomusen momehoce taye vtekat erhecvkekvs.

---

TEKVVPVKE V.

NETTVCAKO COKVHECKV.

*Vpo.* Nettvcako cokvheckv ohfvccvn nake estomvken es pum fvyatkvn est emv-hahoyvkvre te?

¶ 237. *Vyo.* 1. Pun sosiete omvlkv ofvn Nettvcako cokvheckvn hayvkhoyekvs, este palvtekusis cokvhecvlke hahakvre eshechoye tayen omat; momen estvmvn mesvn Nettvcako cokvheckvn hahoye tayen omat, mvn hayvkhoyekvs.

¶ 238. *Vyo.* 2. Pun sosiete ocakat ofv Nettvcako cokvheckv ocakat omvlkvn pum Mekusvpkv-cuko mahusat em fvyatkv elevn svpvklekvs; momet Cokv-setempohety, Nettvcako nakcokv eshecety, momen Nettvcako cokv tvlemvlke punanvke mahusat asossen eskerrvkekvs.

¶ 239. *Vyo.* 3. Svket vtekat momen ste-svn vtekat en Kwatvle Kanfelvns en Nettv-

cako cokvheckv omvlkv ohvfastvlke etohkvlkat svpvklvres, momet ohrolope vrahkv omvlkvn, Kwatvle Kanfelvns esostat omof, kvntvckv erkenvkvt este e hocefkvn ehomv taken huerihcen, mv Kanfelvns en Nettvcako cokvheckv vtekat ohvfastvn em mellvkvres; momis *heyv nanvke hokkolen vketehocvres*, Kwatvle Kanfelvns em etenrvvv omof Nettvcako cokvheckv ohvfastv em wiketv etektvnke haken omat, kvntvckv erkenvkvt ohvfastv etvn mellvres, ohvfaste emunken Kwatvle Kanfelvns orvren, momet hvttm Nettvcako cokvheckv mucvsakan vteloheyen omat, kvntvckv erkenvkvt ohvfastvn mellvres, Kanfelvns oreko vtekat em wiketvn huervranan.

¶ 240. *Vyo.* 4. Svket vtekat momen ste-svn vtekat em erkenkv em vtotketv Nettvcako cokvheckv ohfvccv hiyomvket os; estofvt o estomis momece tayat Nettvcako cokvheckv em ecvpofv ocakat omvlkvn hecvres, hopuetaken em 'pohvkvret, (Nakckv setempohetv asosse tis,) em etewole estomen momece tayat em erkenkvret, momet, Mekusvpkv nvkvftetv omvlkvn hecvranatsket os, kicet, em veahnkvret, mo-

met pum Mekusvpkv-cuko em mvhaky momen en nakvfvstetv chfvcevn heren mvhahoyvren vketecet, em puyvfekev take en heraken vpeyvren vketecvres, Mvt vhecickv vtotketv vfvstvranyvte vpvket os, komet. Momet Nettvcako cokvheckv eme cvpofv ofv ocakat em vhonkvtkv, en hue-retv momen hopuetake vhecickv ofv estomen emvhayvkvte ohonkv cokvn Kwatvle Kanfelvns en nvkvftetv kwatv vrahkv vtek-  
 at em wikkvres Kanfelvns em eskerkv cokv ofvn hoccihocvren; momet mata ohfvcevn lepotkvn Anyuvl Kanfelvns em wikkvres.

---

 TEKVPVKE VI.

## EPWVR ETOHKVLKETV.

*Vpo.* Epwvr Etohkvlketv ohfvcev mvhaky estomvken pu'mhoye te?

¶ 248. *Vyo.* Epwvr Etohkvlketv pun sosiete ocakat ofvn hahoyekvs, Hesaketv-mese vnokeckv momen pum Mekusvpkv-cuko vnokeckv mehenwe pum este mvnet-tvlke vpvken ohvtvlvyetv, momen Cokv-rakko, mekusvpkv vnickv nakcokv esyomat kerretv em ohvtvlvyetv; momen heromkv merk vtepakat vtotketv es ohyek-



cickv vrahkvn, heyv Etohkvlketv em Vhakv em Pvtakv em vhakuce hiyomakat vcvkvyen es em fvyvthoyekvs.

¶ 249. Vhakuce I. Heyv Etohkvlketv e hocefkv, Wvhvlv Merotest Epeskopvl Mekusvpkv-cuko em Epwvr Lek hocefkv tares.

¶ 250. Vhakuce II. Heyv Epwvr Lek em fvyatkvn fvyatvlke este palen tutce-nohkake etohkvlkat vfvstkvres, momet heyv fvyatvlke etohkvlkat Wvhvlv Merotest Epeskopvl Mekusvpkv-cuko em Epwvr Lek em Fvyatvlke Etohkvlketvt kerket omvres. Heyv Etohkvlketvn Pesvp, erkenkv tvlemvlke epaket mekusvpkv-cuko vtehkvlke epake esyomat vtehkvrres. Heyv este omvlkvn Epwvr Lek en Kvmete vho-fune svpaklat e hocefhokvn svpvklecen, ohrolope ostomvlkvn Cenelvl Kanfelvns etemvrkv eteropotten epoyepicaket omvres. Epwvr Lek en cokv tvlemen Cenelvl Svketvlet tvlemievres, momet em wiketvt omecicen, Epwvr Lek em Fvyatvlke Etohkvlketv vpikv tares. Heyv Etohkvlketvt ohrolope vrahkv omvlkvn nvkaftvres, estvmvn momet estofvn komet fvccecakén

omat, momen vtehkvlke ostvpaket nvkaf-  
tat “kwolvme” tares.

Estvmv estomis Epwvr Lek ocaken  
omat, mv vrahkv vhakv em pvtakv momen  
vhakuce ocvkvrnan em etetakuecvkvres.

Nakcokvn hocefhucet, ohonahoyvre em  
etewihketvn etetakuecvkvres, momet Oh-  
kalvlke en Sohwetenepeuckv Cuko Rakko  
em Vtotkvlke vpvkaket mv nakcokv soh-  
wetenepeuehocvren etetakuecvkvres, momet  
nak ohonayetv etv ocvkvrnat tvlkuses ko-  
makat vpvken.

Momet ohvtvlakat em Etohkvlketv, Cun-  
yv Lek hocefken, hayvkhoyvren em eteta-  
kuecvkvres.

Emetake nak momecakat em fvyvtetv,  
momet vtotketv vrahkv cvtokunawv yv-  
mahkueckv es feketv cvtokunawv fvyecic-  
kv yekcetvn ocvkvres.

¶ 251. Vhakuce III. Heyv Fvyatvlke  
Etohkvlketv em wiketvt hiyomvke tares,  
Ohliketv Ohlikvt, Ohliketv Ohlikv Emv-  
nicv tutcenet, Cenelvl Svketvle, Cvtokunap-  
vfastv esyomat, momen Etohkvlketvt  
heyv em wiketvn etemvrkv eteropotten oh-  
rölope esostan mellvkvres; momis Cenelvl

Svketvlen Cenelvl Kanfelvns hocefkv hoc-  
cickv setemvrkv eteropotten mellkvres.

¶ 252. Vhakuce IV. Cenelvl Svketvlet  
Anyuyl Kanfelvns vpikv tares, momet  
Etohkvlketv nak vfvstakat omvlkv esker-  
kv cokv veayehocvranat, ofvn hoccicet,  
cokv est em vtothoyat omvlkv em vfastet,  
en nakvfvstetv etvlwv em vhakv hvlvte ta-  
yat omvlkv em vfastet, en cokv tvlemen  
etetakuecvres. Ohkalvlke em ecvpofov  
hvmkv etehoyvrvres, Epwvr Lek em vnic-  
kv vrahkv. Lepotkv Anyuyl Kanfelvns  
omvlkv en haykvres, momet nakvfvste-  
tv etv Etohkvlketvt em vpohan momecvres.

¶ 253. Vhakuce V. Lokvl Lek ocakat  
kvntvckv erkenkv momen Kwatvle Kan-  
felvns em fvyvtkv take elecvn ocvkres,  
momet em vtotketv yekcickv vrahkv tv-  
lofv-rakko ofv ocakat tvlofv-rakko em  
etohkvlketvn hahoye taves, momen vpvl-  
taket Testlekt Lek Kanfelvns, monkat An-  
yuyl Kanfelvns Lek Kanfelvns, monkat  
Wvcenv Ekvntvckv Lek en Kanfelvns  
hahoye em etektvnet omvres.

¶ 254. Vhakuce VI. Epwvr Lek en nak-  
vfvstetv cuko enhomahtvt Nasfel tvlofv,

Tenese Ekvntvckv ofv tares, momen Lek en cokv tvleme momen en nakcokv etv tvlemihocakat omvlkvn Wvhvlv Ohkalvlke en Sohwetenepeueckv Cuko ofvn hahoyvres.

¶ 255. Vhakuce VII. Lek Etokhvlketv Enhomahtv em wiketv svpaklat, Lek en cokv tvleme en tvlemiev esyomat Kvmete Lek em vtotketv vyecicat hahakvres, momet Lek Etokhvlketv en nvkvftetv em etenrvwv omof vyoposket nakvfastet, Etokhvlketv ofv etektvnke ocvke witat omvlkvn fvcfievres, Etokhvlketvt, Tetayen momécakvnks, komaken omat.

¶ 256. Vhakuce VIII. Lek en cokv-tvleme tvlemiev Cenelvl Svketvle tepakat estomusen em fehokvranan Nakcokv Kvmetet makvkvres, momen Cokv hahickv Cuko en nakvfastvlket em fekvkvres. Etokhvlketv Enhomahtvt, vnickv estomusen tvlemiev tvlemtv ocvranat tvlkuset on omat, cokv-hayv em vtotketvn en heckuecvkvres.

¶ 257. Vhakuce IX. Heyv vhakv em pvtakv em vhakuce ocakat esohfvceetv cvtokunawv enkusvphoyan Cokv hahickv Cuko Enhomahtv em vtotketv Ohvfastvlket epoyvkvres.

## SETENTVCKE VII.

TESEPLEN ES VVVSTETV.

### TEKVPVKE II.

ERKENVKV TVLEME EM FVCCECKV.

*Vpo.* 1. Erkenvkv tvleme em vretv oh-  
fvccv estimvn e ohkerkuecvre te?

¶ 263. *Vyo.* Anyuvl Kanfelvns em e  
ohkerkuecvres; momen mvt em fvccectv,  
Em mvttekot hueres, maketv, monkat em  
wiketv ossicetv yekcetvn ocvkvres.

*Vpo.* 2. Erkenvkv tvleme estomet, Nak  
momehocvranekan momcet os, estet opu-  
nyecet makaken omat, naken estomeho-  
cvrana?

¶ 264. *Vyo.* 1. Erkenvkv tvleme esto-  
met nak momehocvranekan momcet os,  
estet opunyecet makaken omat, monkat  
myn maket hoccicaken omat, pum Meku-  
svpkv-cuko em erkenvkv monkat vtehkvlke  
hvmket e hoccfkvn cokvn vlicen omat, An-  
yuvl Kanfelvns mv em elec v huerat em  
etenrvwvn momehocen omat, Pesvp hvm-

ket vrekon omat, Erkenvkv Nvkaftecvt erkenvkv tvlemvlke nvcomvken kome omat nvkvftecekvs, tutcenat oren, monkat sensulkis, mvt, ohvketeckv kvmetet omet, vnrpe opunveyeckvn eskerrvkvren. Momehoce tayen omat, mv vnrpe opunveyehocat vnrpe opunayv tepakat kvmete ehomvn etehevkekvs. Mv vnrpe opunveyehocat Nvkaftecvt on omat, mv kvmetet Nvkaftecvlket omvranet os, momen mv opunveyehocat tekvn ton omat, Nvkaftecvlke monkat tekvnvlket mv kvmetet hakvres.

¶ 265. *Vyo. 2.* Mv vnrpe opunveyehocat em fvcehocvranat tvlkuses kvmetet komaken omat, mv Anyuvl Kanfelvns vpiakat hvnke orat vteken em wiketvn em fekhonnihocvres. Mv Kvmetet nak hocce nanvke holwvhoke momecvte etelilvken kerkuECE momet estomvke mahuse naorkvten etelilvke kerkuECAN em etetakuehcet, mv vhakan Anyuvl Kanfelvns oreko munken em vyoposketv etetakuece taye etektvnke esfvcken ocvren emvkvres. Momen ohvtlakat heyv Kvmetet Kanfelvns nvkaftvlke hvnken mellvkvres, Kanfelvns nvkaft-

tof, Mekusvpkv-cuko en vhakv em vnicvt hueret, fvcceckv kvmete ehomvn mv vnr-  
pe opunvyehocan vnrvpuecvren.

¶ 266. *Vyo.* 3. Pesvp vrekon omat, Nv-  
kaftecvt ohkerretv Kvmete em Ohliketv  
Ohlikv tares, momen erkenvkv vnr-  
pe opunvyehocan ohkerretv kvmete vpokat  
vtekat omof, svketvlet nanvke momehocat  
omvlkv, opunvkv es vnrvpkv tis, akerrvl-  
ke em ohkerkueckv tis, kvmete en fvcce-  
kv tis omvlkvn esfvcken hoccihcet, emet  
Ohliketv Ohlikv tepakat e hocafhokvn  
vlumhicahken, Ohliketv Ohlikvt heyv co-  
kvn Anyuyl Kanfelvns emhoyvren hayv-  
res. Momen Anyuyl Kanfelvns fvcceca-  
ken, heyv cokv, momen akerkueckv etv  
eshechoye tayat etehoyvnen nake fvcceho-  
cvren esfvcken es em fvccehocvres, kvmete  
etv melhoyekon.

Momis ohkerretv kvmetet, mv este em  
fvccehocekare tetayes komakis, Kanfelvns  
mvrahken komen omat, kvmete etv esto-  
mvket omen vpohet, leptokvn Kanfelvns  
emvkvren mellvkvre em etektvnet omes.

¶ 267. *Vyo.* 4. Akerrvlke fvcceckv oh  
vpeyetvn vkvsvmepuehoceko tayen omat,

Nvkaftecvt erkenvkv nanvke ohkerkueca-  
kat hoccihocan heckuecvren mellvres, mo-  
met vnrype opunvyehocan em onayvres,  
vnrype opunvyecakan vhericet vpohvren  
ohkerkueckv hiyomen heckuehocat fvccec-  
kv kvmete ehomvn wvkehocvres, ohhvvy-  
yickvn.

¶ 268. *Vyo.* 5. Erkenvkv vnrype opu-  
nvyehocat Erkenvkv Nvkaftecvt on omat,  
erkenvkv tvlemvlke tutcene estomis, mon-  
kat tekvnvlke tutcene estomis mv ohfve-  
cvn vpohvke tayes, momet momvranat tvl-  
kuses komaken omat, Pesvp en kerkuecv-  
kvres, momen mvt mv Anyuvl Kanfelvns  
vnrvpuehocat elev huerat asossen Nvkaf-  
tecvlke tutcenen, monkat sensulkis, kvme-  
ten hayvres, vnrype opunvyeckv ohfvccvn  
vhericet vpohkvren. Vpohkv hahoyof,  
mv Pesvp ohliketvn ohlikvres, monkat emet  
ohlikekon omat, emet meliyen, erkenvkv  
tvlemvlke hvmet ohliketvn ohlikvres; mo-  
men em fvccehocvranat tvlkes kvmetet ko-  
maken omat, Anyuvl Kanfelvns vwole ma-  
hat vteken erkenvketvn em fekhonnihocv-  
res.

¶ 269. *Vyo.* 6. Erkenvkv vnrvpuehocat



ohvpohkvn em vkvsvmekon omat, mvt em mvttet ome witvten kerkuecet os, komhoyvres, momen erkenvketvn fekhonnihoce taves. Momen momof tis Anyuyl Kanfelvns mv omvlkvn vhericet vketecet, esfvcken fvccecvkvres.

¶ 270. *Vyo.* 7. Erkenvkv vnrype opunvyeckv Anyuyl Kanfelvns vpokof ehomvn kerkuehocen omat, Ohliketv Ohlikvt erkenvkv tvlemvlke tutcenen kvmeten meliyen, enhvteceskvn mv kvmeten em wvkehocvres, ohvketecvkvren, momen mvt fvcceckv ocvranaat tvlkuses komaken omat, monkat monkon omat, Anyuyl Kanfelvns en kerkuecvkvres. Estomen kvmetet vkerriakat Kanfelvns mvrakhen komaken omat, kvmete mucvsat melhoyvkvres, heyv nanvke ohfvcev vpohvkvren, momen en lepotkv take espoket omvres.

¶ 271. *Vyo.* 8. Ohkerretv kvmetet, nake ohfvcecvkvranan kerkuecet, nanvke vnrvpkvn etelilvken vlumhihcet, momvre here tetayat vevkvyen cokvn etetakuehcet, emetake asossen hvnken vhakv em vnicvn mellvkvres.

¶ 272. *Vyo.* 9. Nake ohfvcehocvrane

vtekat kvmeten em wvkehocvres, momen mv kvmete em vhonkvtkv ostvpakat orvres, momet palen tutcenohkakak hoynvnekares. Mvt Pesvp ehomvn, monkat Ohliketv Ohlikv Kanfelvns em Ohliketv Ohlikvt mellat momen Kanfelvns en svketvle hvmke, monkat mv sensulkat ehomv fvccectv yekcetv esfvcken ocvkvres; momen em fvcceckvt mv naken emeyuksicvres, erkenvkv vnrype opunvyehocat Anyuvl Kanfelvns vpikat ohhuehketv em etektvnke ocat elevn ohhuehkeko vtekat: momis heyv vke-tehocvres; erkenvkv vnrvphoyat, kvmete vtehkak ostvpaket on omat, mv asossen tutcene ohfvccvn, "Mvn cv yacekos," make-tv em etektvnket omen, monkat palen tutcenohkakak vtehken omat, cahkepen vnrvpuecetv em etektvnke tares: momen nake ohfvceckv mvnvttece tayat oces, vnrype opunvyehocat komet o vtekat vnrvpuecetv em etektvnke tares, momen momen okhoyes kvmete em ohliketv ohlikvt komen omat, makvres. Momen mv kvmetet eshoccen lepotkv Kanfelvns emvres, momet mv ohfvccv em vtotketv, momen em fvcceckv omvlkv eskerkv svketvlen emvres.

*Vpo.* 3. Cvpvkketv, opunvkv hervkeko momen nanvke momecetv hervkekat kv-wvpkaken omat, naken estomehocvre te?

¶ 273. *Vyo.* Este momēn naorkan erkenvkv em wiketv ofv semvculat em vsehvres. Vhokkolvn momēn naorken omat, erkenvkv hvmke, hokkole, monkat tutce-net akerrvllket svpvklvren enhuehokvres. Momof, wikepuehocekon omat, Anyuvl Kanfelvns ehomvn en naorketvn kerkuehocvres, momen etvlwv em vhakv kackv ohfvccv omēn em vfvshotvres.

*Vpo.* 4. Mv erkenvkvlike mvhakov pum Mekusvpkv-cuko em mvhakov vnrype oakan vkvsamet, ehken monkat tvlemen estemvhayaken omat, naken estomehocvkv-rana?

¶ 274. *Vyo.* Vhakv kackv ohfvccv etvpomen em momehocvkekvs. Momis mv erkenvkv momēn naorkat efeke mehenwvten temfaccet, Mv mvhakov mehenwvkekan ehken monkat tvlemen sestemvhayvkares, maken omat, Anyuvl Kanfelvns hvmkat oren em etektvkvres, momen momof mv naken ehomvn kerkuehohcen, mvt fvceccvkvres.

*Vpo.* 5. Erkenkv tvleme hvmke estet opunvyecet, “Heyv erkenkv em wiketv ohvtvlaken hueretv heretv orekos, em vretv estafvcececko tayekv,” monkat, “Em vtotketv heren vfvstekot omekv,” monkat, “Mekusapv mehenwe omekot aret omekv,” makaken omat, naken estomehocvrana?

¶ 275. *Vyo.* 1. Mv Kanfelvns elec v huerat mv naken ohvketecvkvres, momen momen okhoyes komaken omat, momen mv erkenkvkvt Kanfelvns etemfaccet, “Sv-momusen vm wiketvn vfvstares,” makekot, monkat, “Vm wiketvn wikares,” makekon omat, Kanfelvns, emet em vkvsvmeko estomis, em wiketvn em fekhonnicetv yekcetvn ocvkvres.

¶ 276. *Vyo.* 2. Kanfelvns ehomvn e emvnicetv yekcetvn ocvres, eme mahusat, monkat este etvt vyoposket opunayen; momet vpvkekot, momen, “Ece’nrvpn Kanfelvns ehomvn ec opunvyehocvrane,” estimvt em onayekon, em wiketvn em fekhonnihocvten omat, Kanfelvns hvmke orof mvn ohhuehketv em etektvnke tares, e em vnickvn pohvkvren, momen mv vrahkvn

vnrype opunvyeckvn esvhokkolvn ohvke-  
tehocvres.

*Vpo.* 6. Erkenvkv mv vtotketv em mel-  
hoyvte vfvstetv komvronkot on omat, na-  
ken estomehocvre te?

¶ 277. *Vyo.* Pesvp vtotketv em mellv-  
tet, monkat mv vtotketv ohvfaste likat,  
vtotketv etv vfvstvre em etektvnecekon  
omat, em wiketv em fekhonnihoce tayas,  
momen erkenvketv tis em vsehohe tayas:  
momen Anyuvl Kanfelvns vwole mahat nak  
hiyomakat omvlkvvn espoken fvccecvkvres.

¶ 278. Heyv nanvke fvcceckv monkat  
ohfvcceckv ohfvccv opunvyeceyat omvlkv  
ofv Kanfelvns hvlwe mahat, Cenelvl Kan-  
felvns hocefkat, estet ohhuehkvre em etek-  
tvnkvres, mv este ohfvcehocat ohfvceho-  
ce omof, monkat Kanfelvns mvn em ona-  
yof, ohhuehkvranat Kanfelvns em Ohlike-  
tv Ohlikv monkat en Svketvlen en kerkue-  
cen omat.

---

### TEKVPVKE III.

ERKENVKV OHVKETECKV VRAHKV ACEYIHO-  
CVTE EM FVCCECKV.

*Vpo.* Erkenvkv ohvketeckv vrahkv ace-

yihocvte ohfvccv, Vhaky kacvt os, mahoken omat, naken estomehocvre te?

¶ 279. *Vyo.* Mv Kwatvle Kanfelvns em ecvpofv enake ocat ehomvn e ohkerkuecvres. Nvkaftecvt kvmete mv nake ohvke-tecvkvren mellvres, momen teseplen em mvhaky erkenvkv fekhonnv momēn vnrvpe opunvyehocat ohfvccv ocahat vcvkvye etvpomen mv erkenvkv em fvccehocvres.

---

#### TEKVPVKE IV.

##### ERKENVKV FEKHONNV EM FVCCECKV.

*Vpo.* 1. Erkenvkv fekhonnv em vretv ohfvccv estimvn e ohkerkuecvre te?

¶ 280. *Vyo.* Kwatvle Kanfelvns em e ohkerkuecvres, momen mv Kanfelvns em fvccectv, em vtotketv em vfekhonnicetv monkat ossicetv yekcetvn ocvkvres.

*Vpo.* 2. Erkenvkv fekhonnv ohfvccv, Vhaky kacvt os, makat es vnrvphoyen omat, naken estomehocvre te?

¶ 281. *Vyo.* 1. Erkenvkv fekhonnv, Vhaky kacvt os, makat es vnrvphoyen omat, monkat cokv esvnrvpkv Ohkalv mekusapv hvnke e hocekv vlicvtet ocen omat, kvn-

tvckv erkenvkv erkenvkv fekhonnv tutce-  
 nen kvmeten hayvres, momet erkenvkv fek-  
 honnviken eshechoyeko tayen omat, pum  
 mekusvpkv-cuko vtehkvlke tutcenen mel-  
 lvres, mv vnrpve opunvyeckv, monkat cokv  
 esvnrvpkv ohvketecvkvren. Ohvketeckv  
 hoyanof, kvmetet, Mv este em fvccehocv-  
 ranat tvlkuses, komaken omat, nak hocce  
 momvre here tetaye nak holwvhoke mome-  
 cvte etelilvke kerkuece, momet estomyke  
 mahuse naorkvten etelilvke kerkuecan ete-  
 takuehcet, erkenvkv fekhonnv monkat Oh-  
 kalv mekusapv hvmke, pun Teseplen em  
 vhakv em vnicv hueret, Kwatvle Kanfel-  
 lvns hvmke orof, mv ehomvn mv nake  
 vfvstvren mellvres. Momen fvcceckv ore-  
 ko munken, mv este vnrpve opunvyehocat  
 cokv esvnrvpkv vhahoyvten emhoyvres,  
 em etektvnkusen e emvnickv etetakucev-  
 ren.

¶ 282. *Vyo.* 2. Ohkerretv kvmetet er-  
 kenvkv em ohvketehocvte vtekat ohfvccvn  
 Kwatvle Kanfelvns ehomvn lepotkv ha-  
 yvkvres; momen mv Kanfelvns mvrahken  
 em vkerrickvn hayaken omat, kvmete mu-  
 cvsemelhoyvres nanvke momehocvte ohfvc-

cvn vpohhet, lepotkv hayvkvren, momen en lepotkv taket espoke tares.

¶ 283. *Vyo.* 3. Nvkaftecvt monkat kvntvckv erkenvkv mv erkenvkv fekhonnvn em onayet, Cokv esvnrpvkv nakholwvhoke momecetskvte etelilvken kerkuecat ece'nrvpen eshechovytes, en kerkuecten omat, mv vteken Kwatvle Kanfelvns nvkaftat oren, momen mv Kanfelvns mv nake em fvcevekeko vtekat, em wicketv vfvstetvn em etektvnehocekares.

¶ 284. *Vyo.* 4. Akerrvlke fvceckv ohvpeyetvn vkvsvmepuehoceko tayen omat, kvntvckv erkenvkv pum Mekusvpkv-cuko vtehkvlike hvnke hoporrenen mellvres, nanvke ohkerkuecat escoken heckuecvren, ¶ 267 mvhayat vevkvyen.

¶ 285. *Vyo.* 5. Em fvceckv vlicehocvranof, Kwatvle Kanfelvns em Ohliketv Ohlikvt svketvlen mellvres, nanvke mv vnrpvkv ohhvyvyicvke tayat omvlkv, momen fvceckv ofv nanvke momehocat omvlkv etelilvken vlumhicvranat. Heyv lepotkv Kanfelvns ehomvn ohonahoyen, fvcevt's, makaken omat, ohliketv ohlikvt momen Kanfelvns vtehkvlike vpoke omvlkv, mon-



kat sulke mahat, e hocefhokvn vlumhicvres, momen Kanfelvns em fvcceekvn ohliketv ohlikvt opunayvres.

*Vpo.* 3. Cvpvkketv, opunvkv hervkeko momen nanvke momecetv hervkekat kvvvpkaken omat, naken estomehocvre te?

¶ 286. *Vyo.* Mv este momēn naorkvten kvntvckv erkenvkv em vsehvres, momen vhokkolvn momēn naorken omat, erkenvkv en hesse heromvke hvmke, hokkole monkat tutcenet akerrvlke taren evpvyvkvres, (hvtvm em vsehvrant ayof.) Momof wikeko tayen omat, vhakv kacv omēn em momehocvres; momen ohfvecehohcen, em vkerrickv eticekon omat, Mekusvpkv-cukon ossihocvres.

*Vpo.* 4. Mv erkenvkv fekhonnlke mvhakv pum Mekusvpkv-cuko em vhakv vnrvpe ocakan vkvsamet, ehken monkat tvlemen estemvhayaken omat, naken em momehocvre te?

¶ 287. *Vyo.* Vhakv kackv ohfvccv etvpomen em momehocekv. (Hecvs ¶ 281.)

*Vpo.* 5. Erkenvkv fekhonnv monkat tekv hvmke estet opunvyecet, "Mv erkenvkv em wiketv ohvtvlaken hueretv heretv

orekos, em vretv estafvcececko tayekv," monkat, "Em vtotketv heren vfvstekot omekv," makaken, momen mvt omecicen Kanfelvns em vretv erkenvkv vrvre here tetayat orēs, makvkeko tayen omat, naken estomehocvre te?

¶ 288. *Vyo.* Kwatvle Kanfelvns em vwole mahat mv naken ohvketecvkvres, momen momen okhoyes komaken omat, momen mv erkenvkvt Kanfelvns etemfacet, "Svmomusen vm wiketvn vfvstares," makekot, monkat, "Vm wiketvn wikares," makekon omat, erkenvkvtv ossicetv yekcetvn Kanfelvns ocvkvres. Kanfelvns ehomvn e emvnicetv em etektvkvres, eme mahusat, monkat este etvt vyoposket opunayen. Heyvn momehocen omat, Kanfelvns em ohliketv ohlikvt ¶ 285 mvhayat vevkv-yen momecvres.

¶ 289. Heyv nanvke fvcceckv monkat ohfvceckv ohfvcev opunvyeceyat omvkv ofv Anyuvl Kanfelvns hvnke orof este ohfvcehocat mv ohhuehkvre em etektvkvres, ohfvcechoce omof, monkat Kanfelvns mvn em onayof, ohhuehkvranat kerkuecen omat.

## TEKVPVKE V.

MEKUSVPKV-CUKO VPIKV EM FVCCECKV.

*Vpo.* 1. Mekusvpkv-cuko vpikv ohfvccv, "Vhakov kacvt os," mahoken omat, naken estomehocvre te?

¶ 290. *Vyo.* 1. "Pum Mekusvpkv-cuko vpikv hvmket vhakov kackvn momecvtet os," maket, estet vnrpve opunvyecen omat, monkat vpikv etvt cokv esvnrpkn hoc-cihcet, e hoccfkn vlicvten omat, kvntvekv erkenkvvt pum Mekusvpkv-cuko vteh-kvlke hoporrenvke tutcenen kvmeten mel-lvres, mv esvnrpkv ohvketecvkvren. Mvt ohvketecahkof, Em fvccehocvranat tvlku-ses, komaken omat, nak hocce momvre here etetaye, nak holwvhoke omvlkv eteli-lvken kerkuiece, momet estomvke mahuse ñaorkvten etelilvke kerkuiecan etetakueho-cvren hayahket, mekusvpkv-cuko vpikv hvmke vhakov em vnicvt huervren mellv-kvres.

¶ 291. *Vyo.* 2. Heyv cokv esvnrpkv es yihocof, kvntvekv erkenkvvt vnrpve opunvyehocat em etohkvlketv mekusapvl-ke em vhonkvtkv cahkepat oren, monkat

sensulkis, palen tutcenohkakat hoyvnekon, kvmeten hayvres, momen mv kvmete ehomv huervre enhuehhokvres. Mv kvmetet mv nake fvccecetv yekcetvn esfvcken ocvkvres, momen sulke mahat ohfvceccaken omat, kvntvckv erkenvkvt, “Mekusvpkv-cuko vpikv en hueretvn huerekon oketvt hoyvnvres,” maket, monkat, “En huere-tvn ossihocet os,” makvres, kvmete fvcce-cakat vevkvyen.

¶ 292. *Vyo.* 3. Heyv fvcceckv oreko munken mv este vnrphoyat cokv esvnrpvkv vhakan emhoyvres, nak 'seemvnickv esfvcken etetakuece tayan em etektvnikovren; momen, “Nake ohfvceckv mavnvtece tayat oces,” komet o vtekat, vnrpvueckv em etektvniken, vnrpve opunvyeckv ohfvccv kvmete em 'pohetv em etektvnikovres; ohliketv ohlikvt, em fvccehoce taye ores, komen omat, makvres, momen este cahkepet kvmete vtehken omat, hokkole vnrpvuecetv em etektvniken, sensulket vtehken omat, mv em vhonkytkv vevkvyete etvwvt em etektvnikovres.

¶ 293. *Vyo.* 4. Kvntvckv erkenvkvt, mv fvcceckv ocof, ohliketvn ohlikvres,

momet mv nake ohfvccv etvlwv em vhakv vpohkv kvwvpkakat omvlkvn fvccecvres. Fvcceckv em vliceckv omof, svketvlen mellvres, momen mvt kvmete em vtotketv mv nake ohfvccv momen ohkerkueckv esyihocat omvlkv etelilvken hoccivres. Momen mv eskerkv cokv ohonahohyof, ohliketv ohlikvt svketvle tepakat ehocefhokvn vlumhicvkvres.

¶ 294. *Vyo.* 5. Fvcceckv oreko emunke en hofune tetayan este opunvyehocat fvcceckv ehomv huervranat en kerkuehocen, vlvkekon omat, ehomv huere etvpomen fvcceckv vyecihocvranet os. Meku-svpkv-cuko en lvpvtke svpaklat em ohkerkueckvn vhepvkhoyekares. Akerrvlke fvcceckv ohvpeyetvn vkvsvmepuehoceko tayen omat, kvntvckv erkenvkvvt pum Meku-svpkv-cuko vtehkvlke hvmke hoporrenen mellvres, nanvke ohkerkuecakat escoken heckuecvren, ¶ 267 mvhayat vcvkvyen.

*Vpo.* 2. Cvpvkketv, opunkv hervkeko momen nake momcetv hervkekat monkat pum Meku-svpkv-cuko seemfvyatkv teseplen tepakat vpohickv tokat kvwvpkaken omat, naken estomehocvre te?

¶ 295. *Vyo.* Kvntvckv erkenvkvt monkat evpayv etvt ehken em vsehekvs; momen em mvttat e ohkerkuecet, “Svmomen momecares,” kicet, temfaccen omat, ohfvcehocekot ayvre em etektvkvres, momis monkon omat, erkenvkvt en hesse hokkole monkat tutcenen evpvvres, momen mvt mv opunvyehocat em vkerrickv etievren vkvsvmepuecetv vcevllkvres; momis mvn em vpohiceko tayen omat, momet, Em vkerrickv etievranes, komhoyeko tayen omat, vhakv kacv omēn em vfvshotvres.

*Vpo.* 3. Pum Mekusvpkv-cuko vpikv hvmket mv vhakuce seemfvvvtkv ocakat vnrype mvhakv vwahecen omat, naken estomehocvre te?

¶ 296. *Vyo.* Pum Mekusvpkv-cuko vpi-kv hvmket mv em mvhakv monkat pun teseplen vnrvpen yekcen opunvyecet, pun sosiete ocakat hvmke ofvn etenrvpkv fokayetvn komen omat, enhvteceskvn kvntvckv erkenvkvt em vsehvres, momen mvn momecat emomecice munken omat, vhakv kackv ohfvccv omēn em vfvshotvres.

*Vpo.* 4. Mekusvpkv-cuko vtehkvlke opu-

nvkv setenrvpkv etenkvwvpkaken omat, naken estomehocvre te?

¶ 297. *Vyo.* 1. Nak est em vhuere ocvke witen omat, mv ohfvccv, monkat nanvke etv ohfvccv opunvkv setenrvpkv pum Mekusvpkv-cuko vtehkvlke etenkvwvpkaken omat, momen etenrapvlke eme mahusat em etenrvwv taken fvccecvkeko tayen omat, kvntvckv erkenvkv mv nake ohfvccvn vhericet vpohvres; momet mv etenrapvlken, Herkv-hayvlke kvmeten mvn em wikatskan heres, kicen, vnrapvt hvnken ensatken, vnrvphoyat hvnken ensatkvres, momen heyv hokkolat svtutcenan ensatkvkvres; heyv tutcenat pum Mekusvpkv-cuko vtehkvlket omen.

298. *Vyo.* 2. Momis mv etenrvpakat hvnket, "Mv fvcceckvn es vc afvcekekot os," komen omat, Kwatvle Kanfelvns hvnke orvranat ohhuechkvre em etektvnkvrres, svhokkolvn fvccehocvren em 'pohet: momen mv Kanfelvns, "Momvre heren fvcceckv svhokkolan pum 'pohet os," komen omat, ocvre em etektvnecvres: momen mon omat, etenrapvlke hvnket herkv-hayvlke hokkolen enhopoyen, hvnkateu hokkolen enhopoyen,

poyvres, momen mv ostat svcahkepan en-  
satskvkvres, momen heyv cahkepe sulke  
mahat fvececkv espokan emvkvres; momen  
etenrapvlke hvmet heyv fvececkv vcvk-  
vye momecetv vkvsvmekon omat, vhakv-  
kackv ohfvccvt o omen em momehocvres.

¶ 299. *Vyo. 3.* Est em vhuere monkat  
nake setenrvpkv etvt kvwvvpkaken omat,  
pum Mekusvvpkv-cuko vpikv hvmet, kvn-  
tvckv erkenvkv, “Etenherkepuecvlke mv  
nake fvececakan heres,” maket o estomis,  
“Mvn em wikkvares,” maken omat, mon-  
kat kvmete melhoyeko emunken etvlwv  
em vhakv ohhuehken omat, vhakv kacv  
omēn em vfvshotvres: momis nake en fve-  
cehocvranat etvlwv em vhakv elecvn vfv-  
shotvranat tvlkuses, komhoyen omat, mv  
ohhuehketv em etektvntket omvres.

¶ 300. Est en hueretv monkat em wi-  
ketv fekhonnickv monkat mv ossickv ocv-  
ke witen omat, omvlkv ofvn vnrype opu-  
nyehocat Kwatvle Kanfelvns orvranat oh-  
huehkvre em etektvntket omvres, kvntvckv  
erkenvkv ohhuehkvranat en kerkuecen  
omat, em fvececkv omof, monkat mv ho-



yanat oketv estomis est em wiketv etehoyvnen em ohfvceckv en kerkuehocof.

¶ 301. Erkenvkv tvleme monkat erkenvkv fekhonv estomet, ekvntvckv erkenvkv, "Mvn momecetskekaren cem 'po-his," kicen omis, mesvn, svket, monkat stesvn ofvn mekusvpkv nvkvftetvn ocen omat, "Nake momehocvre herekan momecet os," komhoyen, nake mv omakat ohfvcev momehocvres pum vhakvt makat vcvkvyen em momehocvres.

## SETENTVCKE VIII.

OHHUEHKETV.

## TEKVPVKE II.

ERKENVKV FEKHONNV KANFELVNS  
OHHUEHKAT.

¶ 307. Erkenvkv fekhonnvt Anyuvl Kanfelvns ohhuehkof, mv em Ohliketv Ohlikvt kvmete em vpohicvren mellvres: mv em vhonkvtkv ostvpaken orvres, momis palen tutcenohkaken hoyvnekares, momen mv kvmetet mv nake fvccecetv yekcetv esfvcken ocvres; momen em fvcceckvt mvn meyuksicvres.

¶ 308. Kwatvle Kanfelvns mv nake homvn fvccecvte vpikv hvmkis heyv kvmeten vpikekares.

¶ 309. Kwatvle Kanfelvns mv ofv fvcceckv ocvte eskerkv cokvt heyv kvmeten em wvkehocvres, momen mv tvlkuset ohkerkueckvt omvres, momen heyv kvmetet lepotkv cokv esfvcken hahyet, heyv lepotkv omvlkvn svketvlen emvres, fvcceckv espokat vpvken.

¶ 310. Ohhuehkat eme mahusat, monkat vyoposkv eteropotten, naket omeccien ohhuehkvttet, esfvcken kerkuecvre em etektvntket omvres; (mv vyoposkvtt Anyuvl Kanfelvns vpikv tares;) momen e emvnicet opunvkvcvpkuecof, estit mvnvttecvre em etektvntkekares. Mv hoyanof Kwatvle Kanfelvns homvn fvccecvte vyoposkvtt ohhuehkat ehomvn em vyoposkvre em etektvntiken, ohhuehkat em vyoposkvre em etektvntket omvres, momen mvt opunvkvcvpkueckvn hokkolvn em eyuksievres. Momof ohhuehkat Kwatvle Kanfelvns vyoposkv tepakat wolkvres, momen kvmetet fvccecvres.

¶ 311. Fvcceckv momen erkenvketv ossickv hiyomvke hoyanat, erkenvkv fekhonnv hvnkis, naorketv mv vrahkv ossihoevte efeke es en nokket, em vkerrickv mehenwvn etievte e heciceko vtekat, pum Mekusvpkv-cuko vpikv en hueretvn raceyihocckares; momis mv Kwatvle Kanfelvns ohfvccecvttet, "Em mvttekon ohfvcceceyvns," komepuehocen omat, em wiketv taten rafulecicetv yekcetvn ocvres.

## TEKVVPVKE III.

OHKALV EMEKUSAPV KANFELVNS  
OHHUEHKAT.

¶ 312. Pum Mekusvpkv-cuko vpikv es-tomis en hueretv em fekhonnihocen monkat mv aossihocvte Kwatvle Kanfelvns em vwole mahat ohhuehkvre em etektvnket omvres. Ohhuehke hoyanat kvntvckv erkenvkv em fvcceckv eskerkvn Kwatvle Kanfelvns em wikvres, momen mv eskerkv vcvkvy fvcceckv espokat omvres.

¶ 313. Fvcceckv kvmete vpikv hvmkis ohhuehketv ocat ohfvccvn enken kvwvpekares.

¶ 314. Ohhuehkat eme mahusat, monkat vyoposkv eteropotten naket omecicen ohhuehkv tet esfvcken kerkuecvre em etektvnket omvres; (mv vyoposkv tum Mekusvpkv-cuko vpikv tares;) momen, nvpvt emvnttecekon, e emvnicet opunvkv cvpkuecvre em etektvnkvres. Mv hoyanof kvmete ohfvcccvte vyoposkv lket ohhuehkat ehomvn em vyoposkv kvre em etektvnken, ohhuehkat em vyoposkvre em etektvnket omvres, momen mvt hokkolvn

opunvkvcvpkueckvn em eyuksicvres. Mof ohhuehkat momen kvmete vyoposke svpvklat sossvres, momen Kwatvle Kanfelvns vtehkvke sulke mahat mv naken espoken fvccecvkvres.

¶ 315. Fvcceckv momen en hueretv ossickv hoyanat pum Mekusvpkv-cuko vpikv hvmkis rafulecihocvre em etekvnkekares, naorketv mv vrahkv ossihocvte efeke es en nokket, em vkerrickv eticat eskerkv here etetayan heckueceko vtekat; momis mv Kwatvle Kanfelvns ohfvccecvte, Em myttekon ohfvcceceyvns, komepuehocen amat, en hueretvn rafulecihoce taves.

## SETENTVCKE IX.

ESTEMWIKETV COKV ESKERKV EST EM ESHOYAT,  
MOMEN EM FULECIHOCAT.

## TEKVPVKE I.

ESTEMWIKETV COKV ESKERKV ELTV TVLE-  
MVLKE MOMEN TEKVN TVLEMVLKE  
EMVKHOYAT.

¶ 316. Eltv tvleme monkat tekvn tvleme, em wiketv ossickv eteropotten monkat estometv etv eteropotten em wiketv cokv eskerkv em eshoyen omat, mv cokvn Anyuvl Kanfelvns mv erkenvkv vpikvte en cokv eskerkv vpvken herihocvres.

¶ 317. Mv renyupv oketv estomis, em myttekatet monkat em vkerrickv eticvtet eskerkv here etetayan mv Kanfelvns ehomvn heckuecen omat, momet mv Kwatvle Kanfelvns mv elec vsvket monkat stesvn mv erkenvkv like ocat emen, monkat mv Anyuvl Kanfelvns ohvketeckv vrahkv acyicvtet emen, mv Kanfelvns ossicvten em punaye, "Em wiketv ohfulecicanskan heres," maket cokvn emen omat, mv Kanfe-

lvns cokv em wiketv eskerkv pvlken emetv em etektvnet omvres.

---

TEKVPVKE II.

ESTEMWIKETV COKV ESKERKV ELTV FEK-  
HONNVLKE MOMEN TEKVN FEKHON-  
NVLKE EMVKHOYAT.

¶ 318. Eltv fekhonnv monkat tekvn fekhonnv cokv em wiketv eskerkv em es-  
hoyvranen omat, ossickv eteropotten mon-  
kat estometv etv eteropotten em esetvt Er-  
kenvkv Nvkaftecv em vtotketv tares, mo-  
met Anyuvl Kanfelvns mv erkenvkv fek-  
honnv likat en cokv eskerkv ocakat vpvken  
myn herievres.

¶ 319. Mv renyüpv oketv estomis mv  
erkenvkv fekhonnvt, cokv Kwatvle Kan-  
felvns em wiketv ohfulecievten kerkuece,  
momen mv em ohliketv-ohlikv svketvle  
tepakat e hocefhokv vlumhievten Anyuvl  
Kanfelvns em ohvyecicen omat, em wiketv  
cokv eskerkv ohfulecievre em etektvnet  
omvres.

## SETENTVCKE X.

ERKENVKVLKE ES EM FEKETV.

## TEKVPVKE I.

SVKET MONKAT STESVN EM ERKENVKV ES  
EM FEKETV.

¶ 320. Erkenvkv pum Mekusvpkv-cuko em mvhakv esemvpeyetv esyomat vcvkvyen en cvtokunawv es fehokvre vtekat, momehoce taye oren, em vhuerice nvcome taranan mv este em fekvkvranať fvccecvkvres, monkat vyoposkvn esten mellahken, mvt vyoposket vfvstvres.

¶ 321. Erkenvkv svket monkat stesvn vhecicakat em feketv ohrolope vrahkv momen erkenvketv ayat es em feketvn Stuvťvlke em Etohkvlketv em ecvpofv take ofv vpokat nvcome taranan fvccecvkvres, kvntvckv erkenvkv etemopunvyecvke hoyanať.

¶ 322. Stuvťvlket mv mekusvpkv-cuko vtehke svpvklat em etohkvlketv vlkan cvtokunawv fehokvranať nvcomet omen en kerkuecvkvres, momen ohvtvlakat tekvpv-



ke estome sosiete hvmke vlkat fekvre en nene hechovranet omen en kerkucevres. Mekusvpkv-cuko en Kanfelvns vtekat estomen cvtokunawv heckuecvkvranať fvececvke tayes. Mekusvpkv-cuko en Kanfelvns mvraken makvkekon omat, vpvltaket em vksvmaken, stuvtlket cvtokunawv heckueckv heyv ¶ 323 ofv onahoyan es vtotkvkvres.

¶ 323. Mekusvpkv-cuko vpikv vtekat, momece tayat vcvkvyen, erkenkvlke es em feketv vrahkvñ fekvre en nene hechoyet os; momen svket monkat stesvn en stuvtlket estofvn fehokvranať, nettvca-kuce vrahkv, monkat hvse, monkat hvse tutcenvtekat vrahkvñ, ohrolope eteropot-ten fehokvranať fvececvkvres. Momof mv mekusvpkv-cuko vtekvlke hvmke vlket nvcomen feke tayan eskerrkvres, cvtokunawv feketv stuvtlket mellakvte ofv; momen mekusvpkv-cuko vpikv estomis, “En sulke moman fekares,” maken omat, pu Pucase ohfvcevt o omēn momecet, fekvranat tvlkuses, momet mv enkvpvken enrecopkeko tayuses, stuvtlket, “Enrecopkvres,” makaken, monkat mv mekusvpkv-

cuko vtehkvlket nvkafte, enke kvwvpkv eteropotten, seokepkv herat omecicen, “Enrecopkvres,” makvkeko vtekat.

---

TEKVPVKE II.

ERKENVKV NVKAFTECVLKE ES EM FEKETV.

¶ 324. Erkenvkv Nvkaftecvlke es em feketv, momet Kanfelvns vpeyat em feketvn Kvntvekv en Stuvtlket nvcomet omvranan eskerret makvkvres.

## SETENTVCKE XII.

## COKV-KERRETV.

¶ 405. Vhaky I. Wvhvly Merotest Epeskopvl Mekusvpkv-cuko Cokv-kerretv Ohhecvlke em Etohkvketyt ocvres. Vtehkvlyke palen cahkepohkat Cokv-kerretv Kymetet e hocefhokvn asvvpklecaken, ohrolope ostomvlkvn Cenelvl Kanfelvns etemvrkv eteropotten epoyepicvkvres. Estofvt o estomis Nvkastety omof, vtehkvlke kolvpaket fullen omat, “kwolvme” tares. Kanfelvns em etenrvwv take omof etektvnke ocake witen omat, Cokv-kerretv Etohkvketyt fvcfivkvres, momen vpikv monkat vtehkvlke momēn mellvkhoyvtet Kanfelvns hvnke orat em eyuksv vteken em wiketyv vfvstvkvres. Vpikv estomet Wvhvly Merotest Epeskopvl Mekusvpkv-cuko vpikv huervtet wiken omat, mv vpa-ken Cokv-kerretv Etohkvketyv vpikvt omv-  
tet esyukpokvres.

¶ 408. Vhaky IV. Heyv Cokv-kerretv

Etohkvlketv̄t mellvkhoyvte hoyanat en lvp-ke estomusen nvkaftvke tayen omat, vpikv enhvteceskv melhoyvtet huehkan nvkaftvkvres, momet Ohliketv ohlikv, Ohliketv ohlikv Emvnicv, em vtotketv Eskerkuecv Cytokunapvfastv esyomen em vhonkvtkv asossen enhopoyvkvres, momen heyv em wicketv svpvklat omvlkv̄t vtotketv em wicketv mv omakat vfvstakan momecvkvres.

¶ 409. Vhkv V. Ohvtvlakat, Svketvle Cokv Estemvyoposkv̄t ocvres, momet Cokv-kerretv Svketetelet herket omvres. Cenelvl Kanfelvns hocefkv hoccickv setemvrkv eteropotten heyv svketvlen mellvkvres, em wicketv ohrolope osten huervranat; elkv monkat nake etv omecicen etektvnket oce witen omat, Cokv-kerretv Etohkvlketv̄t Cenelvl Kanfelvns en nvkvftetv hvmke orat vteken mv etektvnken fvceevke tayes.

. . . . .

¶ 411. Vhkv VII. Anyuyl Kanfelvns ocakat en Cokv-kerretv Etohkvlketv̄t taket Etohkvlketv Enhomahtvn emvnicvt omvkvres, momet ohrolope vrahkv leptkv̄n en hayvkvres; momet vtotketv Anyuyl

Kanfelnvns mv eleciv svpaklat ofv ocan vrahkusen vfvstvkvres.

¶ 412. Vhaky VIII. Anyuvl Kanfelnvns vtekat cokv-kerretv ohfvccv cvtokunawv heckvranat eskerkuecvkvres, momen heyv cvtokunawvn em ecvpofv take em etekvpihocvres, Kanfelnvns cvtokunawv heckvre eskerkuecakat etv etvpomen; momet mv Kanfelnvns cvtokunawv awiyyat cokv-kerretv estoman vfvstvke tayes, komen omat, mv vrahkvn vfvstvres, momis cvtokunawv emakat, estomen mv cvtokunawvn yvmahkuehocvres, maketv yekcetvn ocvkvres. Cvtokunawv Cokv-kerretv Etohkvkety Enhomahtv ohfvccv heckvranat eskerkuehocat, (¶ 413, Vhaky IX.) cvtokunawv Kanfelnvns vtekat cokv-kerretv ohfvccv eskerkuecvte vpvkē tares, momen cvto-kunawv vtelofoyvtet Kanfelnvns vtekat eme cvpofv en rakke vevkvyen etekvpihocvres.

¶ 413. Vhaky IX. Etohkvkety Enhomahtv eme mahusat en nakvfvstetv em fvyvtetv yekcetvn ocvres; ohrolope vrahkvn em vtotketv take ohfvccvn cvtokunawv em vhonkvtkv \$10,000 senhoyvnekon eskerkuecet matan Kanfelnvns ocakat em etekv-

pievkvres, Mekusvpkv-cuko Ohvtvlvyetv Etokvlketv eskerkv en likv hayvte vevkvyen; Svketye Cokv Estemvyoposkv em feketvn meliyet fekvkvres, \$2,500 senhoyvnekon; em vtotketv vrahkv cvtokunawv yvmahkueckv cahmelikv es feketvn cvtokunawv fvyecicakvres; cokv-heckv, cokv-kerretv vtotketv, monkat este estomakat vnickvn en heckvkvrana, momen nvcome vlket en heckvke tayat, momen estometv estomakat elecvn en heckvke tayan fvccecvkvres, cuko ocvke witat vrahkv cvtokunawv fvyecickv estomen hahoyekares, mv esvrahkusen cvtokunawv emhoyvte asossat tvlkusen fvyecihocvres; ohvtvlakat heyvn vke-tehocvres; heyv Etokvlketvt emvniekvren eyacakat omvlkv ohfvccv Cokv-kerretv Etokvlketv Anyuvl Kanfelvns mv elecvcocat, Emvnihocvre heres, makvkvres; momen mesvnele haketvn e etetakuecet on omat, Mesvnelvlke vrahkv Etokvlketvt, "Emvnihocvre heres," makakat tvlkusen vnihocvres, momen estomat tawvt em etektvnke tayan omat, hiyomen emhoyvres; (1) Cokv-hecvlke mesvnele haketvn eyacakat. (2) Cokv-hecvlke etv mvnvcke hakvres

komhoye tayat, cokv-hecvlke enkusvpkakat, pum erkenvkv tvlemvlke en hopueta-ke vculkv oricekat mahvkvu.

¶ 414. Vhaky X. Cokv-kerretv Etoh-kvlketv Enhomahtvt em vtotketv vrahkv omvlkv eskerkvn vteloykvres, momet cokv lopucke momen cokv etv cokv-kerretv mekusvpkv es em fvyvtke ocakat heren vyecievke tayan etetakuecet hayet, momet vwahecvkvres, momet pum vtotketv Este Lvste Merotest Epeskopvl Mekusvpkv-cuko Wvcenv Ekvnv ofv ocat omvlkv em fvyvtkvn ocvkvres. Momet em wiketv, em vtehkvlke monkat vyoposke vtotkvlke eteropotten cokv-mvhakv vrahkv cvtokunawv ohhontv estofis heckvranan ohvtlv-yetvn vcevllykvres, momet etv estome cokv-mvhakv hiyome ocakat yekcvkuecetvn vcevllykvres, pum Mekusvpkv-cuko nakkerretv ohfvccv nak kometv omvlkv vrvhecat vcvkvyen, momet etemvtotkvkvre hayetvn, momet estvmv cokv-mvhakv mucvysakat hoporrenkv vpvken vliceet vpeyecievke tayan omat, mvn momecetvn vcevllykvres; momis mvn momecakat, heyv Etoh-kvlketv vhuere estomis hocacet, monkat e ohwvkecvkekares, mv vrahkv esfvstvke taye mv em etetayan enke take ofv ocvkekon omat.

## SETENTVCKE XIII.

NAKČOKV HAHICKV CUKO ENHOMAHTVT.

HOCEFKV VFASTVLKE, EM VHECKV TEPAKAT.

¶ 417. Nakčokv haye momen tvlemicetv vrahkvn Tenese Ekvntvckv, Nasfel tvlofv ofv cuko raket ocvres, momen e hocefkv “Wvhvly Merotest Epeskopvl Mekusvpkv-cuko en Nakčokv Hahickv Cuko” tares, momen mv Cuko Nakčokv Hahickv Vfastv Enhomahtv, Nakčokv Hahickv Vfastv Enhomahtv em Vnicv, Kvmete esyomat em fvyatkv elecvn ocvres. Momen heyv Vfastvlke hokkolat Wvhvly Merotest Epeskopvl Mekusvpkv-cuko en nakčokv hahickv Vfastvlken kihocvkvres, momen mv Kvmetet en Nakčokv Kvmeten kihocvres; momen heyv omvlkvn Cenelvi Kanfelvns etemvrkv eteropotten enhopoyvkvres. Momis heyv Nakčokv Kvmete Vtehkvlken kvmete este ostvpakat vtehkat e hocefhokvn svpvklecen, heyv ostvpakan Ohliketv ohlikvt mellvres.

¶ 418. Vtotketv heyv cuko rakke ofv ocat em vheckv hiyome tares; mekusvpkv ohfvcev kerretv momen nakkerretv sevnicvke taye estomis, cokv, cokv lopucke, cokv-tvleme hahoyat ofv ocat eteropctten Klist em vtotketv vycickvt omvres.



## SETENTVCKE XIV.

MEKUSVPKV-CUKO MOMEN PUM MEKUSVPKV-CUKO  
ENAKE OCAKAT.

## TEKVPVKE I.

MEKUSVPKV-CUKO HAYETV.

*Vyo.* Mekusvpkv nvkvftetv cuko haye-  
tv ohfvcev, momen pum erkenvketv-cuko,  
pum erkenvkv-hute ocakat, momen nake  
etv pum Mekusvpkv-cuko enanvke esyo-  
mat vcahueckv vrahkvn naken estomeho-  
cvrana?

¶ 443. *Vyo.* 1. Mekusvpkv-cuko omvl-  
kvt nehioevkekot, heraket omkvres, mo-  
men, momehoce tayat vevkvyen, ohliketv  
oh fehokvkekot omkvres.

¶ 444. *Vyo.* 2. Pum estet nvcome fe-  
kvke tayat sensulken em vhuericvkekare  
vrahkv hiyomet omvres. Estvmv esto-  
mis estet mekusvpkv-cuko hvnke monkat  
sensulkis hayetvn komaken omat, Kwatvle  
Kanfelvns mv Ekvntvckv monkat Stesvn  
ohvfastat ekvny mv mekusvpkv-cuko oh  
huervranan pum Mekusvpkv-cuko em ena-

kuecvres, pum Mekusvpkv-cuko em vhakv, momen etvlwv em vhakv vcvkvyen; momet ohvtvlakat mv Kwatvle Kanfelvns pum Mekusvpkv-cuko vtehkvlke hoporre-nvke tutceenen monkat sen sulkis kvmeten hayvkvres; momen mv kvmetet mv mekusvpkv-cuko hahoyvre vrahkv cvtokunawv nvcomen ocvranan eskeriyet, kerkucevkvres. Momen cvtokunawv en sulke momat tetayes makakvten omat, mv cvtokunawv tekvpakvke ostat tutceenen fehokvranat tvlkuset os, mekusvpkv-cuko hayetv vlicehoceko emunken. *Momis heyvn vketehocvres*; Kwatvle Kanfelvns, Mv mekusvpkv-cuko hahoyvre etektvnket os, makeko vtekat mekusvpkv-cuko hahoye sekares.

¶ 445. *Vyo.* 3. Estofvt o estomis, estet heyv mvhakvn vcayecekot, mekusvpkv-cuko hayetv vrahkvn e vhuericaken omat, pum Mekusvpkv-cuko vtehkvlke pun hesvlke esyoman heyvn em 'poheyet os: estimvt heyv vhuerat ohfvccvn em ecvpofv monkat Ekvntvckv en lvpvtken vpeyet, vnickvn est em 'pohaken omat, Mv ohfvccvn vnickvn estemēko tayas, maket, vhuere mv omakan mvnvttecatskvres; momis An-

yuvl Kanfelvns, “Mv emvnicatskan heres,” maken omat, emvnicatske taves.

---

TEKVPVKE II.

ERKENVKVLKE E HUTETAKE HAYETV.

*Vyo.* Erkenkv tvlemvlke ehiwv ocakat e hute en hahicetv ohfveev mvhkv estomvken pu'mhoye te?

¶ 446. *Vyo.* 1. Pun hessvlke estit o estomis, “Heyvt heret os,” kievkeyet os: ekvuv est e hute em etetayan nehset, mvn erkenkv en cukon oh huericet, hayetv heret os; momen mv cuko ofv topv, totkv-hute, ohhompetyv momen mv omakan heckuecetv heret os. Momof ohhecvlke Kwatyle Kanfelvns mellakvten ohrvkpvlyovres, cokv mv cuko enaketaket omat eskerkvv emhoyen, pum Mekusvpkv-cuko em vhkv mv ohfveev ocat vevkvyen.

¶ 447. *Vyo.* 2. Heyv nake ohfveev Nvkaftcevlke erkenkvvlke vpvlywv esyomat em vtotketv hiyomet omvres; heyv mvhkv erkenkvvlke e hutvlke esyomat cuko en hahihocvre ohfveev ocakan em vpohihocvren vtotkvkvres. Momen heyv vrahkvv,

nanvke etvn momehocekaten omat, Kwa-  
tvle Kanfelvns vtekat kvmeten mellvres,  
momen mv kvmetet, Nvkaftecvlke erkenv-  
kvke vpvlvv esyomat emvnicaken, heyv  
ohfvccv cvtokunawv heckueckvn nake mo-  
mvkvre here tetayes komakat kerkuecv-  
kvres. Momen Anyuvl Kanfelvns meku-  
svpkv-cuko vtekvklen hericet vpohakan  
heres, heyv nake ohfvccvn em vtotketvn  
momecakvten omat, makeyet os.

## SETENTVCKE XVI.

MEKUSVPKV-CUKO SEMVPEYETV VEVSTETV,  
LETYUUVL KIHOCAT.

## TEKVPVKE I.

¶ 467. PUCASE EN HOMPETV VEVSTETV.

Eltvt heyv maketv Cokv-Rakko asossat hvmken, monkat sensulkis, ohonayvres, momen ohonaye munkof, este-merrakat vrakkn evtokunawv vtelokv lahoyvres.

Mv omēt cen hvyayvke take este ehomvn hvyayvkekvs, cem vtotketv herakan hecet, Ce'rke take hvlwe likan vrakkuecvkvren. Maro 5: 16.

Yvmv ekvvv, sukehtv momet nake vhopanat yvmahken, horkopvlke vhopanet ropottet esohceyeyet horkopakan nakockv e en herihcetskvs.

Momis cen nakockv hvlwe min, sukentv momet nake vhopanat yvmahkekon, momen horkopvlke vhopanet ropottet esohceyeyet horkopvkekan, e en hericet omvkes. Maro 6: 19, 20.

Monkv nake omvlkv estet cem momecvkvre komatskat, cemeu matvpomusen em momecvks: heyvt vhakv momen owalvlket omekv. Maro 7: 12.

Pucasē, Pucasē, cv kicakat vtekat hvlwe em ohmekketv ceyvranet omekos; momis Cv'rke hvlwe likat komate momecat *tolket*. Maro 7: 21.

Sakevs hueret, Pucasen em punayet, He-cvs, Pucasē, nake ocvyat en nvrkvpvn este-merrakaten emvyet os; momet este estomen oh laksit naken vkonahvyvten omat, osten ohfulhuecis, makvtes. Luk 19: 8.

Estit encake omēt fokayat encake ome tat vteloyvres; momen estit encakeko omēt fokayat sulken vteloyvres.

Este vtekat e feke ofv vkerricat vcvkv-yen *estemekvs*; e feke en nokkicekon, momet ohyekcihocekon, Hesaketvmeset es afvcke esteman vnokecekv. Kvl. II. 9: 6, 7.

Monkv, pum etektvnkof, omvlkvn heran em momecvkeres, momet vkvsvmkv en cu-ko-vtehkvlke mahvkvu. Kel. 6: 10.

Momis vkvsvmkv emahlvptketv vpakat nake epoyetv rakke tes;

*Hiyomet* omekv, yvmv ekvnnv naken es-ceyēkates, *momet* mehenwvn naken esossē-ko taves. Tem. I. 6: 6, 7.

Yvmv ekvnnv ohfvcev nake-ocvlken em punayet, Vkerrickvn es hvlhvwecekot,

nake ockv sumke tokon, momis Hesaketv-  
mese wenake, mv esfvcken es afvckeyvren  
nanvke omvlkv pu'man enhonret,

Heren momecet, vtotketv herakat ofvn  
nake ocvket, *nake* enkvpicetv metetaket,  
*nake* etekvpicvketv vkvsamuset omvkes;

Oketv vlvkvranať vrahkvn enlikv heran  
hericet, hesaketv yuksv-sekon hvlvtatskv-  
ren, *maket*, yekcen kicvkvs. Tem. I. 6:  
17-19.

*Hiyomet* omekv, mekusapvlke em vtot-  
katskvten, momet *hiyome* em vtotkatskat,  
cem vtotketv taken, momet vnokeckv vtot-  
ketvn e hoccfkv vrahkvn heckuecatskvten  
ehose tayat Hesaketvmeset fvccekot ome-  
kot os. Hep. 6: 10.

Momis est en lopickv momen est en kv-  
pickvn ce hohsvkates, nak emkv mv oma-  
kan Hesaketvmeset es afackuset omekv.  
Heb. 13: 16.

Momis estimvt yvmv ekvnv enake heran  
ocet, etecakvtet enkusvpket on hecis,  
envcofv *em vnokeckvn* em vkhotten omat,  
estomet Hesaketvmese vnokeckvt vpikē  
haks? Cane I. 3: 17.

Este estemerrusan vkerricat en heret os:

en holwake omof Cehofvt hesayecvres. Ps. 41: 1.

Estimvt estemerrakan em merrat Cehofvn *nak* em palet os, momen mv nake eman pvlken em fekvres. Plaf. 19: 17.

Momof Eltvv heyv vwetv opunvkvv ohonayvres:

Cen naorketv taken ce feken es nokkicet, vhericet momet mehenwvn em e fulecet, cem vwolicvlke ohfvccvn heromkv vnokeckv tepakat ofvn yvkapet, vretv mucvsate ofvn yvkvpetvn komet, momet Hesaketvmese em vhakv vevkvyen vpeyetvn, momet em vyetv hvsvthakat ofvn muev vtekat yvkvpetvn komatskat, vkvsvmkv ofvn vwolicet, ce mahlvpytecickvn heyv nak vcakan esvkes, momet yvmaskuset, Hesaketvmese Yekcetv Omvlecat ehomvn e ohkerkuecvkes, ce feke kvncvpkv ofvn ce torkowvn pekohlihcet, tokketokvkes.

Momof mv este nak vcakat esetvn komakat vrahkvn erkenvkvv heyv cohkerkueckvn hayvres, emet este omvlkv esyomat efeke kvncvpkv ofvn e torkowvn pekohlihcet tokketoket omen.

Hesaketvmese Yekcetv Omvlecetskat, pu Pucase Cesvs Klist E'rke toyetskat, nak omvlkv Hayvte, momet este omvlkv Ohfvcecv toyetskat, epu'nrvpen cvpvkketv



ocetskat, momet pun homecetskat fvecet hueretsket os, ceme, Hesaketvmese vraketskat ece'nrvpen naorkēt, pum vkerrickv, pum opunvkv, pum momeckv esyoman tewolen es ce cvpvkkueceyvтет omekv, momen pun naorketv momen pun holwvyeckv rvkrvke sulsokat es pu feknokket ce homvn kerkeuceyет os. Hiyomen cem mvtteceyvten es pu feknokke heret, vhericet em e fuleciceyет os: ohvkerriceyat ep oh wetenket os. Pum merrvs, pum merrvs, Pu'rke merkв es fvcketskat: Ce'ppuce pu Pucase Cesvs Klist vrahkvn ece 'naorkeyvte omvlkvn es pum wikvs, momet mucv vtekat estofis fulletv mucvsat ofvn cem vtotket, ece 'fvceceyvren pu'mvs, ce hocfvk vrahkuehocvre vrahkvn, Cesvs Klist pu Pucase eteropotten. *Emen.*

Momof erkenvkvt hvmmakvres;

Aeha, Hesaketvmese Yekcetv Omvlece, Pu'rke hvlwe like toyetskat, momet cem merkв rakke eteropotten este vkerrickv etickv mehenwe momen vkvsvmkv here 'sec oh fulecakat omvlkv en naorketv taken enkvpyyecicetv temfvccetskvte toyetskat, pum merrvs; pun naorketv omvlkvn

a 'sepu'ssicut, pu'nkvpvyecicvs; heretv omvlkv ofv pu yekcicet, yekcen svpvkleyvren pu hayvs; momet pu Pucase Cesvs Klist eteropotten hesaketv yuksv-sekon es ep oh vyvs. *Emen.*

*Mekusvpetv Esyukpokat.*

Hesaketvmesē, est e feke omvlkv ce homv enrvmrvtet omen, eyackv omvlkvn kerret, momen nake ehke hymkuis cem ehkeko taye liketskat, cem Puyvfekcv Vcakat ep oh hesakat eteropotten pu feke em vkerrickvtaken hvsythicvs, esfvcken ece 'nokecet, pu Pucase Cesvs Klist eteropotten ce hocfkv vcakan etetayen vrakkueceyvren. *Emen.*

Momof erkenvkvtt hymmakvres;

Acha, Cehofv Pu'rke vcake, yekcetv omvlece, meyuksv-seko liketskat, f'vccvt os, momen momvre tetayat, momen nak momecvraneye tvlkusat omes, oketv omvlkvn, momet estvmv estomis vkvsvmkv ce'meyvret.

Monkv encelvlke, akencelvlke, momen hvlwe tvlofv em etohkvlketv omvlkvtt vpvkaken ce hocfkv rakke mahan vkvsamet, vrakkueceyeyet os, estofis ece 'kvsamet, mo-

met hvlwe etohkvlketv rvkrvket, Cehofv Hesaketvmese, vcake, vcake, vcake toyetskat, hvlwe ekvnn tepakat cen hvyayvke es fvcket os; Cehofv hvlwe mahat toyetskat, vrakketvt cem ocekv. Emen, maket, ece 'kvsvmvke omēt, ece 'kvsameyet os.

Momof erkenvkvt hvmmakvres;

Aeha Hesaketvmese merk v es fvcke toyetskat, pum fvccetv em enhonret omēkot, momis cem merk rvkrvke momet sulke mahen em enhonret, heyv cem ohhompetyv vwolicetv fekhvmetv ocēs. Cem ohhompetyv elec v nak wokuckuce ocakan e em vtelogetv tis heretv oricēkos. Momis Hesaketvmese mvrakke hakeko tayat toyetskes, momet estofis merkv heckuecetv cenake tes. Monk v Hesaketvmese heromkv esfvcke toyetskat, heyv n pu'mvs; Ce'p-puce cem vnokecke Cesvs Klist em enavpesv v hompeyat, momet e catv eskeyat pu'matake momen pum puyvfekvtake holwvyeckv es fvcfakat em elk v eteropotten hvsvthvket, e catv vcake mahat es okkoskvket omen, estofis emen vpaket vpokeyet omen, emet ep ofv n estofis likvren omekv. *Emen.*

Momen erkenvkv heyv mekusvkv tvklike pvrko-opuswv tepakan oh opunayvres, maket,

Hesaketvmese Yekcety Omvlece, Pu'rke hvlwe liketskat, momet cem merkv herome eteropotten pvlke-neskv pun heckvren, Cesvs Klist, Ce'ppuce hymkusen tohweklepknv svtarkvren emetskvte toyetskat, momen emet mvn svtarkof, eme mahusat fvcceckv esfvceckvn e wiket, est en holwvyeckv vrahknv elehocvre ekvnnv omvlkv en holwvyeckv vrahkv cem fvcceckv esfvceee tayat em e wkvtes, mcmct heyv nakvfvstetv vcakan meliyet, em vlvketv svhokkolat oren em elkv vcakat esvkerrickv oce munken vfasteyvren em opunvkv-herv vcakat ofvn pu kicvtet os. Aeha, Pu'rke merkv es fvccke toyetskat, pum vpohicvs, eyaskuset ce'nkusapvyet os, momet pumet, heyv nakvfvstetv vcake, Ce'ppuce Cesvs Klist pu Hesayecvt mellvtet vevkvyen, em elkv em estemerkv rakke tepakat esvkerrickvn, heyv tvklike pvrko-opuswv tepake nanvke hayetskvten caweyat, vkvsvmkv eteropotten em ena e catv tepake vcaevke mahat cawvlke hakeyvren pu'mvs. Mv pu Hesayecvt, mv nere wihoyvte ma-

husan, tvkliken ehset, Erken vkvshahmof, kvlkayet, Ehset, hompvkes, heyvt cv'na ece 'rahkv taken kvlkat tes; heyvn esvker-rickvn momecatskvres, en kerrepvlken kicvtes. Matvpomen yafke hompetvn homipof, sesketvn 'seset, Heyv sesketvt cv catv ofv setemfvccetv mucvset os, centake sulke esyomat vrahkvn pvlkat, est en holwvyeckvn enkvpyecihocvren: etewole estomomusen eskatskat es ve vkerrickvn heyvn momecatskvres. *Emen.*

Momof erkenkvvt tatet tvkliken pahpet, pvrko-opusvvn esiket, erkenkvvke vplwvt vpoken omat, emeu emvkvres. Momof estet tokketoke munket, erkenkvvt mekusvpkv Pucase pu mvhayvte tatet etekvpvke vlkan es opunayen, vevkvyecievkvres:

Pu'rke hvlwe liketskat, ce hocfvvt vca-kekvs; cem ohmekketvt vlvkekvs; mimv hvlwe nake kometske momat etvpomet yvmv ekvvnv oh momekvs; nettv vrahkv tvkliken mucv nettvn pu'mvs; momet naorketvn es pum wikvs, vhuericeyat es em wikakeyat etvpomen; nake pu naorkepuece taye eskerretv 'sep oh ahyetskvs, momis holwakan 'sepu'ssiev; ohmekketvt, yekcetvt, momen rakketvt cenake emunkvt omekv. *Emen.*

Momof yvhiketv hvmken yvhikvke tayes, momen mv honyanat erkenvkvt mv hompvkvranať ohhompetyvn vna-  
kuecetyvn enhuehkvres, momet tvklike pvrko-opuswv  
eshokkolvn estenken em wkvres. Tvkliken emof, hvm-  
maket opunayvres.

Pu Pucase Cesvs Klist em ena *ece* 'rah-  
kvn wiktet *cem puyrfekcv* cem ena tepa-  
kan hesaketv yuksv-sekat eroren vcayeca-  
te! Klist *cem* elvtet omat esvkerrickvn he-  
yvn ehset, hompvs, momen, *ce feke* ofvn  
vkvsvmkvn emetsken, vkvsvmkv eteropot-  
ten Cesvs cen hompetyvť omekvs.

Momen erkenvkv sesketyvn wiyvat hvmmakvres,

Pu Pucase Cesvs Klist e catv *ece* 'rahkv  
pvlakvtet *cem puyrfekcv* cem ena tepakan  
hesaketv yuksv-sekat eroren vcayecate!  
Klist e catv *ece* 'rahkv pvlaktkvte esvker-  
rickvn esketsken, vkvsvmkvt *ce feken fvc-*  
*kekvs*.

Omvlkvt cvwahkof, Pucase em ohhompetyvn fuliket, nak  
vcaevke vhoskat mvn oh ohcet, hvnwelv totkvfvkv  
heran es ohrvvres.

Momof erkenvkv hvmmakēs:

Cehofa, momet Pu'rke Hvlwe likat to-  
yetskat, pume, cem vtotkv eyaskvke toyey-  
yat, *ece* 'kvsamēt, vkvsvmkv emetyvn es  
cen yiceyat cen heromkv pu'rke omēt  
ocetskat eteropotten pum esetskvren cen

komeyet os; momen eyaskakuset heyvn ce'nkusapeyet os: Cesvs Klist Ce'ppuce en heretv em elkv tepakat etehoyvnen, momen e catv ohvkvsvmkv eteropotten cem Mekusvpkv-cuko vtehkvlke omvlkv esyomeyat holwvyeckv es pum wiketvn, momen nake es pun lopickv etv omvlkv em estemerketv eteropotten pun heckvke tayan pu'mvs. Momet, Aeha Hesaketvmesē, heyvmvn pume mahusan pum puyvfekev-take pu'natake esyomen ce homvn es cen yicet, ce'meyet os, nake ce'metv hvsvtke, wenake momet ce'meyvre herat; momet heyv nake vcakat cawvlke omvlkeyat cen heromkv momen herkv hvlwe vten estemetskat es epu 'fvckvren eyasket ce'nkusapeyet os. Momet pun holwvyeckv sulso-kat omecicen nakemkv hvmkusis es cen yiceye tayat heretv oricēko estomis, heyv vtotketv momen nake momecvraneye tlvkusat pum esetskvren ce'nkusapeyet os. Pun heretvn svtarkuecekot, momis Cesvs Klist pu Pucase eteropotten nanvke cem mvtteciceyvten es pum wiketskvren ce mekusapēs. Momen Aeha Pu'rke Yekcetv Omvlecetskat, eme etehoyvnen momet

emet vpaken Puyvfekcv Vcakat ce tenhvm-  
kusetv ofv, vrakketv hvyayvke tepakat  
omvlkvt ekvñv meyuksv-sekan cem oce-  
kvs. *Emen.*

Momof heyvn makēs;

Hvlwan vrakketvt Hesaketvmesen em  
ocekvs, momen ekvñvñ herkvt, este oh-  
fvcevñ heromkvt ocekvs. Ece 'kvsamēt,  
ece 'rakkuecēt, ce mekusapēt, ep ohfvñ-  
ketskat ece 'rakkuecēs; cen hvlwetv rak-  
kat vrahkvñ vkvsvmkvñ ce'meyet os, He-  
saketvmese Cehofv Mekko hvlwe liketskat,  
Erke Hesaketvmese Yekcetv Omvlecetskat.

Aeha Pucase Cesvs Klist, Eppuce hvñ-  
kuse Erke heckuecvte toyetskat, Aeha Pu-  
case Hesaketvmese, Hesaketvmese en Yv-  
pefikucē, Erke E'ppuce ekvñv en holwvyec-  
kv vkueyicetskat, pum merrvs. Ekvñv en  
holwvyeckv enkvpyecicetskat, pum mer-  
rvs. Ekvñv en holwvyeckv vkueyicetskat,  
pum mekusvpkvñ em vpohievñ. Pucase  
Erke Hesaketvmese em vkvperv liketskat,  
cem merkvt ep oh hvñapkekvñ.

Ceme tvlkuset hvsvtke toyetskekv, ceme  
tvlkuset, Klist toyetskat, Puyvfekcv Vca-  
kat ece 'paket on, Erke Hesaketvmese en



hvyayvke ofv hvlwe mahe toyetsket omekv. *Emen.*

Momof erkenvkvt momvre heres komen omat, eme mahusat em opunvkvn es emekusapês, momet momof estet vpeyetv em etektvnevres, heyv ohmerkv opunvkvn es oh opunahyof:

Hesaketvmese en herkv kerretv omvlkv ohfvnkat, ce feke take momet cem vker-rickv taken Hesaketvmese E'ppuce Césvs Klist Pucase tepakat kerretv momet em vnokeckv ofv vevyecakate! momen Hesaketvmese Yekcetv Omvlecat, Erke, Eppuce, Puyvfeckv Vcakat estutcenat em ohmerkv ece 'pakvket, momet meyuksv-sekon ece 'pakvket emunkate! *Emen.*

---

TEKVPVKE II.

¶ 468. HOPUETAKUCE PAPTISKV.

Erkenvkvt uevcvkv uewv mahhen esfvciken vlahket, heyv opunvkvn monkat opunvkvn etv opunayvre here tetayan 'sest emvcahnetvn opunayvres. Pum vnocekakusatskat, Este omvlkv naorketv ofvn hocacket, mv ofvn heckaket omekv, momet, Este uewv Puyvfeckvn tepakan es

hecket omekon omat, Hesaketvmese em ohmekketv eceyeko tayet os, pu Hesayecv Klist makvtet omekv, pu Pucase Cesvs Klist eteropotten, Erke Hesaketvmesen oh-huehkatskvren ce'nkusapvkis, en heretv heromat eteropotten heyv hopuewv uewvn es paptiskvranat mv em munkv etehoyvnen oceko tayat en heckvre emvren, momet, Puyvfekcv Vcakat es paptiskvket, Klist em Mekusvpkv-cuko vcakat vpikv hvmke hahket, momet mv ofv *vtotkv here* hakvre emvren.

Momof, *Mekusvpkveres*, erkenvkvt makvres.

Hesaketvmese Yekcetv Omvlece, meyuksv-seko liketskat, heyv estuce oh hecetskvren, cem merk v eyuksv ocvkekat vrahkvn ce'mekusapeyet omes. Puyvfekcv Vcakat eteropotten okkoset hvsvtecvs, cen heromkv eteropotten hesaket, Klist em Mekusvpkv-cuko ofv, perro-cuko vpike omet, evpaykvren, momet vkvsvmkv ofv nekeyeko hueret, enhonrkv eteropotten afvcket, vno-keckv ofvn yvlonkvn hayet, ymvv ekvnnv naorketv es fvckat em melohlakan vhericet etehoyanet, ekvnnv hesaketv yuksv-seko ocan eroret, Cesvs Klist pu Pucase etero-

potten meyuksv-sekon ece 'paket mekkvren ce mekusapeyet os. *Emen.*

Aeha Hesaketvmese merkv es fvccke liketskat, este mucvsat heyv estuce ofvn vhesake tayat oren Atvme vcule eme vpi-  
kat hopelkvren emvs. *Emen.*

Enavpeswv em eyackv eme ofv ocakat omvlkvt pvsvtiken, Puyvfekcv Vcakat enavke vtehkat omvlkvt hesaket, eme ofv ohvtvlkvren emvs. *Emen.*

Enavpeswv, ekvnv, puyvfekcv holwakat esyomen emuntvlvre yekcetvn emet, ohfvnketv yekcetvn emvs. *Emen.*

Estimvt o estomet pum wiketv momen pum vtotketv eteropotten ce'mhoyat omvlkvt nak herake hvlwe emaken accvket, cem merkv eteropotten meyuksv-sekon em fetetvn es afvckvkvren pu'mvs; heyvn ce'nkusapeyet os, Cehofv Hesaketvmesē, vkvsymke, ekvnv meyuksv-sekan like, nanvke omvlkv ohfvnketskat. *Emen.*

Hesaketvmese Yekcetv Omvlece, meyuksv-seko wenake liketskat, Cesvs Klist Ce'p-puce cem vnokeckusat, pun holwvyeckv enkvpyyecickvn envce vcake mahe catv uewv tepakan apvlatvtet, momet en kerre-

pviken vhakvn emet, Vpeyet, tvlww omvl-  
kvn emvhayvkes, Erke, Eppuce, Puyvfek-  
cy Vcakat hocfkv ofvn paptiset, kievtes;  
monkv heyv este cem vtelokeyat pum me-  
kusvpkvn em vpohicvs, momet heyv estuce  
paptiskvranat cen heromkv em fvcketv en  
heciket, cen hopuetake heromvke momet  
enhopokat em vhonkvtkvn vpike munkv-  
ren pu Pucase Cesvs Klist eteropotten  
emvs. *Emen.*

Momof estet svpaklen, erkenvkvt hvmmakvres:

*Opunvkv-herv Mak coyvie setentvcke 10, setemwarke lo-  
puckusat 13 svliceecat em vpohicvkes.*

Hopuetakucen 'sen yicakvtes, celayvkv-  
ren, momen en kerrepvlket mv esyicakan  
em vsehakvtes; momis Cesvs hecof, efek-  
nokket, Hopuetakuce vc oh vwepvre em  
etektvncet, em vsehhatskvs; mv omakat  
Hesaketvmese em ohmekketvt omekv.  
Mehenwyn ce kievkis, Estimvt o estomet  
hopuewuce omēt Hesaketvmese em ohmek-  
ketvn eenakuecekon omat, ecehyekos, ki-  
cakvtes. Momet e'nke ofvn cawet, e'nken  
oh wvkhokicet, ohmerrakvtes.

Momof erkenvkvt, eckvlke monkat este vpvlwv hopuewuce  
esyicakat em punayet, hvmmakvres:

Heyv estuce paptiskv eteropotten Klist

em Mekusvpkv-cukon eceyhocvren esyicatskat puyvfekev holwakat, em vtotketv omvlkv esyoman, momen yvmv ekvnn en rakketyv momen em vrakketyv ehvperkakatyv omvlkvnn, momen mv em eyackv est em vleskvpkv es fvcfakatyv omvlkvnn, momen enavpeswv em eyackv omvlkv enkvvpken e en hvlvtvre mvhayetyv nake momecvranatskat omes, momat emet mvn vcvkvyet, mvt nekeyicvkekaren; momet ohvtvlakatyv nanvke mekusapvt vkvsvmvranyv omvlkvnn vkvsamet, Hesaketvmese nak kometyv vca-katyv em vhakv omvlkv esyomat hesake netv vtekatyv vfvstetyv mvhayetskvre nake momecvranatskat omes.

Momof erkenvkvtyv, em etektvnket on omatyv, estucen ehset esyican em punayetyv hvmmakvres;

Heyv estucen hocefvs.

Momen hocefahkof, hocefkvnn opunayetyv, ohfesket, monkat ohkalvres (monkat esyicat eyaevken omatyv, vksumecieetyv em etektvnket os,) hvmmaketyv,

Erke, Eppuce, Puyvfekev Vca-katyv hocefkv ofvn ce paptisis. *Emen.*

Erkenvkvtyv, here es em momen omatyv, e'nken estucen oh vkhokicetyv, em emekusape tayes, momen momof omvkvtyv tokketoken, eme em opunvkvnn es emekusahpet, mekusvpkv Pucase pu mvhayvten es yukpokvres.

Pu'rke hvlwe liketskat, ce hocefkvtyv vca-

kekvs; cem ohmekketvt vlvkekvs; nake kometske hvlwe momat etvpomet yvmv ekvnyv oh momekvs; nettv vrahkv tvkliken mucv nettvn pumvs; momet pun naorketvn es pum wikvs, vhuericeyat es em wikakeyat etvpomen; nake pu naorpuece taye eskerretv 'sep oh ahyetskvs, momis holwakat a 'sepu'ssicvs. *Emen.*

---

### TEKVPVKE III.

#### ¶ 469. OHROLOPE SULECAKAT PAPTISKV.

Uevcvnkv uewv mahhe es fvekan erkenvkvt oh vlahket, heyv este-mvcahnetv, monkat opunkvv etv makvre here tetayan es emvcahnet, es opunayvres:

Pum vnokeckusatskat, este omvlkvt naorketv ofvn hocacket on, mv ofvn heckaket omekv, momen enavpeswv es heckat enavpeswvt omes, momen mv enavpeswv ofvn svpaklat Hesaketvmesen afvcecicvkeko taves, momis em vhakv kackv sulken momecet, naorketv ofvn vpoket omes; momen pu Hesayecv Klist opunayet, Este uewv momen Puyvfekevn tepakan es hecket omekon omat, em ohmekketv ecceyeko tayet os, makvtet omekv, pu Pucase Cesvs

Klist eteropotten Erke Hesaketvmesen oh huehkatskvren ce'nkusapvkis, en heretv heromat eteropotten heyv este paptiskvkvranat mv em munkv etehoyvnen oceko tayat en heckvkvre emvren, momet Puyvfekev Vcakat es paptiskvket, Klist em Mekusvpkv-cuko vcakat vtehkvlke háhket mv ofv vtotkvlike vtotke herake hahakvre emvkvren.

Momof erkenvkv hvmmakvres:

Hesaketvmese Yekcetv Omvlece, momet meyvksv-seko liketskat, vnickv enkusvpkakat omvlkv em vnickv, penkvkv ofv ec oh pefatkat omvlkv em vnicv, vkvsvmakat omvlkv en hesaketv, momet psvvtkvte a en kvwvpketv toyetskat: heyv este mucv paptiskvkvranat em emekusapēt, ec oh huehkēs. Eenakucevkvsv, Aeha Cehofa, Ce'p-puce cem vnokeekusat etehoyvnen hvmmaket etemfaccetskvte etvpomen; Vpohvkes, momet cen heckvkvres; hopoyvkes, momet eshecatskvres; vnafkvkes, momen cen haukvkvres, makat; monkv hiyomat vpoheyat, pu'mvs; hopoyeyat esheceyvren pu'mvs; vnafkeyat, vhauken pun hvwecvs; heyv este okkoskv cenake hvlwe atat em

puyvfekev en lopickv meyuksv-sekat es okkoskvkten es afvcket, etvlwv meyuksv-sekat Klist pu Pucase eteropotte temfaccetskvten eroricvkvren. *Emen.*

Momof estet asvpykilen, erkenvkvtt hvmmakvres:  
*Opunvkv-heru Cane coyvten em vpohievkes, setentvcke sv-  
 tutcanan, lopuckusat enhvteceskvu esvlieceat.*

Falvsevlket este-hunvnwv, Nekotemvse hocfket, Cusvlke es em evpayvt huervtes: mvt neren Cesvs em vlakvtes, momet, Lapi, mvhayv Hesaketvmese avtet vlaketskat kerrēs; heyv nanvke eskerkv momecetskat este hvmkis momeceko tayet ok, Hesaketvmeset vpvket omekon omat. Cesvs em vyoposket, Mehenwvn, mehenwvn ce kicis, Estimvt svnvcomvn hecekon omat, Hesaketvmese em ohmekketv heceko tayes, kievtes. Nekotemvset, Estet veulehpof, estomet hecke taye haks? Sv-hokkolan e'cke e nvrken ecehyet, hecke taye haks? kievtes. Cesvs em vyoposket, Mehenwvn, mehenwvn ce kicis, Estet uewv momen Puyvfekev tepakan es heccket omekon omat, Hesaketvmese em ohmekketv eceyeko tayet os, kievtes. Mv enavpeswv es hecckat enavpeswvt omen, Puyvfekev es



heekat puyvfekev omes. Svnvcomv hec-  
kvransket os, ce kievvat, estomahes koh-  
metksv. Hotvle estvmvn komat hotalen,  
en haken pohetskes, momis estvmvn vtet  
ot, estvmvn ayet omat kerretskeko taves;  
mv omēt os, Puyvfekev es heekat vtekat.

Momof erkenvkvv mv este paptiskvkvransat hiyomen em  
punaykvvres.

Vnokeckakuse, paptiskv vcake es ece  
'fvstkvren komet yvmvn yicatskat, heyv  
este vtelokat cem emekusapet, pu Pucase  
Cesvs Klist en heromkv ofv ce yvpayet, ec  
ohmerret, cen naorketvn es cem wihket,  
hvlwe em ohmekketvn, momen hesaketv  
yuksv-sekon ce'mvkvren vpohaken poh-  
hatskes. Momen heyv nanvke em 'pohake  
mekusahpeyat omvkvv estemetv em Opu-  
nvkv Vcakat ofvn temfacevtet os, momet  
mv temfvccetvn eme tat mehenwusen vca-  
yecet momecvres.

Monkv Cesvs Klist heyv temfvccetvn  
hayvtet omen, centake tat heyv este vtelo-  
kat omvkvv ehomvn, puyvfekev holwakat,  
em vtotketv omvkvv esyomen wiket, He-  
saketvmese em Opunvkv Vcakan kvvsame

emunket, em vhakv omvlkv vevyecetv tem-  
fvceevranatsket omes.

Momof erkenvkvt este paptiskvkvranať vrahrvkvn em  
'pohet;

*Vpo.* Puyvfekev holwakat, em vtotketv  
omvlkv esyomen, yvmv ekvnv em vrakke-  
tv en rakketu omvlkv, momen mv eyac-  
kv vleskvpkv vpvke ocakat, momen enav-  
peswv vevkvye eyackv ocakat mvn vevkv-  
yetsken, mvt ce yvpayvkekaren wiketske  
te?

*Vyo.* Omvlkvn wikvyet os.

*Vpo.* Erke Hesaketvmese Yekcetv Omv-  
lece, hvlwe ekvnvu hayvten, momen E'p-  
puce hvmkuse heckuecvte Cesvs Klist pu  
Pucasen ohvkvsametske te? Puyvfekev  
Vcakat hocacvten Fvcenv Mele heckuecv-  
tet omat momen Pantevs Pilvtet ohfvce-  
cen, estemerkv kvwapet, etohweklépkvn  
svrahken, ehlet, herihocvtet nettv svvtce-  
nan akvwapket momet hvlwe-tvlofvn kv-  
wvpiket, E'rke Hesaketvmese Yekcetv  
Omvlecat em kvvpervn liket, ekvnv 'me-  
yuksv omof mvn ahvtvpiket, wenahoke  
momen psvtkvten em fvceevranat omat  
kvvsametske te?

Momet Puyvfekev Vcakat, Hesaketvmese em Mekusvpkv-cuko, emekusapvlke etenokece etohkvkvetv, holwvyeckv enkvpvketv, hesaketv meyuksv-seko elkv ertopvrv ocan vkvsametske te?

*Vyo.* Heyv omvlkvn yekcen vkvsamv-yet os?

*Vpo.* Heyv vkvsvmkv ofvn paptisketvn kometske te?

*Vyo.* Mvt vm eyackvt os.

*Vpo.* Monkv Hesaketvmese nak kometv vcake, momen em vhakv omvlkvn vpohicuset vfastet, nettv hesaketske vtekat mv ofvn yvkapetskvre te?

*Vyo.* Hesaketvmeset vm vnicvt omen mv momcetvn vcevllares.

Momof erkenykv t mekusapet makvres:

Aeha Hesaketvmese, merkv es fvcke liketskat, este mucvsat eme take ofvn kvwvpkvre oren Atvme vcule heyv este ofv ocat hopelkvren emvkvs.

Enavpeswv em eyackv omvlkvt eme ofv pvsvtiken, Puyvfekev Vcakat enanvke omvlkvt eme ofvn hesaket ohvtvlkvren emvkvs.

Enavpeswv, ekvny, puyvfekev holwakat esyomen emuntlvre yekcetvn emet, ohfvnketv yekcetvn emvkvs. *Emen.*

Heyv este pum wiketv momen pum vtotketv eteropotten ce'mvkhoyat omvlkvt nak herake hvlwe enaken accvket, cem merkv eteropotten meyuksv-sekon em feketvn es afvckvkvren emvkvs: heyvn ce'nkusapeyet os, Cehofv Hesaketvmesē, vkvsvmke, ekvny meyuksv-sekan like, nanvke omvlkv ohfvnketskat. *Emen.*

Hesaketvmese Yekcetv Omvlece, meyuksv-seko wenake liketskat, Cesvs Klist Ce'p-puce cem vnokeckusat, pun holwvyeckv enkvpvyecickvn e'nvce vcake mahe catv uewv tepakan apvlatvtet, momet en kerrepvlken vhakvn emet, Vpeyet, tvlvv omvlkvn emv-hayvkes, Erke, Eppuce, Puyvfekev Vcakat hocfkv ofvn paptiset, kievtes; monkv heyv este cem vtelokeyat, pum mekusvpkvn em vpohicvs, momet heyv este paptiskvkvranat cen heromkv em fvcketvn en heciket, cen hopuetake heromvke momet enhopokat em vhonkvtkvn vtehke munkvren pu Pucase Cesvs Klist eteropotten emvkvs. *Emen.*

Momof erkenvkvt este paptiskvkvranať vrahrvkvn e'nkvpervn hylatet, momet uevevkv oan em vwolusen, momvre heres komat vevkvyen huerihcet, hoccfkvñ vpo-lyvres; momof hoccfet, uewvn ohkalvres, monkat ohfeskvrres, monkat, mvn komen omat, esten uewvn vksumecievres, hvmmaket,

Erke, Eppuce, Puyvfekev Vcakat hoccfkv ofvn ce paptisis. *Emen.*

Erkenvkvt, heres komen omat, mv esten e'nken oh vvkho-kicetv em etektvñket os, mekusvpkv es emekusvprve herat es opunayet.

---

#### TEKVPVKE IV.

¶ 470. ESTE MEKUSVPKV-CUKO ESCEYICKV  
MOMET EVPVYETV OPUNVKV.

Mekusvpkv-cuko esceyvranan erkenvkvt este vtelokat chomvn svpvkleevres, momet euhoiv paptiskvkekatet vpvkvet on omat, mvn paptisahkof, hummakvres;

Tecakkeyvte toyatskat, Mekusvpkv-cuko Hesaketvmese enaket os, momet em vrak-kueckv ohvtlvvyetv, momen em opunvkv momen nanvke mellvte vcacakat heren vfvstvkhoyvren—mekusapvlke em etoh-kvlketv momen em fulletv es em fvyatkv aye munkvren—vkvsamvlke yekevkucekvn, momet ekvñv este omvlkvť vkvsamv mehenwvke hakvkvren, yvmv ekvñv em oyuksv vteken Hesaketvmeset vcayecvres.

Este omvlkvt, em vculkv monkat en hue-  
retvt estomepet o estomis, puyvfekev es en  
lopickv, mv mekusvpkv-cuko tvlkuse este  
em ocat, enkusapket svpaklet os, momen  
Hesaketvmese em etvlwv ofv emekusapvl-  
ke vpvke tvsekvv haket, Hesaketvmese  
en cuko-vtehkvlke hakykvren enhuehket  
os. Momis estet hoporrenkv ohrolope ori-  
cat, mv em vhakuce e ohwvkeceko vtekat  
em vtohopke ofv fekhonnvre, monkat em  
etohkvlketv vpvketv em etektvnkeko taye-  
kv, heyv este mekusvpkv-cuko em vhaku-  
ce elec v icetvn komaken omat em 'pohare  
nake momecvranvye tvlkuset os.

Momof erkenvkvt mv paptiskvkvranan hiyomen em puna-  
ykvres.

Pum vnokeekusatskat, e ohkerkuecatskat  
heyvt os; cvpvkktv vlvkvranat em pefat-  
ketvn, momen cen naorketv enkvpvken  
Hesaketvmeset ce hesayecvkvren komats-  
ket os; Hesaketvmese em este em etohkvl-  
ketvt cem vhesaketv mahusan vtotketv po-  
yety cem vnicvren hopoyatsket os: monkv  
cem 'pohvkis:

Hesaketvmese momen heyv este vtelokat  
ehomvn, vkerrickv-etickv, vkvsvmkv, vpo-

hickv esyomat etemfvccetv yekce paptiskv setemfvccetv ofv ocat fekkome heret, yekcicet hvtvm temfaccetske te?

*Vyo.* Henka, Hesaketvmeset vm vnicvt omen.

Mekusvpkv-cuko seemfvyatkv ele cvn hueret, en nakfvstetv vcacvken vfastet, nanvke mellat em vnicatskvre te?

*Vyo.* Hesaketvmese em vnicat eteropot-ten mvn momecetvn vcevllares.

Momof erkenvkv m v mekusvpkv-cuko vtehkvlke taranat em punayet makvres;

Klist em Mekusvpkv-cuko vpvke hakatskvren ce yvpyetv es epu 'fvcket os: momet tecakkakat em vnokeckvn es ece 'nokeakeyat eskerkvn etohkvlketv e'nkvrer-ven cem wiyyvkeyet os, momet ymv ekv-nvn Klist em este vpvken es vhonkatsken, em este em vnokeekakat hvyayvke meyuksv-sekat ofvn vpvkatskvren mekusapeyet os.

Momof erkenvkv este nvkaftat hiyomen em punaykvres:

Tecakkeyvte toyatskat, heyv este, mucv nettvn Klist em Mekusvpkv-cuko vtehkvl-ken evpayeyat, cem vnokeckv vhecickv tepakan cem wkvkeyet os. Em vkvsvmkv

taken ohvtvlvyetv, em enhonrkv yekcice-  
tv, momet vnokeckv ofvn temvpokvke ha-  
yetvn naken momecatske tayat omvlkvn  
momecvkes.

Momof yvhiketv yvhikvre here tetayen yvhikakēs, (749, 753,  
monkat mv oman.) Momof erkenkvvt makvres;  
*Mekusvpkeres.*

Hesaketvmese Yekcetv Omvlecetskat,  
cem Mekusvpkv-cukon hahyet, Puyvfekev  
holwakat e hute em vhauket vnrvpen vtot-  
ket muntvlvkekares, maket, temfvccetskv-  
tet omat ece 'kvsameyet os. Pumen cem  
este em etohkviketv vpvkeyvren pu'nhueh-  
ket, momet Cehofv Yekcetv Omvlecat e'p-  
pucetake momen e'chustvlke vpvken es epu  
'honkatetskvttet omen ece 'kvsameyet os.  
Heyv cem vtotkvlike e ohkerkuecet, Ceh-  
fvt pun Hesaketvmese tes, maketv yekce-  
tvn emetskvte mahvkvu ece 'kvsameyet os.  
Temfvccetv vcakan hayvkvtten vfvstetvn  
em vnicvs, puyvfekev holwakat, yvmv  
ekvny, enavpeswv esyomen wikkvkeyvres,  
makakat. Ce'ppuce ohkerkueckvn cemet  
akerretskvtten vkvsamet, en hesaketvtake  
em eyuksv vteken cem vhakv momen nak-  
vfvstetv vcaevke melletskvte ofvn em



mvtteko ykvvpkvren em vnicvs. Cem este em etohkviketv momen etemvnokeckv ocakat ohfvccvn ohmerrvkvsv, momat heromkv, pu Pucase Cesvs Klist kerretv tepakat ofv mahkvvren, yekevke hahket, etelvecvet omet, momet Hesaketvmese ohvtvlayat omvlkvn es ohvtvlaket. Cem estet en lopicaken, entaket cem esten en lopievkekvsv. Momet cem Mekusvpkv-cuko tepoyv yvmv ekvvnv ocat vtehkvlke omvlkvt, cem merkvt, Ce'ppuce en heretv, cem Puyvfekcv en heromkv esyomat eteropotten, espoken cem Mekusvpkv-cuko ohfvnkvt hvlwe tvlofv ocat vtehkvlke hakvkvren pu'mvs, Aeha Cehofv toyetskat. *Emen.*

Hesaketvmese Yekcetv Omvlece, Pu'rke hvlwe like, momet meyuksv-seko liketskat, cem eyasketv ofv cem enhonrkvn kerret, ec ohvkvsvmeyvren pu'nhuehketskvttet omat eyaskuset ece 'kvsameyet os. Heyv kerretvn pum ohvtvlayet, heyv ohvkvsvmkvn ep ofvn yekcievs, estofis. Cem Puyvfekcv Vcakan heyv esten emvkvs, svnvcomvn heciket, pu Pucase Cesvs Klist, hiyomat momet meyuksv-sekon cem Puyvfekcv Vcakat tepakatskan vpvket ohfvnke likat

eteropotten vhesaketv meyuksv sekat epucavylke taranat hakvkvren. *Emen.*

Pu'rke hvlwe liketskat, ce hocefkvt vcakekvs; cem ohmekketvt vlvkekvs; mimv hvlwe kometske momat etvpomet yvmv ekvvnv oh momekvs; nettv vrahkv tvkliken mucv-nettvn pu'mvs; momet pun naorketvn es pum wikvs, vhuericeyat es em wikakeyat etvpomen; nake pu naorkepuece taye eskerretv 'sep oh ahyetskvs, momis holwakat a 'sepu'ssivs. *Emen.*

---

#### TEKVPVKE V.

#### ¶ 471. ESTE TEHVLVTEPUECKV VVSTETV OPUNVKV.

Nettv momen hvse-vkerkv tehvlvtepueckv vfvshotvranat melhoyte orof, este tehvlvtepuehocvranat (vhakv vevkvyete takuecvkvtet) etepvket sehoken, este-hunvnwvt vkvpervn, momen hokte vkvskvvnv huerev, erkenkvt hvmmakvres:

Pum vnokeckusatskat, Hesaketvmese ōomvn, momet heyv akerrvlke em etenrvwn, heyv hunvnwv heyv hokte tepakan tehvlvtkv vcaakat es etehvlvtepueckvn yvmvn vtelokes: tehvlvtke sehoketv vrakkuecvkvre tetayat omes, momen Hesaketvme-

set, este naorkakvte seko emunkof mellvtes, Klist em Mekusvpkv-cuko tepakat etehvlvtkv estomahe ocan esvhopakvn pu'met. Heyv hueretv vcakan Klist vrakkuecvtes, Kalvle ekvny, Keny tvlofvn aret, nakeskerkv enhvteceskvn momecof, momet arat este tehvlvtkv herusen hayvtes, momen vpastel Pal mvn opunvyecet, Etepyvetv este omvlkvt vrakkuecakvr tayet os, makvtes. Monkv este estomis vkerricekot vyvkhvmkvn mv hueretvn huervranekot os, momis, Vcake tes, komet, vhericet, nak estomat heren kerret, mv temfvccetvn hayvranet os.

Heyv hueretv vcakan hueretvn komet, heyv este hokkolat etehvlvtkvren vlahoket os. Monkv este estomis, naket vhakv vevkvye etepayvkeko taye hayat kerren omat, hiyomat opunvyekvs, monkat, opunayekon omat, mucv vtekat estofis cvyayvket omvres.

Momof erkenvkv, este etepayvkvrangat em punayet, makvres:

Ohfvceckv nettv sehoneckat omof este feke en nake ehkakat omvlkvn kerkyke hakof, e oh kerkyecet e em vyoposkatskv-

ret ok, hvmkatskis, vhakv vevkvye etepa-  
 hoyatske tayat naket mvnvttecan kerrets-  
 ken omat, hiyomat kerkuecetskvren cem  
 vcahnet hokkolatskan ce kicvkis: hiyomet  
 omekv; heyn kerrvkes, Estit Hesaketv-  
 mese em opunvkv t em etektvneecat vevk-  
 vye tokon, etvn etepayvken omat, Hesa-  
 ketvmeset etehlvtepuecekon, etenhlvtkv  
 vhakvt em etektvnecekot os.

Nake mvnvttece tayat oces, estit makekon omat, momof  
 erkenvkv t, este-hunvnwv n hocchfet, em punayet ma-  
 kvres:

Heyv hokte, ce hiwv epayetskat, Hesa-  
 ketvmese mellvte vevkvye, etepvyetv hue-  
 re vcahat ofv etepvket welvketvn epayetske  
 te? Enokket monkat cvfeknet arof, vno-  
 kecet, emahlvpatet, vrakkuecet, vcayecets-  
 kvre te; momet etvn vkerricekot, hokko-  
 latskat hesahokatske vteken, mv tvlkusen  
 hlvvtetskvre te?

Este-hunvnwvt, Momares, maket em vyoposkvres.

Momof erkenvkv t, hokten hocchfet, em punayet makvres:

Heyv hunvnwv ce 'he en likvranetskat  
 Hesaketvmese mellvte vevkvye etepvyetv  
 huere vcahat ofv etepvketvn esetske te?  
 Enokket, monkat cvfeknet arof, em vpohi-

cet, em vtotket, vnokecet, vrakkuecet vca-  
yecetskvre te, momet etvn vkerricekot, he-  
sahokatske vteken, mv tvlkusen en likets-  
kvre te?

Momof hoktet em vyoposkat, Momares, makvres.

*Momof erkenvkvt, Mekusvpkeres, makvres.*

Pu'rke hvlwe liketskat, ce hocefkv vca-  
kekvs; cem ohmekketvt vlvkekvs; mimv  
hvlwe nake kometske momat etvpomet  
yvmv ekvnvn oh momekvs; nettv vrahkv  
tvkliken mucv-nettvn pu'mvs; momet pun  
naorketyn es pum wikvs, vhuericeyat es  
em wikakeyat etvpomen; nake pu noarke-  
puece taye eskerretv 'sep ohahyetskvs,  
momis holwakat a 'sepu'ssicvs; ohmekke-  
tvt, yekcetvt momen rakketvt estofis cena-  
ke emunkvt omekv. *Emen.*

Aeha Hesaketvmese meyuksv-seko li-  
ketskat, este omvlkv Hayvte, Vhecicv, es-  
tempuyvfekev nak en lopickv omvlkv Emv,  
hesaketv meyuksv-seko Hayv. liketskat,  
heyv hunvnwv hokte tepakat, cem vtotkvl-  
ke ce hocefkv ofv merkvn oh vpoheyat,  
cem merkvn a oh hvtvpecicvs; momat Ise-  
ke Lepekvt tepakat heromet etepvket ka-  
kvte etvpomen, heyv este, heyv etemfvccetv

vcake etenhayakat vcayecet, fvccvn vfvstvkvren, momet vnokeckv etenherkv tepake temvpokat ofvn etepvket kake emun-  
ket, cem vhakv vcvkvye, Cesus Klist pu  
Pucase eteropotten welvkvren emvkvs.  
*Emen.*

Momof erkenvkvt e'nkvpervtaken etehvlahtet, makvres,

Mv este Hesaketvmeset etehlvtepuccvte este estomet etekvpihcates.

*M. N.* tepakat etepvyetv vcakat ofvn etemvkvsahmet, momet Hesaketvmese ehomv momen heyv este etohkvllkat ehomvn mvn kerkuecet, momet vkvsvmkv enhonrkv etem oevranat eten kerkuecet, enke hylvtkv eteropotten kerkuecaket omekv, Hunvnwv ehiwv tepakat omakes, makvyat, Erke, Eppuce, Puyvfekv Vcakat hocfkv ofvn makvyet os. *Emen.*

Momen erkenvkvt merkvn oh vpohvres, hvmmakat,

Erke Hesaketvmese, Eppuce Hesaketvmese, momet Puyvfekv Vcacke Hesaketvmeset cem merret, ece 'cayecet, ece 'heci-  
cvkate! Hesaketvmeset cen heromet, merkvn es ec oh hecvkate! momet puyvfekv ohfvccv merkvn heretv tepakat es ee fvccv-

kate! momat yvmv ekvvnv etepvket wela-  
katskat, ekvvnv vlvkvrnanan hesaketv me-  
yuksv-sekon cen heckvkvren welakatskv-  
res.

---

## TEKVPVKE VI.

¶ 472. ESTE PVSVTKVTE HOPELETV VFVS-  
TETV.

Erkenvkv t ena-elvn vnrahpet homahtet, hvmmakvres;

Vnet akvwvpketv toyit, hesaketv toyis;  
estimvt ve oh vkvsamat, elvtet o estomis,  
hesakvres. Momen estimvt o estomis, we-  
naket, ve oh vkvsamat estofis ehlekos.  
Cane 11: 25, 26.

Cv Nesvt wenake likat kerri; nettv es-  
poken ekvvnv oh huervranat kerrikv; mo-  
men cv hvrpe *sumke* hoyanat cuntvt cv'nan  
sumecicaket o estomis, cv 'navpeswv ofvn  
Hesaketvmesen hecares, momet, este etv  
tokon, vne mahusat e vrahkvn emen heca-  
res, momen cv turwvt hecvkvres. Cop 19:  
25-27.

Yvmv ekvvnv naken esceyēkates, mo-  
met mehenwvn naken esossēko taves.  
Tem. I. 6: 7.

Cehofvt ehmet, Cehofvt esvtes; Cehofv  
e hocefkvť vkvsvmkekvs. Cop. 1: 21.

Cuko monkat mekusvpkv-cukon esceyahkof, Esvkvsvmkv  
90 ohonahoyvres.

1. Pucase toyetskat, este-honvpse erho-  
nvpse omvlkv ofvn cemet pum vpoketv to-  
yetskvťet os.

2. Ekvnhvlhawat heckvkeko emunkof,  
momet ekvňv momet yvmv ekvňvn hayets-  
keko emunkof, henka, meyuksv-sekat av-  
ten meyuksv-sekat eroren cemet Hesaketv-  
mese toyetsket omes.

3. Cemet, esten ekvňv em mokken oh-  
fulecicetskvret, Este en hopuetake toyats-  
kat, yefulecykes, maketsket os.

4. Ohrolope cukpe-rakko hvmket cen  
renakv ehomvn pvksvnke hoyanat omēt,  
monkat nere vketeckv hvmke omvket  
omekv.

5. Uelauke-rakko etvn esaye omēt en-  
taken etvn esayetsket os; nockv omv-  
ket os; hvthvyvtken pvhe heren honte  
omvket os.

6. Mvt hvthvyvtken pvkpaket, heren  
hontet os; yafkof tvchoyen, yuknet omes.



7. Pumet cen cvpvkktv ofvn sumhuehocen, cen homeckv eteropotten pu fekekaket omekv.

8. Pun holwvyeckvtaken ce homvn svpvklect, pun naorketv heckvkekon ce turofheckv en hvayvke ofvn svpvklectskvtet os.

9. Cen cvpvkktv ofvn pun nettv omvkvht hoyvneceet omekv: hihketv hvnkuse omēn pum ohroloopen yvmahkueceyet os.

10. Pumohroloopenettvt ohrolope palekolvpaket omakes; momen yekcetv eteropotten ohrolope pale cenvpaken oricen omis, en yekcet vtotketv yekce feknokketv tepakat omes; lvpken hoyanen, etvn tvmeceyet omekv.

11. Cen cvpvkktv en yekcen *estimvt kerret*, cem penkvlhoyvre tetayat vevkvyecen cvpvkktvn estimvt kerre te?

12. Pun nettvn vhonevtetvn pu mvhayvs, moma† efeke hoporrenen e en heckueceyvren.

13. Aaha, Cehofa, rafulkvs: en hofune estomusa? momet cem vtotkviken em merkvks.

14. Aaha, hvten cem merkvn es pu cv-

poricvs, epu 'fvcket, pun nettv omvlkvn afvcketvn oceyvren.

15. Mv nettv pu 'stemerrvkuecetskvte, momen ohrolope mv em ofvn holwakan heceyvte vevkvyen epu 'fvceicivs.

16. Cem vtotketvt cem vtotkvlken e en hecvkuecen, cen rakketvt en hopuetake taken oh heckvkekvs.

17. Momen Cehofv pun Hesaketvmese en heromkv herusat ep oh ocekvvs, momet pu'nketake em vtotketvn yekcivs; henka, pu'nketake em vtotketvn, mvn yekcivs.

Momof mvhakv Kvl. I, 15: 20-58 ocat ohonahoyvres.

Momis hiyomat Klist pvsvtkvten a en kvwvpiket, mv nocievte em ettetake enhvteceskv haket os. Este etehoyvne elkv *vlakvte* etvpomen este etehoyvne pvsvtkvte a en kvwvpketvt vlakvtet omekv. Atvme ofvn omvlkvt pvsatkat etvpomen Klist ofvn omvlkvt hesahokvret ok. Momis este en hueretv mahusat vevkvyevlken, Klist ette enhvteceskv *on*, momen em vlvketv omof, Klist enaketaket renyupvt *on*. Momof, ohmekketvn Erke Hesaketvmesen em wihkof, ohfvnketv omvlkvn, momet este em wiketv yekcety tepakat omvlkvn lekah-

fet on, meyuksv tares. Ohmekket emun-  
ket en horre omvlkvn e'le elecvn hahye  
tvlkvranet omekv. *En* horre espoke su-  
mecievranat elkv tes. Nanvke omvlkvn  
e'le elecvn svpvklecvtet omekv. Momis,  
Estomen psvtkvten akvwpphoye te, mo-  
met ena estoman es yice haks? estet makv-  
res. Ce hoporrenekat, mv fokayetskat  
elekon omat, honte taye hakekot os. Mo-  
men mv fokayetskat mv nake taranan fo-  
kayet omekot, nerkv tvlkusen, teleko ta-  
teu, monkat *nerkv* etv tateu fokayetsket  
os; momis Hesaketvmeset, komat vcvkv-  
yen, em vpen emet, nerkv vtekat em vpe  
vrahkvn emet os. Vpeswv omvlkvt vpes-  
wv hvmkuset omekos; momis hvmket este  
vpeswvt *omen*, etvt eleostakat vpeswvt *on*,  
etvt rvro vpeswvt *on*, etvt fuswv vpeswvt  
*omes*. Momen nanvke hvlwe ofv ocakat,  
hvtvm ekvny oh ocakat *svset os*; momis  
hvlwe ofv ocakat en hvyayvke hvnken,  
ekvny oh ocakat *en hvyayvke* etvt os. Hvse  
en hvyayvket hvnken, hvresse en hvyayv-  
ket etvt *omen*, kococumpv en hvyayvke  
etvt *os*: kococumpv *hvmkat* kococumpv *etv*  
en hvyayvke emvrahket omekv. Momen

pvsvtkvte a en kvwvpketv matvpomet os. Hopvnketv ofvn fokahoyen, hopvnkeko tayat akvwapket os; vlesketv ofvn fokahoyen, hvyayvke ofvn akvwapket os: yekcetv sekon fokahoyen, yekcetv ofvn akwvvpket os: ena em munkvn fokahoyet omen, puyvfekev enan akwvvpohoyet os. Hecvkes, nake ehken ce hecicvkvyet os: omvlkvt nocicēkares, momis omvlkeyat pu mvrahkv hakvres, oketv cotkus mahan, mesetickv hvmkuse ofvn pofketv espoke hakof; pofketvt hakvret ok, momen pvsvtkvte hopvnkvkeko tayet akwvvpkvkvres, momen pv mvrahkv hakvres. Heyv nake hopvnke tayat hopvnkeko tayan accen, heyv nake ele tayat eleko tayan accof, mv maketv, Ohfvnketv ofvn elkvn nokmelket os, *make* hoccac hoyvrvres. Elkv toyetskat, cen re estvmvn oce haks? Este-herickv toyetskat, cem ohfvnketv estvmvn oca? Elkv en ret holwvyeckvt omen, holwvyeckv en yekcet vhakvt os. Momis Hesaketvmeset vkvsvmket omekvs, mv pu Pucase eteropotten ohfvnketvn pu'mat. Monkvtacakkvvyvte vm vnokeckatskat, yekcen svpaklet, vkuekeko tayaket, Pucase em vtot-

ketv estofis es fvcfvket omvkes, cem vtotketv take Pucase ofv ehvperkv tokot omat kerratsket omekv.

Hiyohmof yvhiketv yvhikvre here tetayat yvhikakēs, monkat erkenvketv, monkat estemvcahnetv momen emekusvpkvt ocvkvres.

Estet hopelkv vsvpaklen, ena-elvn ekvnkorkan vkwvkeehohyof, erkenvkvtt hvmmakvres;

Estet, este-hoktet heckuecvttet, en nettvt nvcomuset on, feknokketv es fvccket os. Pvkpvke omēt hecket ot, tacket os: momet nak em vpette omēt letket, fekhonnekot os.

Hesaketv em etenrvwvn svpakleyis, elkv ofvn fulleyet os; Aeha Hesaketvmese, pun naorketv vrahkv fvccen elesketskat, estimvn vnickvn em 'poheye taye haks, cem 'pohēkon omat?

Mome estomis, Aeha Cehofv Hesaketvmese hvsvtke mahat toyetskat, Hesaketvmese yekce mahat toyetskat, Aeha Hesa-yecev hvsvtke momet merkv es fackusetskat, elkv meyuksv-sekat en nokke homakat epu'kwihketskvs.

Pu feketake en nake ehkakat kerretsket os, Pucase toyetskat: ce hvcko merkv es fvcfakat pum mekusvpkvn em vkhotiyets-

kvs, momis, Pucase hvsvtke mahat toyetskat, Hesayecv hvsvtke merk v es fvccketskat, fvccecv meyuksv seko like here mahat toyetskat epu 'cayecet, hvse-vkerkv espokat pum vlakof, elkv en nokke estomis pume tepaketskat pu tekvpicetv etektv-nehcetskvs.

Momof erkenvkv hvmmakēs,

Heyv etecakkeyvte elvte em puyvfekv yvmv ekvnv enkvpyecicetv Hesaketvme-se Yekcetv Omvlecat, nak omvlkv hoporrenet vfastet omat, here es em momet omekv, ekvnvn ekvnvn em wiket, essun essun, ekvnv em mokken ekvnv em mokken wikēs; nettv espokat omof este omvlkv a en kvwvpketvn, momen hesaketv ekvnv vlvkvrana ocat en nene hecet, pu Pucase Cesvs Klist eteropotten; momen emet vhokkolvn vlaket, rakketv hvyvyakat ofvn ekvnvn ohfvccecvranat vlakof, ekvnv uehvtkv tepakat pvsvtkvten sossiekvres; momen este Pucase ofv nocicakat ena hopvnkvttet mvrahrkv haket, em ena vrakkat omvke hakvres, vtotketv yekeat mv eteropotte nanvke omvlkv eme mahusat elecvn svpvklece tayat vcvkvyen.

Momof heyv opunvkvn es opunahoyvres,

Opunvkvn en hake hvlwe vtet, Hoccivsv, mv pvsatke Pucase ofv pvsatkat en herakes, mucv ayat; Momes, em vtotketv take enkvvken fekvvkvren; momen em vtotketvtaket vevkvpeyet os, Puyvfekvvt maket os, cv kicen pohvyvns. Lef. 14: 13.

Estet momof yvhiketv yvhikvre here tetayan yvhikakēs, momen erkenkvvt hvmmaket mekusvrvres,

Pu'rke hvlwe liketskat, ce hocfkvvt vcakekvs; cem ohmekketvt vlvkekvs; mimv hvlwe kometske momat etvpomet yvmv ekvnnv oh momekvs; nettv vrahkv tvkliken mucv nettvn pu'mvs, momet pun naorketvn es pum wikvs, este vhuericeyat es em wikakeyat etvpomen; momet nake pu naorkepuece taye eskerretv 'sep oh ahyetskvs, momis holwakat a 'sepu'ssicvs. *Emen.*

*Mekusvrvkv Kocoknat.*

Aeha Hesaketvmese merkvn es fvccke, pu Pucase Cesvs Klist, elkv a en kvwvpketvt, momet hesaketvt omat, E'rke toyetskat, estimvt Ce'ppucen oh vkvsamat, elet o estomis, hesakvres; momen mv este hesaket oh vkvsamat elkv meyuksv-sekon elekares: pu 'yaskuset, Pu'rke toyetskat, naorketv

em elkv asossicet, fvccetv en hesaketv ofvn pu svpvklecetskvren ce'nkusapēs, momat yvmv hesaketvn wikeyof, eme ofvn fekapeyvren, momet nettv espoken este omvlkv elkv a en kvwvpketv omof cen renakv ehomvn ece 'fvceciyvken pu hechoyen, ohmerkiv opunvkv Ce'ppuce cem vnokeckusat ece 'nokecake cem penkvlakat omvllkv hvmmaket oh opunayvranat, Vwvkes, Cv'rke ec ohmerrvte toyatskat, ohmekketv ekvny vlicece vteke cem etetakuehocvkvten epucasykes, pu kicat es ep ohmerrvren pu'mvs. Aeha Pu'rke merkiv es fackusetskat, heyvny pu'metskvren ce'nkusapēs, Cesvs Klist pum Etenherkepuecv momet pu Nesv eteropotten.

Pucase Cesvs Klist en heromkv, Hesaketvmese em vnokeckv momen Puyvfekcv Vcakat em etohkvllketvt omvllkatskan ece 'pakvkekvs. *Emen.*



## TEKVPVKE IX.

## ¶ 475. TEKVN EM WIKETV HAYAT.

Nettv Pesvp mollytet orof, erkenvkety monkat emveahnetv punayvre here tetayat hoyanof, erkenkv nykaftecv hvmket em wikety hahoyvranat omvlkv Pesvp cho-mvn svpvklecet, hvmmakvres;

Heyv este e'pu 'pvkakat tekvn em wike-tv hahoyvren ce homvn svpvklecis.

Momof, e hocefhokvn pohken ohonaholyof, Pesvp hvmma-ket est em punayvkvres.

Tecakkeyvte toyatskat, heyv este tekvn em wikety hahoyvre cv homvn svpvkleho-cat ofv holwvyeckv estomet monkat nake etv hayvkhoyvre mvnvttecvr tayat hvm-kvtekatskat kerretsken omat, Hesakety-mese e hocefkv ofvn a ahtet mv holwv-yeckv monkat nak mvnvttece etvn kerkue-cekvs.

Estit naorkety monkat nake etv mvnvttecvr tayat kerkue-cen omat, Pesvp em wikety hayvranvten fekhonnicet emunken, mv este vnrvphoyat mv ohfvcevn em mvtte-kot hueret omat hechoyvres.

Momof heyv mekusvpkv kocoknan ohonahoyvres.

*Mekusvpkv Kocoknat.*

Hesakety-mese Yekcetv Omvlece, cem Mekusvpkv-cuko ofv cem vtotkvlike em wikety temvrahrvken mellet, cem vpaste-lvket mekusapv Stefen hocefken, a cen

kerrv, matv kihocat enhvteceskvn este etvt vpvkaken, tekvn em wiketv hayvkvren e feketaken nekehuecetskvte toyetskat, heyv cem vtotkvlike hiyomat em wiketv momen vtotketv mv oman oh huehhokvkan merk ofvn hecvkvs, matvpomen cem mvhaky em mehenwvn es fvcficet, em fulletv vnrvphoyeko tayat es nehicvkvs, momet em opunvkv momen em fulletv vhayvkvr here tayat etehoyvnen heyv em wiketv ofv heromet cem vtotkvkvren, ce hocefkv vraket on, cem Mekusvpkv-cuko heren etohitvrkvren, pu Hesayecv Cesvs Klist momet Puyvfekev Vcakat hiyomat momet meyuksv-sekon ece 'pvkvket liket, ohmekket omat en heretv eteropotten. *Emen.*

Momof Pesvp, monkat eltv hymke Pesvp mellat cokv vpastel Pal Temore ohtotyte aossen ohonayvres.

Tem. I. 3: 8-13.

Tekvnlke matvpomen mahlvpyvtket, tulaswv hokkolicekot, pvrko-opuswvn em vloste mahekot, vlesketv ofv nake 'se ohvtlvvyetvn eyacekot; kvsvmkv en nake ehkan eohvkerrickv hvsvtkat ofvn hvlvtaket *omvranet os.* Momen heyvu eskerrvkhoye en topvrvn, nake em mvttvkekon *hecho-*

*yen*, tekvn em wiketvn vfvstvkekvs. Matypomen e hitaket fvccet, este ohlaksvlke tokot, mahlvpytket, nanvke omvlkv ofv heromvket omvranet os. Tekvnylket ehiwv hvmkusen ocet, en hopuetaken, momet e hutetaken heren ohfvnkvyket omekvs. Mv tekvn em wiketvn heren vfvstakvtet hueretv heran, momet vkvsymkv Klist Cevs ofv ocat ofvn fekhvmketv rakken e en heckuecakekv.

Momof Pesvp mv em wiketv hayvkvanat vrahvkvvn ohvketecet, este vtelokat ehomvu heyv vphokvn 'sem 'pohkvres.

Puyvfekcv Vcakat ve ofvn cv nekeyicat eteropotten heyv em wiketv Klist em Mekusvpkv-cuko enake tat e ohwvkecvyat Hesaketvmese em vtotkaret, em vrakketv ohvtlvvyetvn momen em este yekevkvueckvn heyvn momecis, komet, enhonretske te?

*Vyo.* Mvt vm enhonrkvt's.

*Pesvp.* Cokv etohkvkke Cokv-rakko es hahoyat, Testement Vculat momen Testament Mucvsat omvlkvvn mehenwv ofvn vkvsametske te?

*Vyo.* Mvn vkvsvmakis.

*Pesvp.* Vfekcakhet, mv este em vtotketskvre cem mellvtet em ohonayet, em oh-hvyvyicetskvre te?

*Vyo.* Momares.

*Pesvp.* Tekvn em wiketv vtotketv ocat hiyomvket os: mekusvpkv-cuko en nvkvf-tetv omof eltv emvnicetv, Pucase en Hompetv vfastat mahvkvu, mvn mekusapvlken em vwahof emvnicetv, Cokv Vcacakat oh-hvyvyicet, ohonayetv: este mvnettvlke mvhayetv, momet, eltv mvn arekon omat, paptisetv.

Momen ohvtvlakat enokhokat, estemerakat, e vnicvkeko tayat hopoyetv erhecet emvnicvkhoyvren.

Vkvsvmet momet es afveket heyvn momecetskvre te?

*Vyo.* Mvn momares, Hesaketvmese vmvnicat eteropotten.

*Pesvp.* Vketeckv omvlkvn es vtotket, Klist em mvhkv vevkvyen cem vretvn momen ce hutvlke em fulletvn fvyvtetvn vcevlletskvre te? Momet momecetske taye orat Klist en yvpefikv fullat vhayetv herakan e hayet, emetakeu en hayetvn vcevlletskvre te?

*Vyo.* Hesaketvmeset vm vnicvt omen, mvn momecares.

*Pesvp.* Mv ece 'fastet ec ohfvnkvre em wikvkhoyat heren cem vcahnakof, em vpo-  
hicuset, es ece 'fvckvket em vpohicetskvre  
te?

*Vyo.* Hesaketvmeset vm vnicvt omen,  
mv momecetvn vcevllares.

Momof Pesvp omvlkvn vrahrvkvn e'kvn e'nken oh  
vvhkocicet, makvres,

Hesaketvmese em Mekusvpkv-cuko ofv  
tekvn em wicketv vfvstetv yekcetvn cen  
heckekvs, Erke, Eppuce, Puyvfekev Vca-  
kat en hocfkv ofvn. *Emen.*

Momof Pesvp omvlkvn vrahrvkvn Cokv Vcakan emvres,  
maket,

Hesaketvmese em Mekusvpkv-cuko ofv  
Cokv Vcakat ohonayet, matan es erkenv-  
ketv yekeetvn cen heckekvs.

Momof em wicketvn en heckakat hvnket, Pesvp mellat,  
Opunvkv-hervn ohonayvres.

Opunvkv-herv Luk Coyvte 12: 35-38.

Ce tetackv sewvrvket omen, cen kulke  
taket fenkvkekvs; momen centaket este e  
pucase etepvyetv ervlvkvrana emehaka-  
kat; momat vlaket, vnafkof vyvkhvmku-  
sen en hvwecvke tayvres; *mv* omvket omv-

kes. Mv vtotkvlke e pucaset vlakof vke-  
tecaken eshecat en herakes; mehenwvn ce  
kievkis, Esewvnaket, hompvkvranan vpo-  
yet, momet a oh atet, em vfvstvkvres.  
Momen vketeckv svtutcenan vlaket, mo-  
maken eshecen omat, mv vtotkvlke en he-  
rakes.

Ohmerk v opunvk v opunahoyvranusof, heyv mekusvkv  
koconcokat es emekusvphoyvres:

Hesaketymse Yekcety Omvlece, nak he-  
rakat omvlkv estemv toyetskat, momet  
heyv este cem Mekusvkv-cuko ofv tek-  
nvlke hayeyan evpyety heres kometskat,  
em vtotkety vfvstakat eyaske, e feke ofv  
kvncvpe, momet vfeckakhvken hayetskv-  
ren ce'nkusapvkeyet os: momet Aeha Pu-  
case toyetskat, komety here, nanvke es-  
tempuyvfekev en lopickv melhoyvte vca-  
yecety metetaken emvkvs, momat eohv-  
kerrickv heren oce munket, momet estofis  
Ce'ppuce Klist ofv nekeyihocekon, yekcet  
svpaklet, heyv em wikety kvncapan heren  
vfvstaken, cem Mekusvkv-cuko ofv em  
wikety senhvlhvwe ocakat ohhuehokvre he-  
retv orices komhoyvkuren. Ce'ppuce pu  
Hesayecv eteropotten heyv n momecvke ta-

yen hayvs, momen vrakketv vrakkueckv tepakat em ocvkekvs, ekvnv meyuksv-sekan. *Emen.*

Nanvke momeceyat omvlkv ofv cen heromkv yvmaskusan es pun homahtetsken, pum vnicetske emunkat heren vpeyeye munkvren pu hayekvs; momat pum vtotketv omvlkvŃ ec ofvn vliceet, vyecicet es poyeyat ce hocfkv vcakan vrakkueceyvren, momet espoken, cem merkŃ etehoyvnen, Cesvs Klist pu Pucase eteropoten, hesaketv meyuksv-sekon epoyeyvren. *Emen.*

*OhmerkŃ Opunvkv.*

Hesaketvmese en herkv kerretv omvlkv semuntalat Hesaketvmese momet E'ppuce Cesvs Klist pu Pucace em vnokeckv ofvn ce feketake momet cem vkerrickvtaken vcvyecvkekvs; momen Hesaketvmese Yekcetv Omvlecat, Erke, Eppuce, Puyvfeckv Vcakat em ohmerkvt cem etenrvvv taken ocet, estofis ece 'pakvkekvs. *Emen.*

## TEKVPVKE X.

## ¶ 476. ELTV EM WIKETV HAYAT.

Nettv Pesvp mellvtet orof erkenvketv monkat estemveah-  
netv eltv em wiketv hahoyvranat nake vfastet momecv-  
kvranan kerkuecet, momet Klist em Mekusvpkv-cuko  
estomen eltv em wiketvn enkusapket omat, momet es-  
tomet estet mv em wiketv svpaklan vrakkuecvkvranan  
kerkuecat oevres. Mv hoyanat eltv hvnkat eltv em  
wiketv hahoyvranat omvlkvn Pesvp ehomvn svpvkleh-  
cet, makvres:

Heyv este yvmvn svpaklan eltv em wi-  
ketv hahoyvren ce homvn svpvklecis.

Momof e hocefhokvn pohken ohonahohyen, Pesvp esten em  
punayet makvres:

Tecakkeyvte toyatskat, Hesaketvmeset  
komen omat, mv mucv nettvn eltv em wi-  
ketv hayvraneyat heyvt omakes. Hiyo-  
met omekv, ohvketeckv momvre taye ho-  
yanat, heyv vtotketv momen em wiketvn  
fvccvn ohhuehoket os, momet mv vfvste  
tayat heretv orices, komeyat vnrvpen na-  
ken eshecēkot os; momis ece 'pakvkat  
hvnket naket mvnvttece tayan, monkat  
naorketv estomis momecvte, mv vrahkv  
heyv em wiketvn hahoyeko tayan kerrets-  
ken omat, Hesaketvmese e hocefkv ofvn  
aahtet, mv naorketv monkat mvnvtteckv  
estomet omat kerkuecekvs.



Estit naorketv monkat nake etv mrvnttecvr tayan kerkue-  
cen omat, Pesvp em wiketv hayvranvten wiket emun-  
ken mv este vnrpfoyat mv ohfvcevn em mvttekt hue-  
rat hechoyvres.

Momof Mekusvpkv Kocukne, opwnvkv Pal coyvte asosse  
momen Opunvkv Herv Cane coyvte asossen pohken  
ohonahoyvres, hiyomvken:

*Mekusvpkv Kocoknat.*

Hesaketvmese Yekcetv Omvlece nanvke  
herakat omvlkv estemv, cem Puyvfekev  
Vcakat eteropotten cem Mekusvpkv-cuko  
ofv cem vtotkvkke em wiketv mvrahrkvvn  
melletskvte toyetskat, heyv cem vtotkvkke  
mucv elt v em wiketvn ohhuehokan merk v  
ofvn oh hecvkvs, momet cem mvhakv em  
mehenwetvn es fvcecet, vretv hvsvtken es  
nehicvkv, momat em opunvkv momet vre-  
tv vhahoyvre here tetayat eteropotten heyv  
em wiketv ofv heromet cem vtotkvkvren,  
ce hocfvkv vrakket on, cem Mekusvpkv-  
cuko heren etohtvrkvren, pu Hesayecv Ce-  
svs Klist momet Puyvfekev Vcakat hiyo-  
mat momet meyuksv-sekon ece 'pvkv tet  
liket ohmekket omat en heretv eteropot-  
ten. *Emen.*

Cokv Pal Efesvlken Coyvte 4: 7-13.

Epu 'rahrkvvn Klist em estemkv svho-

pakv vcvkvyen heromkvn pu'mvtet os. Monkv, Hvlwen vkwapakof, svlvfketvn svlvfkuehcet, emkv estemakvtes, maket os. (Tokvs, vkwvvpkat naket o haks, homvn ekvnv sufsuke mahan vk hvtapkvte tokon omat? Hvtapkvttet, mv nake omvlkvn fvefievret, hvlhawat omvlkv senhvlwe vkwvvpkvttet mvt omes.) Momet emakvte vpastelvlke sasen, ovalvlke sasen, opunvkv-herv esfullvlke sasen, *erkenvkvllke* mekusvpkv-cuko vhecivlke momet mvhayvlke sases; mekusapvlke mvherickv svrahkvn, ohfvstetv vtotketv momet Klist em ena here tohtvretv svrahkvn: momēt emunken omvlkeyat vkvsvmkv momet Hesaketvmese E'ppuce kerretv hvmkusetv este-hunvnwv etemvpoken, momet em fveketv rakketv svhopakvn roriceyvres.

Opunvkv-Herv Cane Coyvte 10: 1-16.

Mehenwvn, mehenwvn ce kievkis, Estit yvpefikhute em vhauken eceyekot, etvmin vcemket on omat, mvt horkopvt ot, svpenkvlevt os. Momis estit vhauken eceyet on omat, mvt yvpefikvhecivt os. Mvn vhaukvheciv en hvwecet os: momen em

opunvkv en hake yvpefikv pohaket os: momen en yvpefikv hocefhuecet enhuehket, enhomahtet esosset os. Momet en yvpefikv vpeyecicof, ehomvn ayet on, yvpefikv vevkvpeyet os, em opunvkv en haken kervket omekv. Momet este en kerkvkekat vevkvpehyekos, momis em pefatket os, este en kerkvkekat em opunvkv en haken kervkekat omekv. Heyv svhopakvn Cesus es em punayet omvtes; momis nanvke tat kerrvkekates, mv em punayat. Momen Cesus hvtvm kicakvtes, Mehenwvn, mehenwvn ce kievkis, Vnet yvpefikv em vhauke toyis. Cv homv yievte omvlkv horkopvlket ot, svpenkvlecvlket os: momis yvpefikvt em vpohievkekatet os. Vnet vhauke toyis: este estomet cv tehoyvnen eceyet on omat, mvt hesakvres, momet eceyet eraosset, nanopkv hecvres. Horkopv vlvkekat os, horkopkvn, electkvn momet nak yvmahketvn komeko vtekat: *vn yvpefikv* hesaketv en heckvkvren vlvkvvyvtet os; momet sulke mahen en heckvkvren. Vnet yvpefikvheciev herat toyis; yvpefikvheciev herat yvpefikv vrahkv en hesaketv vvkecet os. Momis este pvlhoyat tat, yv-

pefikvheciov *mahhe* tokot, yvpefikv e pu-  
 case tokon omat, yvhv vlaken hecis, yvpe-  
 fikv wihket, letkes, momen yvhvt cawet,  
 yvpefikvn vwaheces. Este pvlhoyat let-  
 kes, pvlhoyet omet, yvpefikv senaoricekot  
 omekv. Vnet yvpefikvheciov herat toyis,  
 momet vn yvpefikv kerrin, cvnake cv ker-  
 rvket os. Erke cv kerrat etvpomen vneu  
 Erken kerryet os: momet yvpefikv vrah-  
 kv vn hesaketv wvkecit omis. Momet yv-  
 pefikv etv ocvyet os, heyv hute vtehkat to-  
 kon, mvu sylvkvranyet os, momen mvt vm  
 opunvkv en haken pohkvvres, momen fulle  
 hvmkusen, yvpefikvheciov hvmkusvres.

Momen mv hoyanat Pesvp em punvyaket hvmmakvres:

Tecakkeyvte toyatskat, ec ohvketecet  
 vpohkvñ cen hayeyof, momen opunvkv es  
 cem vcahnvkeyat ofvn, opunvkv vcacakat,  
 Opunvkv-herv, momet vpastelvlkē vcaca-  
 kat nanvke coyakvte asossakan heyv em  
 wiketv vcake cem mellvkvte en rakketv  
 momet em vrakketvn pohhatskes. Momen  
 hiyomat, pu Pucase Cesvs Klist e hocefkv  
 ofvn hvtvm cem vcahnvkeyet os, vrakketv  
 estomēn momet em wiketv cem mellvkvte  
 en honne estomet omat vkerricatske emun-

kvkes: cem vtotketv take heyvt omen, Pucase em opunvkv es fullvlket, em vke-tecvlket, momet en nakvfastvlket omet, en cuko-vtehkvlken mvhayet, em vcahnet, hompicet, nanvke enkusvvpkakat en hec-kuecvranatsket os; momet Klist en yvpe-fikv vwahakan, momen en hopuetake yvmv ekvny holwvke fullan hopoyatskvres, Klist eteropotten meyuksv-sekon hesahokvren.

Enhonrkv heren eceyat heyvt os; hiyome oreko hofunen omvlkatskat ec ofv taken heyv nanvken heren ohvkerricet, sv-tarkuecatskvtes, momet here es em momet on heyv em wiketv Hesaketvmeset ec oh huehkvkaten, Esfvcken vfasteyvres, komet, heren hecet, cem vkerrickvn hayatskvttet os, Hesaketvmese en heromkv eteropotten, momat momecatske tayat oren, heyv nake hvnken esfvcken e emet, senao-rickv momen nanvke ohvkerrickv ocatskat omvlkvn heyvn ohocatskvres, momet Cesvs Klist pu Hesayecv hvnkusat cem emekusapvkat eteropotten vnickv hvlwe vte Puyvfekev Vcakat esteman estofis Hesaketvmese Pu'rken em 'pohatskvres, momat nettv vrahkv Cokv-Rakkon ohonaye svtarkue-

catskat eteropotten cem vtotketv ofvn ohvtvlaken mahet, ohvtvlaken ce yekcvke hakatskvren; momet ce hutvlke take esyomatskat cem vretvn hvsvtecet, Klist em vhakv em mvhakv tepakat vcvkvyen fvyvtetvn vcevllatskvres, momat vhopakv momet esvhayetv herake, estet e en lopicet vcvkvpeye tayat hakatskvren.

Momen hiyomat heyv este ymvn vtelo-  
kat heyv nanvke ohfvcev cem vkerrickv-  
take momen nak komatskan kerrvkvren,  
momen heyv temfaccatskat ohvtvlaken cen  
nakvfvstetv momecetvn ce hayvkvren, my  
ohfvcevn heyv vpohkv Hesaketvmese e ho-  
cefkv momen em Mekusvpkv-cuko e hocef-  
kv ofvn cem 'pohvkeyan kerkusen pum  
vyoposkatskvres.

*Pesvp.* Pu Pucase Cesvs Klist komat ete-  
ropotten mehenwvn eltv em wiketvn ep oh-  
huehokeyet os, ce feketake vten vkerri-  
catske te?

*Vyo.* Momes, komis.

*Pesvp.* Cokv Vcakat ofv mvhakv hesa-  
ketv meyuksv-seko Cesvs Klist vkvsvmkv  
eteropotte ocat ohfvcev es pu mvhahoye  
taye pu'nkusvpkakat omvlkvt ocet os,

kome heret vkvsamatske te? Momet mv Cokv Vcakat aossen este vhecicatskvre cem wikvkvten emvhayet, Estit hesaketv meyuksv-seko heckuecetvn eyacen omat, heyv momecvranat tvlkuses, maket, est emvhayvkares, Cokv Vcakat momēn mvhayekon omat; momet nake Cokv Vcakat ofv ocat, momet mv aossen eskerhoye tayat tvlkusen est emvhayares, komet, cem vkerrickv taken hayatske te?

*Vyo.* Hesaketvmese en heromkv eteropotten momēn vkvsamit, momēn vm vkerickvn hayis.

*Pesvp.* Monkv Klist em mvhakov, en nakvfvstetv vcacakat em vhakov esyomen Pucase kicvte vevkvyen estofis vhericet vke-tcet vfastatskvre te?

*Vyo.* Pucase vm vnicat eteropotten mvn momecares.

*Pesvp.* Vfekcakhety omvlkvn es vtotket, mvhakov estomahvke momen mehenwvkeko Hesaketvmese em opunvkv vnrve ocakat etvn vtoketv metetaket, enokhokat momen cvfencakateu vhecicatskvre cem wikvkvte omvlkvn, este sulke monkat hvmkusen, holwakat em vsehetv monkat heren

em vcahnetv, kusvpketv monkat cem etek-  
tvnke ocat vcvkvyen, metetakvket svpvk-  
latskvre te?

*Vyo.* Momares, Hesaketvmeset vm vni-  
cvt omen.

*Pesvp.* Mekusvpkv Cokv Vcakat ohona-  
yetv momen nakcokv Cokv-Rakko kerretv  
est em vnicvke tayat ohvketeckv ofvn hue-  
ret, mv cokv ekvny enavpeswv tepakat  
kerretv ohfvccv ocakan etvn vkueyet sv-  
paklatskvre te?

*Vyo.* Hesaketvmeset vm vnicvt omen,  
mv momcetvn vcevllares.

*Pesvp.* Vfekcakhety omvlkv es vtotket  
Klist em mvhaky vcvkvyen cem vretvn  
momen ce hutvlke em vretvn fvyvtetvn  
vcevlet, momet momecatske taye oren Klist  
en yvpefikv fullat vhayetv heren e en ha-  
yet, emetakeu vhayetv herakan en haye-  
tvn vcevllatskvre te?

*Vyo.* Mvn komet vtotkares, Hesaketv-  
meset vm vnicvt omen.

*Pesvp.* Mekusapvlke omvlkv, momen  
este cem vhecickv mahkvvu em etenrvvwn  
mahlvpytketv, herkv, vnokeckv esyomen,  
momecatske taye oren hvlatet, ohvtvlaket  
ayvren vtotkatskvre te?



*Vyo.* Mvn momares, Hesaketvmeset vm vnicvt omen.

*Pesvp.* Erkenkv cen homvhotv, mv ece 'hecicet, cem fvyvtetv em melhoyvten vrakkuecet, em vpohicet, heren cem vcahnvkof, mv vcvkvyen ece 'fvcket kometv heren es momecet, fvececkv fvccakat elevn svpvklatskvre te?

*Vyo.* Mvn momares, Hesaketvmeset vm vnicvt omen.

Momof Pesvp hueret, makvres:

Hesaketvmese Yekcetv Omvlece, heyv nanvke omvlkv momecetv eyackv ce'mvtet ohvtvlakat mvn momecatske tayan yekce momen yekcetvn ce'mvkate! momat em vtotketv ec ofv take vliceevten poyvret, pu Pucase Cesvs Klist eteropotten. *Emen.*

Heyv hoyanat, este nvkaftat e feketake ofvn heyv nanvke omvlkvn eyaskuset enkusvpketv ofvn Hesaketvmesen emekusvpkvren em 'pohohvranet os, momen heyv mekusvpkv vrahkvn evyayvket oevres.

Mv hoyanat, em wiketv hahoyvranat omvlkvt tokketokvres, momen Pesvp vliceen, heyv mekusvpkv opunvkvn opunayen, entake este vpvltake esyomat vyoposkvkvres, hiyomën:

Puyvfekev Vcakat vt's,  
Pum puyvfekevn fvceevs,

*Momet totkv hvlwe vten*  
*Pu feken es pun hiyyecvs.*  
 Herkv es pum vfeyvt ot,  
 Puyvfekev Herat totskes.  
*Estemkv kolvpakaten*  
*Hvlwe awan pu'metsket os:*  
*Emahlvptketv heren*  
*Hesak'tvn mon vnokeckvn*  
 Este 'sem vfeyetsket os.  
*Pun renakv hopvnkvten*  
*Hvyayvken es vfeyvs.*  
 Heromkv 'sfvcke toyetskat,  
 Mvn pu turofvn 'svfeyvs.  
 Pu'nrapvlken pum vkueyvs;  
 Pu huden herkvt ocekv;  
*Pum fvyatv totsken omat,*  
*Holwakat ep oh vlahkek's.*  
 Erke momet Eppuce tis  
 Ceme esyomatskat 'stofis  
 Hvmkuse toyatsket omes.  
*Yvn kerraken pu halicvs,*  
 Momat Hesaketvmese  
 Hvmkusen 'kvsvmeyvres:  
*Yuksv-sekon yvhik'yvres.*  
 Erke, Eppuce, 'Yvfekv  
 Herat esyont Cehofvt ont,

*Cen heretv yuksv-sekat,  
Vkusvmkv em oceks.*

Heyv hoyanat, Pesvp, *Mekusvpkeres*, maket, hiyomēn  
mekusvpres.

Hesaketvmese Yekcetv Omvlece, Pu'rke  
hvlwe likat toyetskat, cem vnokeckv cen  
heretv tepake vhopvyēsko tetaye pum  
ocetskat omecicen Ce'ppuce Cesvs Klist  
cem vnokeckuse pun Nesv momet hesake-  
tv meyuksv-seko heckuecv taranen emets-  
kvtes; momen emet, em elkv eteropotten  
esfvcken pvlken pu nehset, hvlwan vkv-  
wapkvte hoyanat em vpastelvlke, em owa-  
lvlke, em Opunvkv herv esfullvlke, mvha-  
yvlke, en yvpefikvheciavlke esyomen ekv-  
nv hvmkvv vtotvtes: momet heyv em vtot-  
ketv em erkenvketvu eteropotten ce hocef-  
kv vcakat meyuksv-seko vkvsvmkv hec-  
kueckvn ekvnv omvlkv asossan yvpefikv-  
fulle senrakken vteloyvtes: heyv nak ses-  
tenlopickv rvkrvke cen heretvy meyuksv-  
seko est en heckuecvte vrahkvv, momen  
cen yvmvsketv ofv heyv este cem vtotkv-  
ke mucv epu'pvkakata mata vtotketv momet  
em wiketv estet hesaketv meyuksv-seko en  
heckvkvre ohfvcev ocakan melletskytet

omekv, pu feke vten vkvsvmkvn ce'meyet os: ece 'kvsamet, ece 'rakkueceyeyet os: momen mv este yvmvn monkat estvmvt o estomis ce hocefkv vcakan ohhuehkeyat omvlkvt heyv es pun lopickv opunvyeyeyat momen lopickv etv omvlkv vrahkvn emomecicet emunken ece 'kvsvmaken e heckueceyvren Ce'ppuce vkvsvmkat eteropotten pu'metskvren eyaskuset cem 'poheyet os: momet Puyvfekev Vcakat eteropotten nettv vrahkvn ceme Ce'ppuce tepakatskat kerretv ofv ohvtvlaken vpeyeyet, ohvtvlaken pun heckvren cem 'poheyet os; momat heyv cem vtotke erkenvkvke momet mv este heyvt vhecicvkvrana em vtotketv eteropotten ce hocefkv vcakat meyuksv-sekon vrakkuehocen, cem ohmekketv afveketv mehenwen svlakat ohvtvlyke mahen rakkuehocvren, Ce'ppuce Cesvs Klist pu Pucase, mv ceme, Puyvfekev Vcake esyome meyuksv-sekon ohmekkatskat ce hocefkv eteropotten. *Emen.*

Heyv mekusvkv hoyanat, Pesvp eltv ypoke esyomat eltv em wiketv en heckvkvrana omvlkv vrahkv e'kvn e'nke taken ohvvhokievres, en heckakat eyaskuset e torkovvn tokketoket omen, momen Pesvp hvmmaket omen.

Hesaketvmeset Puyvfekev Vcakan ec oh

kalate! Hesaketvmese em Mekusvpkv-cuko ofv eltv em wicketv hiyomat pu'ne ohwvkhokickv etehoyvne cem wihokat vrahkvn. Momen cemet Hesaketvmese em opunvkv momet en nakvfvstetv vcacakat vfastv heromet omvs: Erke, Eppuce, Puyfekev Vcakat e hocefkv ofvn. *Emen.*

Momof Pesvp tokketokat vrahrvkvn Cokv-Rakkon e'ne  
ofvn licet makvres:

Este nvkvftetv ofvn Hesaketvmese em opunvkv es erkenvketv momet en nakvfvstetv vcacakat est em vfvstetv yekcetv cen heckekvs.

Momof Pesvp makvres,

Pu'rke merkv es fackusetskat, heyv cem vtotkvlike cem merkv hvlwe atan a oh hvtypecicetskvren ce'nkusapeyet os, fvcetvn accet, cem opunvkv e cukwvt opunayakat esohfacken, estofvn ehvperkvn omekaren. Momen ohvtvlakat, heyv pu'mvs; heromkvn pun heicken, nake cem opunvkv vcake mahat aossen, monkat mv vevkvyen opunvyakat etehoyvnen vhesaketvn heckueceyvren, momat pu Pucase Cesvs Klist eteropotten pum opunvkv pum momeckv esyomat omvlkv ofv cem vrakketvn momet

cem ohmekketv ohvtvlkvren hopoyeyvren. *Emen.*

Aeha Hesaketvmese, nak momeceyat omvlkv ofv cen heromkv heran es pun homahtet, pum vnicetsket emunken es epu 'pvyecvs, momat pum vtotketv ec ofvn vlicecet, vyecicet, espoyeyat omvlkv ce hocefkv vcakan vrakkueceyvren, momet espoken cem merk v etehoyvnen, Cesvs Klist pu Pucase eterpotten hesaketv meyuksvsekon heckueceyvren. *Emen.*

*Ohmerk v Opunvk v.*

Hesaketvmese en herkv kerretv omvlkv semuntalat, Hesaketvmese momet E'p-puce Cesvs Klist pu Pucase em vnokeckv ofvn ce feke momet cem vkerrickvtaken vcvyevkkekvs; momen Hesaketvmese Yekcetv Omvlecat, Erke, Eppuce, Puyvfekv Vcakat em ohmerkvt cem etenrvwv taken ocet, estofis ece 'pakvkekvs. *Emen.*

## COKV-VHORKVSKE.

---

### I.

ESTE CATE EM MESVNELE KANFELVNS EM  
VFULOTKE VHOPAKVT.

¶ 492. Este Cate em Mesvnele Kanfelvns vfulotke vhopakvt hiyome tares; en honervn Kansvs Ekvntvckv, hvsossv-fvccv Mesole Akensv tepakat, em wvhvln Uecate-Rakko, momen hvsyklatkv fvccv Cvto Ekvnhvlhawat.

---

### II.

COKV HECETV EM ETECVKVYETV.

---

¶ 525. OHVKETECKV VRAHKV ASCEYI-  
HOCKV.

Nakcokv-Rakko, em mvhakv ocakat ohfvccv; Vkvsvmkv eteropotte Fvce ome hueretv ohfvccv Erkenvketv Wesle coyvte; hvtvm Puyvfekev Herat em Ohkerkueckv ohfvccvu coyvte; Cokv, Teseplen Nak-

cokv hocefkat; momen mv nakcokv cokv-mvhakv cuko lopuckat ofv mvhahoyat.

(Este erkenvketv-lisens eyacat, Este Cattet omet, Este Hvtke em punvkvn kerrekon omat, Este Cate em punkvv nakcokv ocakat ohfvccvn ohvketehocvranet os; nakcokv hiyomakat; Nakcokv Rakko asossat, Ceneses, Cokv Esvkvsvmkv, Testament Mucvsat esyomat; momen Cokv Setempohetv; momen heyv cokv, “Wvhvlv Merotest Epeskopvl Mekusvpkv-cuko em Mvhakv Seemfvyatkv esyomat” hocefkat. Heyv cokv cahkepat kerretv ohfvccv ohvketeckv heren etehoyvnen omat, lisens emhoye taves.)

#### ¶ 526. OHROLOPE ENHVTECESKV.

Opunkvv Testament Mucvsat Ohhvyyv-yickv, Opunkvv-Herv ostat Vpastelvlke em Fulletv esyomat ohfvccv Wesle coyvte; heyv cokv, Teseplen Nakcokv kihocat; Mekusvpkv-cuko em Vhakv ohfvccv Cokv Setempohetv Makteyv, (McTyeire), coyvte; Cokv, Watsvn em Enstetuts hocefkat, Tekvpyke 4; Mvhakv Esohhueretv ocakat Wesle coyvte, Erkenvketv 1-26; Vcagnetv



Opunvkv Flecv coyvte; erkenvketv Vker-  
rickv-etickv ohfvcev ohhoccicetv cokv cvp-  
kat en typekse oste esfvcfakat oren, mon-  
kat sensulkis, erkenvkv taranat coyvte.

¶ 527. OHROLOPE SVHOKKOLAT.

Opunvkv Testament Mucvsat Ohhvyy-  
yickv Wesle coyvte, Cokv Vpastelvlke co-  
yakvte Lefelesvn esyomat ohfvcev; Watsvn  
em Enstetuts, Tekvpvke 3; Cokv, Teseplen  
Manyuvl hoccfkat; Paptiskv Opunvyeckv  
Svmvs coyvte; Erkenvketv Etetakuehce  
momet Eserkenvketv tepakat Opunvyeckv  
Platvs coyvte; Mvhakv Esohhueretv oca-  
kat Wesle coyvte, Erkenvketv 27-52; er-  
kenvketv Vkvsvmkv eteropotte Fvce ome  
hueretv ohfvcev erkenvkv taranat coyvte  
ohhoccicetv cokv cvpkat en typekse oste  
esfvcfakat oren, monkat sensulkis.

¶ 528. OHROLOPE SVTUTCENAT.

Watsvn em Enstetuts, Tekvpvke 2; Oh-  
kalvlke em Emekusvpkv-cuko Ohonvkv  
Makteyv coyvte; Cokv Setempohetv Sen-  
hvlwat Hesaketvmese ohfvcev Pop coyvte;  
Estempuyvfekev Kerretv Esvliceckv oca-  
kat Potv coyvte; Puyvfekev Herat em Oh-

kerkueckv ohfvccv erkenvketv ohhoccicetv cokv cvpkat en tpekse oste esfvcfakat oren, monkat sensulkis, erkenvkv taranat coyvte.

¶ 529. OHROLOPE ESOSTAT.

Watsvn em Enstetuts, Tekvpvke 1; Klist em Mekusvpkv-cuko Ohonkv Fesv coyvte; Vnokeckv em Vhakov Opunvyeckv momen Vnokeckv Vhaktv omat Opunvyeckv Hapkens coyvte; Opunkv Esvkvsvme-pueckv Opunvyeckv Tikvt coyvte; erkenvketv Svnvcomv-hecketv ohfvccv ohhoccicetv cokv cvpkat en tpekse oste esfvcfakat oren, monkat sensulkis, erhenvkv taranat coyvte.

—

III.

PESVPVLKE EM ETOHKVLKETV  
EM FVCCECKV.

—

¶ 544. OPVNKV.

Erkenvkv fekhonnvn vnrvpe opunvye-hocvtes, ymvv ekvvv este em opvkv ohfvccv kerretvn mvhahoyvre etektvnecvte

vrahkv; momen erkenkv nvkaftecv, Mvn momecat Teseplen em vhaKuce, “cvpvkktv, opunkv nakmomeckv esyome hervekan” em vsehat elecvn fvccehocvranet os, maket fvccecvtes. Rohvpohkvt kvwv-piken, Pesvp heyv fvcceckvn ohvkvsvamvtes, hvmmaket; “Estvmv estomis opvkv momat kerretv mvhayetv, monkat estvmv estomis hoktve hunvntake esyomat etemopvnakat Teseplen momen Testament Muevsat nak mvhayakat vnrvtet os;” momen Pesvplke omvlkvt ohvkvsvmakvtes. (1858.)

---

 IV.

 EKVVV EM AFVCKETV.
 

---

Heyv vkerrickv haktve elec v ocan Kvmete Mekusvpkv-cuko en hueretv estempuyvfeckv ohfvccv ocat ohonkv tetakuecvkvrante opunkv-cvpkueckv hayaktve enhomv opunkv taranan Ohkalyvke en Teseplen vhorkvskv cokv ocat vpikvres, Cenevl Kanfelvns 1890 omof nvkaftat makavtes, momet eenakuecavtes.

¶ 628. *Vkerrickv hakat*, Pum Pesvplike em fvececkv kerkuccakat ohrolope ostonvlkv opunvkv-cvpko Cenelvl Kanfelvns ehomv wvkeccakat ofv omahvn ocakat, momen Kvmete vtehkvlke palen cahkepohkake vtehkat esfveken esopunayakvtet, opvkv, revtv oh ayetv, cokv es ahkopvnetv momen ekvny em afveketv mv omakat Klist vnokeckv naken okat vnrvtet os; momen mvt pum Mekusvpkv-cuko em vha-kuce Ohkalvlke omvlkv vrvheccakat, en Teseplen holwvyeckv vnrvtet ocat, momen pum Mekusvpkv-cuko vtehkvlke nanvke temfveccakvten kvccaket os. Monkv pumet Pesvplike em fvececkvn pu feke vten ohvksameyet os, vhakv nanvke mv omakan vrvhecat mv fvececkv naken okakat ofvn ocet os, fvccvn momet mehenwvn yvtek-hoyen omat, komet; momen mv fvececkvn eenakueceyet os, Teseplen ofv ocakvten omat etvpomen yekce yekcetv tepakan ocvket os, komeyet omekv.

Cenelvl Kanfelvns 1894 omof nvkaftat vkerrickv hakat elec v ocan ohvksamet, eenakue cakvtes:

¶ 629. *Vkerrickv hakat*, Opunvkv-cvp-

kueckv cokv Teseplen vhorokvske ofv oce, 1890 omof vpikvtet Teseplen 1894 omof hahoyat en Cokv-vhorokvsken vpikvres.

### OPUNVKV-CVPKUECKV.

Opunvkv-cvpkueckv Kvmete este palen cahke-pohkaket vtehkak Mekusvpkv-cuko en huerretv estempuyvfekvtake ohfvccvn hayakvtet:

*“Wvhvlv Merotest Epeskovl Mekusvpkv-cuko em Erkenvkvlke Vtehkvlke esyomatskat.*

¶ **630.** TECAKKEYVTE TOYATSKAT, Mekusvpkv-cuko en hueretv estempuyvfekv ohfvccv ocat ohonkv Pesvplket 1874 omof Mekusvpkv-cuko vhecicvlket omet em punayaket, momet mvn opunvyecakvtes, momet Cenelvl Kanfelvns vhakvn emaken, hvtyv tvlemihocvtes, 1882 omof. Mv ohonkv momof mehenwe tate etvpomvranusen hiyomat Mekusvpkv-cuko en hueretv ohfvccvn mehenwet omen pu feknokho ket pu komepuehocet os. Nanvke mv esvrahkvn vkvsvmkv heren Hesaketvmese Yekcetv Omvlecan emvraneyan, merkv estomahakan pun Sivn es em merrvte vrahkvn, ohvkerricet opunvvecakat hoyanan opunvkv hiyomvken ohvpyvaket os. Heyv ohvkerrickv ofv nake estafvcecice tayat hece-

yet o estomis, nake pum ekvsvmkv afvce-  
 cice tayan hecēkos, momis nake pu feke  
 kvncvpkv ohvtvlyetv, nake pu feke es  
 nokkickv momen vkerrickv etickv hayvke  
 tayat sulken heceyet os. Hesaketvmese  
 vnokeckv pu feke ofv ocat, pum eehvper-  
 kueckv, Klist vrahkv pum vtotketv, fek-  
 cakhetv esyomat pum vhonkvtkv en sulke  
 hakvten oricvkekatet os, momen momēt  
 omen, nakcokv seemfvyatkv, momen na-  
 nvke mekusvpkv ohfvccv eskerkv oceyat  
 hofunen vrakkuehocvte mahvkvu oricvke-  
 katet os. Pum mekusvpkv en likvt on  
 omat, Nakcokv-Rakko em mehenwetv oh-  
 fvccvn fvccvn vkerricet, momēt omvlkv-  
 ranuse ohfvccv pum fulletv ofv temvpoke  
 omvket, vkvsvmvke tayat omeye estomis,  
 Opunvkv-herv em vhakv kerkakusen enhv-  
 tečeskv eenakueceyvtet enkvpakeyvte ocet  
 os. Ekvnv vnokeckv mahlvptkeko ta-  
 yat, nakockv, vccvke seemfvyatkv, seafv-  
 cecickv esyome vnokeckvt hvmeccet pum  
 este em etenrvwn e vwahecet, em puyv-  
 fekv etemvpoketvn vhopanvtet os. Seem-  
 fvyatkv esemvpeyēt Ohkalvlke tvlkuse  
 ocakat etewolen heren vfvstekot, monkat

wihokvtet omes, momen teseplen este en here oce tayat enrecvpketv pun yekcen cutecicet, oketv hiyome vpokeyat ofv holwvyeckv vnrype pum akerkueckvn vhopanvtet os. Heyv nanvke holwvhokan oh vpeyat, ekvny, enavpeswv, puyvfekev holwakat esyomat estofis epu 'tohkakat, momen 'nenuce vculvke' em fiketvn cem vkerrickv mekusapusan ohhuehkeyet os."

¶ 631. Heyv opunvkv-cvpko em eyuksvn mv Pesvplke Hesaketvmese vnokecvke pvsatkat e hocefhokv vlumhet os: Pen (Paine), Pevs (Pierce), Kafena (Kavanaugh), Witmyn (Wightman), Mafen (Marvin), Taket (Doggett), Makteyv (McTyeire), momen pum Pesvp Pesvplke punake omvlkv semvcule likat e hocefkv vliket os. Heyv opunvkv-cvpko ofv yupusan heyv nakkerkueckv resenhvyayvken momet yekcen hahoyvte ocet os:

¶ 632. "Cenelvl Kanfelvns espoke nvkaftvtet Ekvny em Afvcketv ohfvccvn heyv mvhakv kerkusan emakvtet os. Hi-yomat mv mvhakvn hvtvm emeyet os. Heyv afvcketv, Opunvkv-herv em vkerrickv momen naken okat vcvkypeyeko tayes,

makat, en yekce estomusis cutecicēkot os, momen estempuyvfekcvtake em penkvlvk ofvn svpvklecet os, makat. Heyv afvckety cahmelikv sulke momet mykerrvke mahat estofis naorkepueckv momen vhopvnetvn hayaket os: momen Hesaketvmese em opunvkv, Holwvhokes, maken, Ohkalvlke em vhakuce omvlkv vrvhecakat hvmke ‘mv afvckety Pucase e hocekv ofv sea-fvccicēsko tayan’ em vsehat matan maket os. Heyv vnrpe fvcceckv opunvkv kerkuset, etempokuset os, momen ‘Pucase Cesvs e hocekv’ heyv ohfvccv es vkerrihocat eskerkv fvccecat os, momen em fvcceckv ohfvnkat heyv vpohkvn es pu mahlypvtket em wikeyet os. Heyv afvckety heyv eskerkv est vkerricepuece tayat ehomv svpvkleko tayat vpvkakat, ekvnyv este em opvkv est e hute ofv ocakat, momen tvleme hece opvnhoyat mvt omakes, Klist em vtotketv em vkerrickv mvhayeyat tempokusen vnrvpēt omekv. Este mvn wikeko tayan omat, Mekusvkv-cuko em wiketyv ehomv taken huehken omat, fvcvvn momecaket os.”

¶ 633. Heyv Cenelvl Kanfelvns, cokv



sahkopvnetv, revtv oh vyetv, corakko setemvrkv oh vyetv, svkvse ocakat momen mv omakat oh vyetvn heyv ohfvceckv ofv etan hvlateyet os, omvlkvt etemmomvlkuset Nakcokv Rakko vnrvpēt omakekv, mvt kerkuecet, “yvmv ekvNV en hessetvt Hesaketvmese vnrvpkvt os,” maket omekv, vhakuce Ohkalvlke omvlkv vnrvpēt, momēt etemfvccetv pum Mekusvpkv-cuko vtehkvlke omvlkvt em vkerrickv mahusat vevkvyen e ohwvkecakaten vnrvpēt omakekv. Heyv pun Teseplen em vhakuce es kackv, opvkv omēn mv vhakuce elecvn esfvshoten omat, fvccvt os.

¶ 634. Nake es emvherihoce taya? Enhvteceskv mahhen cuko-hvmecvlke enhomahtvlken ohhuehkeyet os, mome tvlkusat vevkvyen Mekusvpkv-cuko em vnicv semvNVckvket omekv. Hopuetakerkvlke momēt eckvlket emvhakv momen vretv esvhahoyvre tetayat eteropotten pum Mekusvpkv-cuko vtehkvlke mvnettakat afvckettv ekvNV este vnokecvke mahan e en hvltvkvren sulken momecvke tayet omekv. Pesvpvlke em opunvkv-cvpko mv aosse entis es opunahoyeyat ofvn hiyomēn maka-

ket omes: “Cuko-hvmecvlke ocakat sulket estehute mekusvpkvn tayen vfekhonnaket omat ohrvnkeko taves. Nak holwvke ocet os, mahokat taye mahan pohket os, momet pumet mv ohfvcev n vketecayat, Momen okhoyes, pu komepuecet os. Nakemetv Hesaketvmese ehomvn esyihocvranat, hvthvyvtke yafke tepakan Cokv-Rakko ohonvyetv, vkvsvmkv, mekusvpkv esyomen pu hute em altv oceye omēt esyicvraneyat, Nakcokv-Rakkot pu mvhayat tvlkekon, cuko-hvmecvlke hvmkuse ome hakat, momet Klist em Mekusvpkv-cuko ohrolope cukpe sulke etehoyvnen mvn vfastvtet heret omat kerkuecet os, momen Ohkalvlke seemfvyatkv elecvn Hesaketvmese eemetv esfvckat momen pu feke ofv mekusvpkv heren vyecice tayat eskerkv ocvranat tvlkuses komhoyen, mv momeckvn vfvshotvren yekcen estemvcahhonvtet os. Mv estehute mekusvpkvt eckvlke, hopuetake, vtotkvlke esyoman nakfvstetv vcajakan vrakkuecvkvren em vnicaket os, momet est em fvyatat aye munkvt os: momet cuko-hvmecvlke nak hvmkuse ome hakat eteropotten nanvke Hesaketvmese vnokec-

kv mehenwe vcvkypeyat vkvsvmkv, nak here esvmunkhaketv, Klist vnokeckv eteluce hayetv hayat nak epucashoyvranan honvpse erhonvpse etehoyvnen ohhvtypecice emunkvt os. Cuko-hvmecvlke etohkvlken Mekusvpkv-cuko ohmerk v es fveke meyuksv-seko oce tayan hayet os.”

¶ 635. Heyv afvcketv ekvnv este vcvkypeye opunvyeceyat, pum Mekusvpkv-cuko vtehkvlke vcvkypeye sasat, Mekusvpkv-cuko en hvsvtketv momen en yekcetvn tayan mvnvttecvkvre em penkvlhoye tayas, komeyat tayan es pu feknokhoket omes.

¶ 636. Heyv ekvnv vnokeckv opunvyeceyat esemvherickv svhokkolat erkenvkv pum mekusvpkv-cukotake vhecicvlke hiyomen yekcen em vcahneyet os: Penkvlkv ekvnv em afvcketv cahmelikvt omvlkv vpvke ocan em e fulecvkes, kicet, cem vhecickv este vfeckakhet em vcahvkcs, momet vnokeckv feckakhetv tepakan es vtotket, Vhkv Ohkalvlke omvlkv vrvhecakat em vhkv kackv omvlkv ohfvccvn nanvke pun Teseplen mellvten vfvstvkes. Pesvpylket ohvtvlakat heyvn makaket os:

“Teseplen est en heromet, momis pum vkerrickv melohlekon, es vfvstvraneyet os, Ohkalvlke seemfvyatkv ofv nake wihokeko taye, ocvranat tvlkuset omekv. Klist em ena en hvsvtketv momen etemvpoketvn, penkvkv omvlkv ofvt o estomis, vca-yehocvranet os, momet mvhakov ofv lvksetvn, monkat vretv ofv holwvyeckvn hvse-vkerkuce hvmkusis em etektvnekeares, ohvtvlaken vhojet, fvcctv tokan erorhoyekaren. Heyv nake ohvpeyat ohvtvlaket ayet os, komeyat pu penkvlet os, momet heyv ohfvccv opunvkv momvre heraken opunvyetv e em etektvneceyet os. Heyv nake ohfvccv vhakov hahoyvte oceyat em etetayes. Heyv tvlkuset vhoskes; mv nanvke momehocvres, mv vhakov mellat Teseplen vevkvyen este mv vfvstvkvre em wihokvtet heromet vpeyecicvkvres. Nakvfvstetv mv ohfvccv e ohkerkuecvranat, este vkerricepuece tayat pum Mekusvpkv-cuko em wiketvn vrahrvkvn oh wakket os.

¶ 637. Heyv Cenelvl Kanfelvns e en hvlvtekot heyv opunvkv-cvpkueckv enake mahusat omēn eenakuecaket os, momet pum erkenkvvlke momen pum Mekusvp-

kv-cuko vtehkvlke omvlkvt pun Teseplen em vhakuce vtekan em vkerrickv ohheci-cvkvren yekcen ohhuehkaket os. Meku-svpkv-cuko Opunvkv-herv 'seemfvvyvtakat omvlkvn, vkerrickv Ohkalvlke seemfvyatkv cenakuecakat, yvmv ekvnv em vkerrickv Hēsaketvmese vnokeckv naken etemo-cvkeko tayaten vkerricakate etvpomen vkerricetvn epoyvtet os. Heyv oketv nake rvkrvke ohvtvrtakat ofvn erkenvklke Mekusvpkv-cvko vtehkvlkeu vfeckakhet vtotkaken omat, hvsvtketv momen vkerrickv hvmkuse oce vtotketv hofunof ocakvten omvlecvranuset rafulecivres, momet heyv vpvken yekcetv hofunof ocvten. “Fvcce-tv fvcetv tokat etohkvlketv estomen etem oce haks? Hvyayvke yomucke etempunahoyetv estomen etem oce haks? Klist Pelyvl tepakat etepvketv estomen etem oce haks? Hesaketvmese en cuko vcakat momet nakvhakvke mekusvpkv etohkvlketv estomen etem oce haks? Cemetake Hesakvetmese wenake likat en cuko vcakat toyatskekv. Monkv em etenrvwv taken asosiyet, kvpvket omvkes, Pucaset maket os, momet mv hvsvtkekan celahyatskvs; mo-

men vnet ce ŷvpayvkares, momet Ce'rke  
take toyares, momen cemetaket cv'ppuce-  
take momet cv'chustvlke toyatskvres, He-  
saketvmese Yekcetv Omvlecat maket os."  
Hecvs Kvlenrvlke II., 6: 14-18.

## ENTEKS.

---

	¶
Akerrvlke em ohkerkueckv.....	267; 284, 294
Anyuvl Kanfelvns .....	44-66
Anyuvl Kanfelvns vtehkvlke.....	44
Cehofv e hocefkv ehvperkv opunvyetv.....	28
Cenelvl Kanfelvns vtehkvlke.....	32
Cenelvl Kanfelvns ekvny em afvckety vnrype em vcahnetv.....	632, 633
Cokv-kerretv .....	405-414
Cokv-mvhakv em Etohkvlketv.....	59
Cvrvkkety momen opunvkv, vretv esyome holvvhokat.....	273, 286, 295
Eehvperkueckv.....	29
Eelyweckv.....	30, 123, 145
Ekvny em afvckety.....	628-637
Ekvny em afvckety ohfvccv vkerrickv hakat, .....	628, 629
Ekvny em afvckety opunvyece opunkvvcvp- kueckv.....	630
Ekvny em afvckety nake semvnytteckv ..	634-637
Elkv aenkvvvpketv .....	472
Eltv em wikety hayetv.....	476
Eltv tvlemvlke.....	152-157
Emekusvpkv mvhaky.....	1-25
Emekusvpkv Pucase mvhayvte.....	219
Enke kvvvpkv es opunvyetv. ....	25

Epwvr Etohkvlketv.....	248-257
Erkenvklke e hutetake hayetv.....	446, 447
Erkenvkv em vtotketv e enkvpicat .....	117, 118
Erkenvklke erkenvkv en hueretv esfveken ascehueckv.....	142-145
Erkenvklke esemfeketv.....	320-323
Erkenvkv fekhonnvlke.....	164-172
Erkenvkv fekhonnv em fvcceckv.....	280-289
Erkenvkv fekhonnv en svtefeket.....	172
Erkenvkv fekhonnv Anyuvl Kanfelvns oh- huehkat .....	289, 307-311
Erkenvkv fekhonnv vnrvpe opunvyehocat	275, 276
Erkenvkv heren vtotkekat .....	288
Erkenvkv hokte epvyetv.....	21
Erkenvkv hute ofv etetakueckv.....	446
Erkenvkv Nvkaftecvlke.....	108-118
Erkenvkv Nvkaftecvlke esemfeketv .....	324
Erkenvkv ohvketeckv vrahkv aceyihocvte em fvcceckv .....	279
Erkenvklke ohvketeckv vrahkv ascehueckv, 139-141	
Erkenvkv svket monkat stesvn vhecicakat em vtotketv .....	119-138
Erkenvkv svket monkat stesvn vhecicakat esemfeketv .....	320-323
Erkenvkv tvleme em fvcceckv.....	263-278
Esketv este hacece tayat eenhvlvtkv.....	213-215
Este Cate em Mesvnele Kanfelvns.....	492
Estehute mekusvpkv.....	632
Este Mekusvpkv-cuko asceyickv.....	470
Estemerrakat em vnickv.....	29, 189



	¶
Estemwiketv cokv eskerkv.....	316-319
Estenlopickv.....	29, 187
Este etepahoykvte cokv-setenkvpvketv hec- kuecakat .....	138
Este pvsatkvte hopeletv vfvstetv.....	472
Este pvsatkvte vrakkueckv .....	14
Este tehvlvtepueckv vfvstetv.....	471
Etehvnkv momen etepokv.....	28
Etvlvv em vhakv ohfvcev vpohkv kvwvvpka- kat.....	102, 112
Evhuerickv .....	28
Fyce ome hueretv.....	9
Fyce ome hueretv renyupv naorketv .....	12
Hackv.....	28, 213, 215
Hesaketvmese hvmkusat.....	1
Holwvke opunvyeckv.....	28
Hopuetake mvhayetv.....	135, 208-213
Hopuetake Nettvako omof mvhayetv....	134, 247
Hopuetakuce paptiskv.....	17, 468
Kanfelyns Lepotkv.85, 88, 116, 126, 131-138, 168, 169	
Kometv Pucassekat.....	8
Kvntvckv erkenkv.....	119-138
Kwatvle Kanfelyns .....	76-86
Kwatvle Kanfelyns vtehkvlke.....	76
*Kwolvme .....	250, 405
Le mempv.....	32, 33, 44, 45, 46, 68
Le mempv em vtotketv .....	46
Le mempv hayetv.....	33, 44, 45


\*Kwolvme naken okat. Etohkvlketv estomis ocen omat, en nvkvftetv ofv vtehkvlke nakvfvstetv fvcecetv en sulke tetayat ocen omat, mvt kwolvmen kihocet.os.

Lepotkv Anyuvl Kanfelvns enake .....	¶ 63, 64
Lepotkv Kwatvle Kanfelvns enake.....	88
Lepotkv Mekusvpkv-cuko en Kanfelvns ena- ke .....	88-93
Lepotkv Testlekt Kanfelvns enake .....	70, 71
Letyuvl kihocat.....	467-472, 475, 476
Mekusvpkv-cuko.....	13
Mekusvpkv-cuko em vhakuce Ohkalvlke omvl- kv vrvhecakat .....	26-31
Mekusvpkv-cuko en hopuetake.....	208-212
Mekusvpkv-cuko en Kanfelvns.....	87-93
Mekusvpkv-cuko en nakvfvstetv vcacakat...	16
Mekusvpkv-cuko hayetv .....	443-445
Mekusvpkv-cuko momen enake ocakat...	446, 447
Mekusvpkv-cuko semvpeyetv vfvstetv, 467-472, 475, 476	
Mekusvpkv-cuko vpikv em fvcceekv.....	290-301
Mekusvpkv-cuko vtehkvlke .....	205-207
Mekusapvlke en nakockv.....	24
Mekusvpkv mvhakv .....	1-31
Mekusvpkv nvkvftetv.....	216-226
Mekusvprane nvkvftetv .....	227, 228
Mekusvpkv Pucase mvhayvte .....	219
Mekusapvlke pvsatkvte vrakkueekv.....	14
Mvhakv Nakockv-rakko vnrvpe ocakan erke- nvkv semvhayetv.....	274, 276
Nakockv Hahickv Cuko Enhomahtv ....	417, 418
Nakockv-rakko.....	5
Nakockv-rakko em Etohkviketv, Pipel Sosite hocekat.....	98, 133
Momen hecvs, ¶52, Vpo. 33, ¶71, Vpo. 4, momen ¶86, Vpo. 18.	

Nakcokv-rakko Testament Vculat.....	¶ 5, 6
Nakcokv-rakko vhesaketv vyetv mvhayet os.	5
Naorketv estemvsehety .....	29
Naorketv holwvyeckv enhvteceskv aatat....	7
Nettv-cako Cokv-heckv .....	237-247
Nettv-cako kaekv.....	28
Ohhecvlke.....	197-204
Ohhuehketv .....	307
Ohkalv mekusapv Kanfelvns ohhuehkat..	312-315
Ohkerretv Kvmete.....	290, 291
Ohrolope sulecakat paptiskv .....	469
Ohvketeckv.....	53-57, 139-141, 153
Ohvketeckv Kvmete.....	142, 145, 153
Oplesvn hvvke.....	20
Opunvkv Hesaketvmese E'ppuce.....	2
Opunvkv nvkvftety ofv kerhoye tayat.....	15
Opvkv.....	544, 628
Paptiskv.....	17, 468, 469
Pesvpylke em opunvkv .....	544
Pesvpylke kolvpake e hocefhokv.....	631
Pucase en Hompetv.....	18
Pucase en Hompetv vfvstety.....	467
Puyvfekv Vcakat.....	4
Pvketole kihocat.....	14
Revtv kihocat ohvyety.....	628
Seemfvvytkv Ohkalvlke omvlkv vryhecakat.	26-31
Sosiete .....	26-31
Stuvtylke.....	187-194
Stuvtylke en nvkvftety.....	195, 196
Svketvle.....	63, 64, 70, 88, 93

Momen ¶285, Vyo. 5, ¶293, Vyo. 4.

Tekvn em wiketv hayetv.....	475
Tekvn tvlemvlke.....	146-151
Testement Vculat.....	5, 6
Testlekt Kanfelvns.....	67-75
Testlekt Kanfelvns vtchkvke.....	68
Tlenete Vcakat ohvkvsvmkv.....	1
Tvklike Pvrko-opuswv eshokkolat.....	19
Vcahnlke.....	177-182
Vcevke vakan vccetv.....	28
Vfekcaket vtotketv.....	29, 145 (1)
Vhkv kackv.....	264, 281, 290
Vhkv palat.....	6
Vkerrickv vpohetv nvkvftetv.....	231-236
Vkerrickv vpohvlke.....	183-186
Vkvsvmkv.....	9
Vnokeckv Hompetv.....	229, 230
Vtotketv herakat.....	10
Vtotketv herake Hesaketvmeset, Momecvkes, pu kievtc sensulken momecēko tayat.....	11
Wvcenv ofv este mvpvke sehokat.....	23
Yunitet Sosiete, Etohkvketv Ohkalvlke em etenrvwv ocat.....	26-31
Yunitet Sosiete Ossickv.....	31
Yvhiketv Esvkvsvmkv.....	221-226















Microformed by<sup>6</sup>  
Preservation  
Services

<sup>c</sup>  
mfm # 6524.02

30 OCT 95

SMITHSONIAN INSTITUTION LIBRARIES



3 9088 00557 5378